

NAHOANA ILAY IZY NO TSY

MAINTSY MPIANDRY ONDRY

♪ ...Ataoko, karazana mpitory teny lava resaka iray. Ary tsy manana fianarana, izaho—ataoko fa tsy mitovy loatra amin'ny mpitory teny iray aho amin'ny olona sasantsasany. Ary izaho—ary tsy mihambo ho mpitory teny iray akory aza aho, karazana kodiarana fanolo iray fotsiny aho. Saingy tsapako fa manana Hafatra iray avy amin'Andriamanitra aho, ka amin'ny fombako (ka ny fomba tokana izay tsy maintsy hanehoako Azy), no ezahako hanehoana Azy amin'izao tontolo izao. Ary raha tsy mijanona amin'izany Hafatra izany aho, dia ho mpamadika iray amin'Andriamanitra ary mpihatsaravelatsihy aminareo. Ny olona iray izay hilaza zavatra anankiray nefo mino iray hafa, dia fihatsarambelatsihy izany. Tsy maintsy miteny foana ny fahamarinana avy ao amin'ny fontsika isika. Ka rehefa mijery antsika ny olona, na dia tsy mifanaraka amintsika aza izy ireo, dia tiantsika ny ho lehilahy sy vehivavy mendri-kaja: izay tenenintsika avy ao amin'ny fontsika, dia izany no marina ao am-pontsika.

² Tamin'ny taona lasa, na ny taona talohan'ny farany, dia nanana tombontsoa aho hiresaka ny—ny Kristiana... na mamelà ahy, hafatra Krismasy iray, teto tao amin'ny Ramada. Ary mino aho fa niresaka teo amin'ny lohahevitra aho, na teto na Phoenix, teo amin'ny: *Nahoana No Betlehema Kely?* Ary mino aho arak'izany fa teto ilay izy, tamin'ny taona lasa, no niresahako teo amin'ny: *Nahita Ny Kintany Tany Atsinanana Izahay Ka Tonga Hanompo Azy.*

³ Ary, fantatrareo, mamaky ny Baiboly isika, ka manontany, an'ireo “*Nahoana?*” Ary izao hariva izao dia nieritreritra aho, raha maharitra amiko vetivety ianareo, ary mivavaka miaraka amiko, dia hiezaka aho ny hanome anareo ny hafatroy Krismasy. Andriamanitra irery ihany no mahafantatra hoe ho aiza isika amin'ny Krismasy manaraka, raha misy Krismasy iray manaraka aorian'ity. Noho izany satria ity no mety ho Krismasy farany izay iarahantsika mipetraka, mandra-pipetrahantsika eo amin'ny latabatра iray hafa. Ary tsy ho anankiray amin'ity karazany ity Izany, fa izany dia ho rehefa hihinana sy hisotro an'ilay fandraisana vaovao miaraka Aminy isika, ao amin'ny Fanjakan'ny Ray eo amin'ny faran'ny lâlana. Ka noho izany, dia ndao isika hanatona an'izany izao hariva izao toy ny hoe ity no hafatry ny Krismasy farany izay hany iarahantsika mipetraka, ao amin'ny halalin'ny fahatsoram-po.

⁴ Te-hiresaka eo amin'ny lohahevitra iray tsy mahazatra aho izao hariva izao, fa matetika dia mahita an'Andriamanitra ao amin'ny zavatra tsy mahazatra ianareo. Manao zavatra ao amin'ny fanao iray tsy mahazatra Izzy. Tsy ilay fanao mahazatra, fa ilay izy dia fanao tsy mahazatra, fotoana tsy mahazatra, sehatra tsy mahazatra, tsy mahazatra Izzy. Ary tiako ity... Raha sitrakny Tompo, dia tiako ny hiresaka eo amin'ny lohahevitra hoe: *Nahoana Ilay Izzy No Tsy Maintsy Mpiandry Ondry*.

⁵ Ary ankehitriny alohan'ny hanatonantsika ny Teny, izay inoako fa Andriamanitra, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika."

⁶ Araka ny nolazaiko, tamin'ny herinandro lasa, na herinandro talohan'ny farany tany Phoenix hoe, "Voaporofa misy ireo olona avy amin'ity tany ity, vahoaka, mitety an'ity tranobe ity ankehitriny." Ny televiziona no manaporofo an'izany. Ao amin'ny faritra hafa iray izany, tsy afaka mandray an'izany ny masontsika ara-boajanahary sy ireo taovam-panamboloantsika dimy. Tsy io televiziona io no manamboatra zavatra, fantsona fotsiny izy. Tsy afaka mamindra amin'ny rantsan-tànananareo ianareo, tsy afaka manakimpy ny masonareo ianareo, fa voaporofa izany mba ho voatahiry mandrakizay. Mety mitsangana aho... Na lehilahy iray any Australie, afaka banana fi-fitaratra fijerena televiziona iray eto, tsy izany ihany fa ilay-ilay lehilahy dia afaka miteny, manetsika ny rantsan-tànanany, manakipy ny masonry, na dia ny lokon'ny fitafiana izay anaovany aza, dia ho voaseho eto amin'ny rindrina eto; nefy izy any Afrika, Australie, manerana an'izao tontolo izao. Hitanareo, misy ny fihodinana iray an'ireo onja ether. Tsy afaka manazava azy aho, saingy fantatro fa misy izany. Tsy mihevitra aho fa misy olona iray afaka manazava azy marina tokoa. Noho izany, afaka misintonia an'io ny televiziona ka manao azy ho zava-misy iray amin'ny alàlan'ny fitaovana sasantsasany, izay ahafahan'izy ireo mampitaratra an'izany eo amin'ny rindrina.

⁷ Ankehitriny, io zavatra iray io ihany no nisy teto fony teto i Adama. Teto ny televiziona fony-fony nipetraka teo ambonin'ny Tendrombohitra Karmela i Elia. Teto izany fony Martin Luther, io pretra tanora io, nanipy an'ilay kominio teo amin'ny gorodona ka nanao hoe, "Hostia izany! Ary ny marina ho velona amin'ny finoana." Teto izany tamin'izany fotoana izany, fa izao fotsiny isika vao mahita azy. Ary tahaka an'izany koa ilay izy, hoe ao amin'ny fanatrehantsika izao hariva izao Andriamanitra, ireo Anjely, ireo vatana ivelan'ny voajanahary izay tsy hita amin'ny taovam-panamboloan'ny fahitantsika ara-boajanahary. Fa indray andro any dia ho zava-misy iray izany tahaka ny televiziona ankehitriny, ary ho mahazatra fotsiny. Ankehitriny, izany no antony inoako ny Teny.

⁸ Hoy Jesosy hoe, “Na iza na iza hanampy teny anankiray amin’ity Baiboly ity, na hanaisotra Teny anankiray avy amin’Izany, dia ho esorina ao amin’ny Bokin’ny Fiainana ny anjarany.”

⁹ Noho izany, ndao isika àry hanondrika ny lohantsika, alohan’ny hany hamakantsika Azy. Tena feno haja! Ny olona rehetra izay manana tanjaka ara-batana dia afaka hamadika ny pejy, fa Andriamanitra irery ihany no afaka manambara an’Izany.

¹⁰ Ary miaraka amin’ny lohantsika miondrika mankany amin’ny tany izay nangalana antsika ankehitriny, sy hiverenantsika indray andro any, dia manontany aho... Ary ao amin’ity fotoana feno haja ity, raha manatona ny Krismasy isika, raha misy anankiray eto izay mahatsapa marina tokoa fa tsy mendrika ka te-ho tsarovana ao amin’ity vavaka ity, ianareo ve (tsy manatraka ny lohanareo) hanangana fotsiny ny tanganareo amin’Andriamanitra ka hanao hoe, “Tsarovy aho, Tompo, amin’ity Krismasy ity”? Andriamanitra hitahy anareo.

¹¹ Ray any An-danitra Masina sy Mpiahys Indrindra, Andriamanitra Tsitoha, Izay izay nisy hatrany amin’ny voalohany, talohan’ny nisian’ny kintana iray, na atomia iray, na molekiola iray. Ianao no nanao ny zavatra rehetra tamin’ny alàlan’i Jesosy Kristy Ilay Zanakao, ka nanome anay maimaim-poana ny zavatra rehetra tao Aminy. Misaotra Anao izahay, izao hariva izao, Tompo, ny amin’ity fanararaotra izay Nomenao anay ity mba hanakambana ny tenanay miaraka, mba ho ampitandremana sy ampianarin’ny Fanahy Masina. Ary ny Fanahy Masina no mandray Ny Teninao ka manambara Azy ireo aminay, satria hoy Jesosy hoe, “Rehefa tonga Izay ilay Fanahin’ny Fahamarinana, dia Izay no hampahatsiahy anareo an’ireo zavatra izay Nolazaiko ary haneho aminareo ihany koa an’ireo zavatra izay ho avy.”

¹² Andriamanitra, tsy misy anankiray eto afovoanay, tsy misy anankiray koa eto ambonin’ny tany, izay mendrika hanandrana handika Ny Teninao, satria izao no voasoratra hoe, “Ny Tenin’Andriamanitra dia tsy avy amin’ny fandikana manokana.” Noho izany, Tompo, dia mivavaka izahay mba hanomezan’ny Fanahy Masina anay izao hariva izao, ny rehetra sy ny tsirairay avy, ny anjara izay ilainay hahafa-po an’io hanoanana izay ao anatin’ny fonay io ho an’ny fandehanana iray manakaiky kokoa Anao. Tsy sahaza izahay, tsy madio, tsy mendrika. Aoka ilay Zaza izay teraka tao Betlehema, izay niaina ny fiainana tanteraka indrindra, sy ilay lehilahy tokana tanteraka tetra ambonin’ny tany, ka nanolotra ny Tenany ho vidim-panavotana iray mba Ahafahany manadio anay mpanota tsy madio sy mampiditra anay ao amin’ny fifandraisana amin’ilay Ray, hanaiky izao hariva izao mba hanaovan’Ny Fanahiny Masina (amin’ny alàlan’ny fitoriana ny Teny) an’izany ho anay.

¹³ Tompo Andriamanitra, misy marary maro ato amin'ny firenena androany, eo anatrehan'ny fanafody tsara indrindra izay hany nitsaboana anay, sy ny fanafody tsara indrindra ary ireo hopitaly tsara indrindra. Kanefa ao amin'ireo fikarohana siantifikanay malaza rehetra, dia mbola misy aretina betsaka noho izay hany fantatr'izao tontolo izao foana, satria misy fahotana sy tsi-finoana betsaka noho izay hany fantatr'izao tontolo izao. Ampio izahay izao hariva izao, ry Mpitsabo Lehibe, ka sitrano ny marary izay eto afovoanay.

¹⁴ Ary omeo anay ny Fanahy, ilay Fanahin'ny Krismasy marina. Nefa androany...fa rehefa ireo lanonana mpanompo sampy, ireo hazo Krismasy tompona, ireo tantara foronina an'ny—ny lehilahy iray antsoina hoe Santa Claus, sy ireo bitron'ny Paskanay, ary ireo lamaody samihafa izay hahazoan'ny varotr'izao tontolo izao tombony, dia enga anie izany hipetraka eny amin'ny ilany, Andriamanitra. Mamelà anay hiditra ao amin'i Kristy ilay Teny, fa mangataka an'izany amin'Ny Anarany sy ho an'ny Voninahiny izahay. Amena.

¹⁵ Raha hamadika miaraka amiko ianareo ho an'ny famakiana iray ao amin'ny Soratra Masina, Masindahy Lioka, ny toko faha-2. Afaka mandre ahy tsara ve ianareo?

Misy mikarantsana ve ao amin'ny fanamafisam-peo? Afaka mandre ahy tsara ve ianareo any aoriane? Raha afaka ianareo, dia atsangano ny tànanareo. Misaotra anareo. Ny toko faha-2 an'ny Filazantsara araka ny Masindahy Lioka.

Ary izao no niseho tamin'izany andro izany, fa nivoaka ny didy avy tamin'i Aogosto Kaisara, hoe ny tany rehetra dia hosoratana.

(Ary izany fanoratana izany no voalohany nampahafantarina... dia ny governoran'i Syria.)

Ary ny rehetra dia nandeha nosoratana, ny tsirairay avy nankany amin'ny tanànanany manokana.

Ary Josefa koa dia niakatra avy tany Galilia, tao an-tanànan'i Nazareta, nankany Jodia,... ny tanànan'i Davida, izay antsoina hoe Betlehema; (satria avy tamin'ny ankohonana sy ny mpianakavin'i Davida izy):

Mba hosoratana izy sy Maria fofom-badiny, izay efa bevohoka.

Ary tahaka an'izany ilay izy, izay, raha mbola nitroetra tany izy, dia tonga ireo andro izay tokony hahavelomany.

Ary niteraka ny zanany lahimatoa izy, ary norakofany tao anatin'ny lamban-jaza izy, ary nampandry azy tao amin'ny fihinanam-bilona; satria tsy nisy efitra ho azy ireo tao amin'ny tranom-bahiny.

*Ary nisy mpiandry ondry tamin'izany tany iray izany
nitoetra tany an-tsaha, nitandrina ny ondriny tamin'ny
alina.*

*Ary, indro, tonga teo amin'izy ireo ny anjelin'ny
Tompo, ary ny voninahitry ny Tompo namirapiratra
nanodidina azy ireo: ka raiki-tahotra indrindra izy ireo.*

*Ary hoy ny anjely tamin'izy ireo hoe, Aza matahotra:
fa, indro, aho mitondra... teny soa an'ny fifaliana
lehibe, izay ho an'ny olona rehetra.*

*Fa Mpamorony no teraka ho anareo amin'ity andro ity
ao an-tanànan'i Davida, dia Kristy ilay Tompo.*

*Ary izao no ho famantarana ho anareo; Ianareo hahita
zazakely voarakotra ao anatin'ny lamban-jaza, mandry
ao anatin'ny fihinanam-bilona.*

*Ary tampoka teo dia nisy ny... Ary tampoka teo
dia nisy... niaraka tamin'ny anjely marobe avy... maro
avy any an-danitra nidera an'Andriamanitra, ka nanao
hoe,*

*Voninahitry ho an'Andriamanitra any amin'ny avo
indrindra, ary fiadanana eto ambonin'ny tany, ho an'ny
olona ankasitrhana.*

*Ary izao no niseho, rehefa niala teo aminy ireo anjely
nankany an-danitra, dia nifampiresaka ireo mpiandry
ondry hoe, Ndao isika handeha hankany Betlehema
ankehitriny, ka hijery an'izany zavatra izay miseho
izany, izay ny Tompo no nampahfantatra antsika.*

*Dia nandeha tamin'ny hafainganam-pandeha izy ireo,
ka nahita an'i Maria, sy Josefa, ary ilay zazakely nandry
tao anatin'ny fihinanam-bilona.*

*Ary rehefa nahita an'izany izy ireo, dia nampiely ny
teny izay nolazaina tamin'izy ireo mikasika an'ilay zaza.*

*Ary izay rehetra nandre an'izany dia gaga tamin'ireo
zavatra izay notenenin'ireo mpiandry ondry tamin'izy
ireo.*

*Fa i Maria dia nitahiry an'ireo zavatra rehetra ireo, ka
nisaintsaina azy ireo tao am-pony.*

*Ary niverina ireo mpiandry ondry, nanome
voninahitry sy nidera an'Andriamanitra noho ireo
zavatra rehetra izay reny sy hitany, arak'izay
notenenina tamin'izy ireo.*

Enga anie ny Tompo hanampy ny Fitahiany amin'ny
famakiana Ny Teniny.

¹⁶ Ankehitriny, izany dia ny... Nahoana no voambara
tamin'ireo mpiandry ondry ity zava-mitranga lehibe ity? Ho
karazana zavatra iray mahavarana izany ho antsika. Manana

Soratra vitsivitsy aho voasoratra eto, ary naoty vitsivitsy izay hiezahako handehanana, mba hanazava aminareo hoe *nahoana* amin'ny tsara indrindra amin'ny fahalalako. Ary angamba aorian'izany avy eo, ny Tompo miaraka amin'ny Fahasoavany, izao hariva izao, no hanaisotra an'ireo *nahoana* hiala amintsika. Fa efa... Ny ankamaroantsika rehetra, heveriko, tamin'ny fotoana iray na hafa, dia efa nanontany hoe nahoana no tamin'ireo mpiandry ondry no voambara ity zava-mitranga lehibe indrindra an'ny fotoana rehetra ity. Nahoana no voambara tamin'ireo mpiandry ondry Izany fa tsy tamin'ireo teolojiana an'izany andro izany? Izy ireo no hany nofanina handre an'Izany. Ary nahoana Izany no tonga nefá nandingana an'ilay mpanan-karena, fa tonga teo amin'ilay mahantra? Izao koa, nahoana Izany no nandingana an'ilay nampianarina sy hendry, fa tonga teo amin'ilay manetry tena sy tsy nampianarina? Misy fanontaniana vitsivitsy an'ny *nahoana* ao amin'ity.

¹⁷ Ary mety hilaza antony iray hafa aho, mariho, ilay zazakely dia teraka tao Betlehema. Fa Betlehema amin'ny fandikanteny Hebreo, araka ny nananantsika taona vitsy lasa izay teto, *Betlehema* dia midika hoe ny "tranon'ny mofon'Andriamanitra." Ary nopofointsika tao amin'ny Soratra, fa tsy afaka ho tonga tany amin'ny toerana hafa mihitsy Izy. Betlehema dia naorin'i Rahaba sy ny—ny vadiny. Rahaba dia mpijangajanga izay naharaiki-pitia an'ny jeneraly iray, avy tao amin'ny—ny tafika Isiraelita, taorian'ny nakan'izy ireo an'i Jeriko. Ary tamin'ny finoana no ninoany ny Hafatr'Andriamanitra, tao amin'ny toerany, ka voavonjy izy. Ary nanomboka teo, rehefa nizara an'ireo tany i Josoa an'izay hisy ny tsirairay avy,...

¹⁸ Ary misy lesona iray lehibe izay antenaiko fa azoko entina eto Tucson indray andro any, mikasika an'ireo reny Hebreo miteraka an'ireo zazakely ireo. Rehefa nitaraindraina tamin'ny fahararium-piterahana an'ilay zazakely izy ireo, dia niantso ny anaran'ilay zazakely ary izany no nametraka azy ara-toerana tao amin'ilay tany nampanantenaina, foko izany. Ny zavatra lehibe, dia miaraka mifanaraka tsara ny Tenin'Andriamanitra rehetra. Raha tsy mifanaraka izy, dia tsy ny Tenin'Andriamanitra no tsy mifanaraka, fa ny eritreritraiseo no tsy mifanaraka amin'ny Teny. Miaraka mifanaraka Izy rehetra.

¹⁹ Koa, noho izany, Izy no Mofon'Aina, araka ny nampianarintsika tany Phoenix tamin'ny herinandro lasa, na herinandro talohan'ny farany. Ary satria Mofon'Aina, dia tsy afaka ho tonga amin'ny toerana hafa Izy afa-tsy ilay "tranon'ny mofon'Andriamanitra." Ary izany ilay *nahoana*. Ankehitriny, eto, teraka tao Betlehema Jesosy, ary nisy synagoga tao Betlehema, mpitarika ara-pivavahana malaza no nipetraka tao Betlehema. Davida ilay mpanjaka mpiandry ondry malaza dia teraka tao Betlehema, Jese rainy dia teraka tao Betlehema,

Obeda raibeny dia teraka tao Betlehema. Izao koa, tany aorianarehetra tany, dia avy tao Betlehema izy.

²⁰ Ary eto, Jesosy ilay Zanak'i Davida dia teraka tao Betlehema, teo ambanin'ny alok'ireo katedraly lehibe. Noho izany raha nofanina ireo olona ireo, ka niandry ny Mesia nandrity'reo taona rehetra ireo; efajato taona, no naminaniana ny Mesia ho tonga. Ary noho izany raha ho teraka tao amin'ny aloky ny katedraly ny Mesia, dia nahoana izy ireo no tsy maintsy nandeha avy hatrany nankany an-tendrombohitra nankeo amin'ny andiana mpiandry ondry tsy nianatra, tsy niofana mba hitondra an'ilay Hafatra lehibe, ilay Hafatra voalohany? Ary mpiandry ondry voairaka! Tsy ilay hendry sy nofanina, fa mpiandry ondry. Zavatra iray hafahafa izany, sa tsy izany? Fa tsy maintsy misy *nahoana* iray any ho any... Misy *nahoana* iray, ankehitriny dia tsy maintsy misy valin'ny nahoana iray! Ary tsy misy olona mahafantatra ny valiny afa-tsy Andriamanitra. Izy no Anankiray izay mahafantatra ny valiny.

²¹ Ankehitriny, tsarovy, efa tao amin'ilay tanàna ny Mesia, teraka tao amin'ilay tanàna, tao an-tranon'omby iray; teo akaikin'ireo katedraly lehibe mihitsy izay nisy an'ireo mpisoronabe...sy ireo mpisorona malaza, ary ireo teolojiana, sy ny hendry, ary ilay nofanina, teo ny rehetra niandry ny Mesia. Ary teo Izy, teo afovoan'izy ireo mihitsy! Fa nahoana ary izy ireo no nandeha nankany amin'ireo...teny amin'ireo havoanan'i Jodia nankeo amin'ilay tsy nianatra, tsy nofanina, tsy nokolokoloina, mahanttra indrindra amin'ny rehetra? Toy ny hoe ilay olona tsy mendrika indrindra ho an'ny asa iray tahaka an'izany, hanambara ny Hafatra sy handefa azy ireo hitondra ny Hafatra.

²² Fantatrareo ve ny hevitro? Mety tsy hidika be loatra ilay izy, saingy tiako ny hampita ny hevitro: Mino aho fa ilay izy dia nohon'ny fahendren'Andriamanitra, hoe Fantany fa tsy handray Hafatra iray tahaka an'izany amin'ny fomba Nahatongavany izy ireo. Tsy tamin'ny tsiron'ny fianaran'izy ireo Izany. Hafa Izany. Tsy izany no nanofanana azy ireo hino fa ho tahaka an'izany Izy. Nifanohitra tamin'ny fahazoan'izy ireo ara-teolojia izany. Ny fiofanany rehetra, ny fianarany rehetra dia voadingana, lasa aotra. Mino aho fa ny fahendren'Andriamanitra no nahafantatra fa tsy handray Hafatra iray tahaka an'izany izy ireo.

²³ Noho izany dia teo ny Mesia, ary tsy maintsy nisy olona iray nahafantatra Azy. Ary Fantany ireo izay tsy nikorontana tao anatin'ny karazan-javatra tahaka an'izany. Ho Azony atao kokoa ny hampita ny Hafany amin'ny vondrona iray tsy nianatra, noho ny Hahazoany ho an'ny vondrona iray mikorontana izay tena voalamina tao amin'ny fanaony ka tsy misy na inona na inona afaka hampihodina azy ireo, na dia ny Tenin'Andriamanitra aza.

²⁴ Ary ankehitriny, ry sakaiza Kristiana, dia mameùà ahy hametraka an'ity fanontaniana ity, miaraka amin'ny fahatsoram-po rehetra sy fitiavana. Manontany fotsiny aho raha hanao an'ilay fihetsika iray ihany Izy izao hariva izao, ka handefa ho antsika ao amin'ity taranaka ity an'ilay Teny nampanantenaina izay nampanantenaina ho an'ity taranaka ity, manontany aho raha ireo teolojianintsika, sy ireo mpanabe, sy hendry, no tsy handà ny Hafatra mitovy mihitsy amin'izay nataon'izy ireo tamin'izany? Tsy miova ny olona, tsy miova koa ny Tenin'Andriamanitra. Izy no Andriamanitra tsy miova, tsy miova Izy!

²⁵ Mariho, tonga ireo Anjely ka . . . Tonga ireo Anjely ka nanome ny Hafany ho an'ny olona avy amin'ny toerana ambany tahaka an'izany, nefà nisy olona betsaka kokoa teo (eritreritra eto antany) nahafeno fepetra noho ireo mpiandry ondry mahantra, tsy mahay mamaky teny sy manoratra ireo. Ny mpiandry ondry no tsy mahay mamaky teny sy manoratra indrindra amin'ny olona rehetra, tsy nila nahafantatra na inona na inona afatsy ny mikasika ny ondrinry fotsiny izy. Tsy nila nahafantatra matematika izy. Tsy nila nahafantatra izy hoe ahoana no—no hampisarahana atoma anankiray. Tsy nila fampianarana izy. Tsy maintsy nahafantatra ny ondrinry fotsiny izy, izay ihany no nilainy ho fantatra. Ary Andriamanitra, ilay Fahendrena lehibe, sy Loharano ary loharanon'ny fahendrena rehetra, dia nifidy olona iray tahaka an'izany (ireo olona, raha ny marina, tahaka an'izany), ka nandingana an'ireo mahay tsara hofana rehetra izaynofanina hahafantatra an'Izany. Miteny zavatra anankiray izany, hoe izy ireo dia nofanina tao amin'ny saha tsy izy. Nandalo an'ilay tena ilaina rehetra an'ny firenena; olona tena ilaina izy ireo, mpampianatra malaza, Kaiafa ilay mpisoronabe, lehilahy malaza hafa maro, ireo nianatra tsara rehetra an'i Isiraelly, ireo anaram-piangonana rehetra, ary ireo teolojiana mirehareha rehetra, nodinganin'Andriamanitra ny tsirairay avy tamin'izy ireo! Ankehitriny, izany no fahendren'Andriamanitra.

²⁶ Mariho, ireo Lanitra Avo indrindra dia nandeha haingana mba hanaja an'ilay manetry tena sy tsy nianatra indrindra an'ny tany. Ny Avo indrindra amin'ny Lanitra no nidina mba hampahafantatra ny Tenany tamin'ilay ambany indrindra an'ny tany, nandingana ny teo anelanelany rehetra mba hampahafantatra ny Tenany tamin'ireo mpiandry ondry tsotra; tonga mba hanome an'ireo mpiandry ondry tsotra ireo ny Hafatra lehibe indrindra an'ny fotoana rehetra. Efa nisy iraka malaza betsaka tany. Afaka hieritreritra ny tamin'ny andron'i Noa isika, sy ireo mpaminany, ary—ary ireo mpisorona malaza, sy ny sisa, izay nisy tao amin'ireo andro lasa. Ny lehilahy malaza nianatra, mpanjaka, manam-pahefana, mpitondra fanjakana, saingy indro Izy tonga miaraka amin'ny lehibe indrindra amin'ny Hafatra rehetra. Inona ilay Hafatra? “Eto ny Mesia

ankehitriny!” Hitanareo? Ary mba hampahafantarana an’izany, dia Nodinganiny ilay niofana rehetra, mba hampahafantatra an’izany amin’ireo mpiandry ondry manetry tena.

²⁷ Eritrereto izany: ireo mpitondra fivavahana rehetra, ireo olom-piangonana rehetra, ireo mpampianatra rehetra, ireo rehetra—ny fiofanana ara-teolojia rehetra, ny vola rehetra izay nolaniana, ireo fiangonana rehetra, sy ireo foto-pampianarana rehetra, ary ireo anaram-piangonana, dia voadingana daholo! Ny fianarana rehetra izay nolianan’izy ireo teo amin’ny rehetra—ireo misionera rehetra, sy ny fanaovana proselyta, ny fanaovana mambra rehetra, ary ny zavatra rehetra izay noeritreretin’izy ireo fa hoe nanaja an’Andriamanitra izy ireo, kanefa ilay Hafatra lehibe an’izany rehetra izany dia nandingana azy ireo. Hafahafa! Nahoana? Hitanareo?

²⁸ Ary mariho, tsy izany ihany, fa ilay toerana tsy azo inoana indrindra ho an’ny zava-mitranga iray tahaka an’izany. Ireo mpiandry ondry, ankehitriny, no anankiray izay nandray ny Hafatra. Ary mariho ankehitriny hoe taiza ilay Hafatra: tao amin’ny toerana tsy azo inoana indrindra izay nanantenan’ny olona Nahatongavany. Ary manontany aho, izao hariva izao, raha niandry an’ilay Hafatra marina an’ny Tompo Jesosy isika, manontany aho raha ho ao amin’ny vondrona iray tsy azo inoana Izany, toerana iray izay . . . izay ho heverin’ilay izao tontolo izao malaza, voakolokolo avo sy ny fiangonana amin’izao andro izao fa andian’ny—ny, oh, mpirehidrehi-poana? Manontany aho raha tsy ho ao no hahitantsika Azy? Ilay toerana tsy azo inoana indrindra, ary ho an’ireo mpandaha-teny tsy mahay indrindra. Tsy mahay na inona na inona momba ny fitenenana ireo mpiandry ondry, miantsy ny ondry fotsiny; eny, izany angamba no antony Nahatongavany.

²⁹ Fa nisy Teny nampanantenaina iray. Mariho, afaka hanao an’izany indray ilay izy.

³⁰ Nandingana an’ireo manan-kaja rehetra an’ny firenena Izany. Nandingana an’ireo manan-kaja rehetra Izany, ary voambara tamin’ireo tsinontsinona. Ireo manan-kaja rehetra izay voaravaka tamin’ny—tamin’ny dokoteran’ny momba an’Andriamanitra malaza sy—sy psykolojia, sy—sy fianarana ambony, ary ireo katedraly lehibe sy ny sisa, voadingana izany rehetra izany fa voambara tamin’ireo tsinontsinona. Ny fahendrena, ny fahendrena tsy manam-petran’Andriamanitra Tsitoha no nanao an’izany, mba hampahafantatra azy ireo an’ilay Hafatra malaza indrindra izay hany nisy hoe, “Eto antany ny Mesia ankehitriny.” Fahendrena iray toy ny inona! Afaka ho tonga avy amin’Andriamanitra irery ihany izay mahafantatra fahendrena! Ny fahendrena rehetra sy ny fianarana rehetra, ary ny zavatra rehetra, dia lasa fitoerampako ankehitriny ka nodinganin’ilay fahendren’Andriamanitra lehibe. Manohy mamerimberina an’izany aho satria tiako hidina

lalina izany. Lasa fitoeram-pako ny rehetra, tsy nisy nilàna azy izany. Nandingana an'izany rehetra izany mba hamela ny fahendren'Andriamanitra hanana an'ilay zò handalovana, ka maka an'ireo tsinontsinona Andriamanitra mba hanaovana an'ireo zavatra.

³¹ Afaka mijanona eto isika ka hiresaka ny amin'i Jaona. Afaka mijanona isika ka hiresaka ny amin'i Elia. Tsy misy olona mahafantatra hoe avy taiza i Elia. Ny hany fantatr'izy ireo, dia niseho fotsiny teo amin'ny sehatra izy. Ireo mpaminany nanerana an'ireo taona, tsinontsinona izy ireo. Fa nalain'Andriamanitra izany mba...ka nandingana an'ireo—ireo etikan'ny fiangonana, sy ireo fampianarana, mba hanao...haneho fa Izy no Andriamanitra. Maka zavatra iray izay tsinontsinona Izy, mba hanao zavatra iray amin'izany. Maneho ny Fahendreny sy ny Maha-Andriamanitra Azy Izy amin'ny fanaovana an'izany, ka maka an'ireo tsinontsinona Izy. Rehefa nanao voalohany ny olona Izy, dia naka vongana tanimanga iray fotsiny Izy ary nanao olona iray avy tamin'izany. Teo amin'izay tsy nisy afatsy tanimanga, saingy nanao olona iray Izy. Ary maka an'ireo tsinontsinona Andriamanitra ankehitriny, mba hanaovana an'ireo zavatra. Ary raha mbola mihevitra foana isika fa zavatra isika, amin'izay fotoana izay dia tsy afaka ampiasaina eo antanàn'Andriamanitra isika. Tsy maintsy mahafoy ny rehetra izay hany fantatsika na nianarantsika isika. [Manadio ny tendany Rahalahy Branham—Mpand.] (Mamelà ahy.) Tahaka an'ilay Masindahy Paoly malaza, nilaza izy fa tsy maintsy nanadino ny rehetra izay hany nianarany izy, mba ahafahany mahafantatra an'i Kristy.

³² Ny fianaran'izy ireo rehetra, ny fampianaran'izy ireo rehetra sy ny sisa, dia niasa tamin'ny fomba ratsy indrindra ho azy ireo. Nandà Azy izany tamin'ny farany! Ilay fianarana mihitsy izay efa nananan'izy ireo *mikasika* Azy, mba hino Azy, dia nivadika ka lasa Fahavalony mpitsikera indrindra, ary nanohombo Azy!

³³ Fantatrareo ve fa miverina matetika mihitsy izany tantara izany? Zava-misy iray voamarika izany. Afaka hitranga indray eo anilantsika eo mihitsy izany. “Oh,” hoy ianareo, “Raha velona aho tamin'izany,...” Eny, ankehitriny, raha tianareo ny hahafantatra izay ho nataonareo tamin'izany, dia jereo ny toeranareo ankehitriny izao; dia afaka hahita an'izay ho nataonareo ianareo, satria eo am-panehoana tokoa izany.

³⁴ Nofanina mba hino Ny Teniny, nefá avy eo rehefa nohamarinina teo anoloan'ny mason'izy ireo mihitsy Ny Teniny, dia nandà an'ilay Teny izay tonga voamarina izy ireo. Rehefa nopofoin'Andriamanitra izay Hataony, sy nilaza an'izay Hataony, ary nanaporofa an'izay Hataony, tamin'izay fotoana izay dia nihodina izy ireo ka niantso an'io lehilahy io hoe “fanahy ratsy” (izay nanozona azy rehetra). Eritrereto izay niseho! Eritrereto izay nahatonga an'ireo; ny fiofanany no nahatonga

azy ireo tsy hahafantatra an'ilay Teny mihitsy tonga nofo ho an'ny andron'izy ireo; ilay fiofanana mihitsy izay nananan'izy ireo tao amin'ny sekoliny, miaraka amin'ny tsara indrindra amin'ireo mpampianatra mihitsy.

³⁵ Dia hoy ianareo hoe, “Eny, tsy hanao an’izany izahay amin’izao andro izao.” Ny mpampianatr’izy ireo dia faratampony lavitra noho ny antsika amin’izao andro izao (ambony, raha ny marina, amin’ireo mpampianatsika), nefà tsy nahomby izy ireo. Tsy nanana rafi-pandaminana enina amby sivifolo amby sivinjato samihafa tahaka ny ananantsika amin’izao andro izao izy ireo. Nanana teo amin’ny telo teo izy ireo. Ary tao amin’ny telo, nihena ho telo, fa tsy nisy tamin’ireo telo nahafantatra an’Izany! Maneho fotsiny izany fa izay ataon’ny olona dia fahadalana amin’Andriamanitra. Hitanareo?

³⁶ Ankehitriny, tsy nahomby tamin’ny fahafantarana an’Izany izy ireo. Ankehitriny... Ary hanao an'ilay zavatra iray ihany indray izy ireo.

³⁷ Ny olona... Tsara ny fikasana, tsara foana izany. Ary tsy manova ny fiheviny mihitsy ny olona, tsy manova firy ny fanaony izy; miresaka ny amin’ny olon’izao tontolo izao aho. Midera an’Andriamanitra foana ny olona, olona mpivavaka, ny amin’izay Nataony, ary manondro amin’ny olona foana an’izay Hataony, nefà avy eo dia tsy miraharaha an’izay Ataony! Hitanareo? Ny olona fotsiny izany, natao tahaka an’izany izy, efa tahaka an’izany foana izy. Ary ianareo mpamaky Baiboly izao hariva izao dia mahafantatra fa araka ny Teny izany, “marina.” Midera an’Andriamanitra foana izy ireo ny amin’izay Nataony, milaza an’izay Hataony, nefà tsy miraharaha an’izay Ataony. Fahazaran’ny olona fotsiny izany.

³⁸ Ny antony nanaovan’izy ireo an’izany, ireo mpampianatra, araka ny hevitro ankehitriny: nandika ny Teny izy ireo, satria nino ny fihavian’ny Mesia izy rehetra. Nino an’izany ny Isiraely rehetra, mbola mino foana izy ireo androany. Fa ny antony tsy nahafantarán’izy ireo Azy, dia tsy araka ny fijery arapivavahan’izy ireo Ny Hafany. Izy ireo... ny fandikana ny Teny izay nananan’izy ireo, ilay Mesia dia tsy naneho ny Tenany mihitsy tamin’ny fomba izay nandikan’izy ireo fa Hanehoany an’izany. Koa, ary noho izany, dia tsy nahafantatra Azy izy ireo satria tsy nifanaraka tamin’ny fandikan’izy ireo Izany. Araka ny nolazaiko tany aloha, ary lazaiko indray hoe, “Tsy mila olona handika Ny Teniny Andriamanitra. Izy no Mpandika teniny Manokana.”

³⁹ Ankehitriny, milaza ny Baiboly... Mamelà ahy hanaporofo aminareo ankehitriny fa izany no Fahamarinana. Isaia mpaminany, dimy ambin’ny folo sy fitonjato taona talohan’ny nitrangan’io, dia hoy Isaia mpaminany hoe, “Hanan-anaka ny

virijiny, ka hiteraka zanaka.” Tsy isalasalana fa ny olona rehetra tao amin’io taona io dia nihevitra fa ho ny zanakavaviny izany vehivavy izany, satria Isaia no nilaza an’izany. Saingy, hitanareo, fitonjato taona taty aoriana vao nisy izany. Fa rehefa . . . Tsy nila olona handika Ny Teniny Andriamanitra, hoe rahoviana no Hataony izany, na ahoana no Hanaovany an’izany. Izy no nilaza fa Hataony izany, dia Nataony izany!

⁴⁰ Andriamanitra no nampanantena fa Izy . . . ao amin’ny Isaia, ihany koa, mino aho fa ny toko faha-28, eo amin’ny andininy faha-18. Ary ao amin’ny Joela 2:28 ihany koa, amin’ny andro farany, ireo roa arivo taona farany, dia handatsaka Ny Fanahiny amin’ny nofo rehetra Izy. Hoy Izy hoe, “Ny zanakalahinareo sy ny zanakavavinareo haminany. Ny lehilahy tanoranareo hahita fahitana. Ny lehilahy antitrareo hanonofy nofy.” Ary ireo zavatra izay Hataony, hoy Isaia hoe, “Amin’ny molotra miambakambaka sy fiteny hafa no Hitenenako amin’ity vahoaka ity, ary ity no Fitsaharana.” Fa tsy nihaino an’Izany izy ireo. Nanifikifika ny lohany izy ireo ka nandalo an’Izany. Hoy izy hoe, “Ho feno lô ireo latabatr’Andriamanitra rehetra, ka tsy hisy na inona na inona madio.” Ary raha tsy izany no sary iray an’i Jerosalema, sy ny fiangonana an’io andro io tamin’ny fihavian’ny Mesia, dia sary iray an’izao andro izao koa izany. Miverina fotsiny ilay izy.

⁴¹ Ankehitriny, rehefa milaza Andriamanitra fa hanao zavatra iray Izy, dia Nataony izany. Tsy mampaninona izay heverin’ny olon-kafa mikasika an’izany, izay lazain’ny olona, rehefa miteny zavatra iray Andriamanitra, dia Izy Tenany no voatery handika an’izany Teny izany. Ary ny Fanamarinany an’ilay Teny no Fandikany Manokana. Mariho, manamarina ny Hafatry Ny Mesiany. Izy no nampanantena an’izay hataon’ny Mesia rehefa tonga Izy. Ary rehefa tonga Izy . . .

⁴² Rehefa njery nankany atsimo-andrefana mihitsy aza ireo olon-kendry tany atsinanana, nanomboka teo amin’izay nisy azy ireo tany Babylona, ka nahita kintana be voninahitra iray izy ireo. Efa fantatrareo ve fa tsy nisy pentin-tantara iray, na aiza na aiza, hoe nisy trano fandinihana iray (nefa izy ireo aza dia mametra ny—ny—ny fotoana amin’ny alàlan’ny kintana, olona malaza izay nianatra an’ireo kintana ireo) . . . Tsy misy tantara milaza fa nisy anankiray tamin’izy ireo mihitsy nahita an’io kintana io. Nahoana? Tsy nomena azy ireo izany, tsy niandry an’izany izy ireo. Fa ireto olon-kendry ireto dia nahafantatra fa hisy Kintan’i Jakoba iray hiseho, ary niandry an’Izany izy ireo, ary nandalo Izany nanomboka tamin’ny fotoana izay nahaterahan’i Jesosy tao Betlehema . . .

⁴³ Ankehitriny, fantatro ireo fombafombantsika Kristiana, tahaka an’ireo fiangonantsika fotsiny izany, manana zavatra misavoritaka izy. Mivoaha ianareo eto dia hahita olon-kendry tonga hanompo zazakely iray; tsy misy zavatra tahaka an’izany

ao amin'ny Soratra. Roa taona taty aoriana izy ireo vao tonga teo, nandeha nitety an'ireo lemaka ary niampita ny Renirano Tigrisy. Tsy tonga hanompo zazakely iray mihitsy izy ireo, fa ankizy tanora teo amin'ny roa taona teo. Nahoana ilay izy, tamin'ilay fotoana iray ihany, no namono ny ankizy rehetra nanomboka tamin'ny roa taona no midina i Heroda? Mba ahafahany mahatratra an'ilay Mesia. Hitanareo, izy ireo... Nanamarina tamin'ny alàlan'Ny Teniny Andriamanitra.

⁴⁴ Ary rehefa tonga tao Jerosalema ireto olon-kendry ireto... Nitarika azy ireo nankao amin'ilay foibem-pivavahan'izao tontolo izao ilay kintana, Jerosalema. Ary vantany vao niditra tao amin'ireo vavahady izy ireo, io kintana io (ilay ivelan'ny voajanahary izay nitarika azy ireo) dia nandà tsy hiseho tamin'izy ireo intsony. Nandroso-sy-niverina teo amin'ireo lâlambe ireto olon-kendry ireto, lehilahy manan-karena niaraka tamin'ireo rameva voatafy lamba tsara, sy ny sisa... nandroso sy niverina teo amin'ireo lâlambe nanao hoe, "Aiza Izy izay teraka ho Mpanjakan'ny Jiosy. Nahita ny Kintany tany atsinanana izahay." Ary io foibem-pivavahana malaza io, roa taona taorian'ilay Hafatry ny mpiandry ondry, dia mbola tsy nanana ny valiny foana na nahafantatra na inona na inona mikasika an'Izany. Ny lehiben'ireo anaram-piangonana rehetra dia tsy nanana ny valiny.

⁴⁵ Noho izany dia nanelingelina ny Synedriona izany, ka niantso an'ireo Mpanora-dalàna izy ireo mba ho tonga hamaky. Dia namaky ny tantaran'i Mika izy ireo, ilay mpaminany izay nilaza hoe, "Ianao ry Betlehema, tsy kely indrindra amin'ireo andrianan'i Joda rehetra ianao (ny kely indrindra), fa avy ao aminao no hivoahan'ny mpanapaka iray izay hifehy ny Oloko, Isiraelly." Ary rehefa avy novakiana ireo Soratra (ary mbola voamarina foana teo anoloan'ny mason'izy ireo), dia mbola tsy nanaiky an'Izany foana izy ireo, na dia ny Soratra aza no niteny an'izany. Misalasala betsaka tokoa aho fa hanaiky izy ireo amin'izao andro izao, raha ho voaseho ireo Soratra izay nampanantenaina ho an'izao andro izao. Mety tsy hitory aminareo intsony indray aho, saingy tiako ho azonareo izao. Mbola tsy hino foana izy ireo!

⁴⁶ Ny fahendrena lehibe an'ny Ray no manao ny fahendren'ny olona ho tena fahadalana ka manao ny olona ho kely Izy. Tonga eo amin'ny toerana izay hanaovan'izany ny olona hahatsapa ho menatra ny tenany tokoa Izy, fa tsy lehibe loatra izy mba hanaiky hoe izy dia "diso." Mbola mijanona amin'ny tantarany foana izy, tsy mampaninona na impiry no anaporofoin'ny Ray fa marina Ny Teniny ka manao fotsiny an'izay Nampanantenainy hatao Izy. Ny olona dia mihevitra fa ny fahendreny dia tena ambony amin'Andriamanitra, raha tsy tonga araka ny fahendreny ilay izy, "Nahoana, tsy izany ilay Izy." Marina izany tao amin'ny

taona tsirairay, mbola izany foana ilay izy. Hitanareo ve hoe mifanaraka toy ny ahoana ilay zavatra manontolo, ankehitriny?

⁴⁷ Tsindrimandry toy ny inona ho an'ireo mpiandry ondry ireo! Nidina mba hiresaka amin'ireo mpiandry ondry ireo Anjely, tonga mba hiresaka amin'ny andiana mpiandry ondry iray ireo Anjelin'Andriamanitra.

⁴⁸ Manontany aho raha mba nanana ny tombontsoa ni-niresaka tamin'ny mpiandry ondry iray ianareo na efa mba niaraka tamin'ny anankiray, vetivety? Raha nanana ianareo, izaho—tsy tiako ny hilaza an'izao nohon'ny fanamarihana izay kasaiko lazaina afaka kelikely, fa ny mpiandry ondry dia mijanona ela be miaraka amin'ny ondry hany ka mihomehy tahaka ny ondry mihitsy aza izy (mibarareoka), miresaka tahaka ny ondry izy, ary mamofona tahaka ny ondry. Marina izany, satria miaraka amin'ny ondry izy. Izay ihany no fantany, dia ny ondriny.

⁴⁹ Ankehitriny, ilay Tenin'ny Fahamarinana voamarina. Rehefa ireto mpiandry ondry ireto, manetry tena, lehilahy tsy nampianarina... Vonitorahitra iray toy ny inona, mety toy ny ahoana ho an'ny mpiandry ny mandray hafatra iray avy amin'ny ondry vao teraka. Tsy nety tonga tamin'ny inona na inona hafa afa-tsy mpiandry ondry iray izany. Izany no antony Nahaterahany tao anatin'ny tranon'omby, fa tsy tao anatin'ny trano iray. Tsy teraka ao anatin'ny trano iray ny ondry, na ao anatin'ny efity ny hopitaly voaravaka mavokely. Hitanareo? Teraka ao anatin'ny tranom-biby izy ireo, ary eny an-tsaha.

⁵⁰ Izany no antony *nitarihana* Azy nankeny Kalvary. Tsy afaka manao ondry iray handeha eo amin'ny lalantsara hankany amin'ny mpamono biby ianareo. Efa fantatrateo ve izany? Any amin'ireo trano famonoam-biby, dia manana osy iray izy ireo izay mitarika an'ilay ondry. Ary rehefa tonga eo amin'izay misy an'ilay toerana famonoana izy, dia mitsambikina mivoaka ka mamela an'ilay ondry hanohy handeha. Tsy maintsy tarihina ny ondry iray, tsy afaka mitarika ny tenany izy. Koa, noho izany, dia tsy maintsy ilay mpiandry ondry no mitady ny... ny ondriny. Rehefa nahita an'ilay Andriamanitra-zazakely teo amin'izay nolazain'ilay iraka fa hisy Azy marina tokoa izy ireo, ary rehefa hitan'izy ireo io Hafatr'ilay iraka io tao anatin'ny fihinanam-bilona, teo amin'izay nolazain'ilay Anjely marina tokoa fa hisy Azy.

⁵¹ Ankehitriny, nandre olona aho nanao hoe, "Niresaka tamiko ny Anjely iray, hoy Izy hoe, 'izao sy izao.'" Mahatsikaiky toy ny ahoana indraindray; ary nandre olona aho nilaza fa niresaka tamin'izy ireo ny Anjely iray, ka niteny tamin'izy ireo hoe "izao sy izao" nefy mifanohitra tanteraka amin'ny Teny mihitsy. Ankehitriny, ahoana no ahafahan'ny Anjely iray hanao an'izany? Tsy mety hisy mihitsy izany. Ary raha niteny

taminareo Andriamanitra fa zavatra *izao-izao* no hitranga (ianareo no *milaza* fa niteny an'izany taminareo Izy), ka tsy mitranga ilay izy, amin'izay fotoana izay dia tsy Andriamanitra no niresaka taminareo. Tsarovy fotsiny, marina izany. Tsy mandainga Andriamanitra. Tsy hita ao anatin'ny lainga iray Izy.

⁵² Rehefa hitan'izy ireo ilay Zazakely, dia tsy maintsy ho fifaliana iray toy ny inona izany ho azy ireo. Satria ilay Anjely no nanome azy ireo ny hafatra, hitan'izy ireo marina tokoa arak'izay nolazain'ilay Anjely fa haha-izy azy izany, ary ao amin'ilay toerana mihitsy izay nolazain'ilay Anjely fa hisy azy. Tsy maintsy ho zavatra iray toy ny ahoana izany ho azy ireo!

⁵³ Ao anatin'ny fihinanam-bilona iray, nahoana? Hitanareo ve hoe nahazo aina toy ny ahoana ireto mpiandry ondry ireto tao anatin'ilay tranon'omby? Inona no neverinareo raha teolojiana iray no tao? Ho nametraka paingotra iray teo amin'ny orony izy, ka nanao hoe, "Avoahy hiala amin'ity toerana ity aho." Hitanareo? Ho tsy nahazo aina izy, ho tao anatin'ny fahoriana izy.

⁵⁴ Fa, hitanareo, ilay izy dia "ao an-trano mihitsy" ho an'ny mpiandry ondry. Fantatr'Andriamanitra hoe aiza no handefasana Ny Hafany. Hitanareo? Marina tokoa. Tao amin'io toerana izay nisy an'ireo mpiandry io tamin'izany, tao amin'ny tranon'ombin'izy ireo niaraka tamin'ny Zanak'ondriny, Hafatra voamarina iray izay efa ren'izy ireo. Tsara tarehy toy ny ahoana! Tao amin'ny fanatrehan'ilay Mesia, Teny voamarina an'ny Hafatr'izy ireo. Rehefa nandre ireo mpiandry ondry fa tetu an-tany ny Mesia, ka niditra tao amin'ny Fanatrehany, tao amin'ny tontolo iainan'izy ireo manokana mihitsy, (ary nahita an'ilay Hafatra ho marina, ary voamarina teo) dia toy ny ahoana no tsy maintsy nanaovan'izany an'ireo lehilahy ireo hahatsapa, nahita fa Andriamanitra no nanao an'io zavatra lehibe io ho azy ireo.

⁵⁵ Nahoana, ho tena tsy nahazo aina ireo mahay tao, teo ambanin'ny zava-misy tahaka an'izany, ho niala haingana mihitsy izy ireo. Nahoana? Tonga tamin'ny mpiandry ondry tsotra ilay Iraka. Izy ireo aza angamba mety tsy nanana akory... ireto... Ny sasany tamin'ireto mpiandry ondry ireto aza dia mety tsy nahay nanao sonia ny anarany manokana akory, tena mampisalasala. Fantatrareeo ireo mpiandry ondry izaynofidian'i Jesosy fony Izy teto an-tany teto, mba hiandry ny Ondriny, "Tia Ahy ve ianao, ry Petera, mihoatra noho ireto?"

⁵⁶ "Eny, Tompo, Fantatrala fa tia Anao aho."

⁵⁷ "Fahano ny Ondriko." Ary ny Baiboly no nilaza fa lehilahy tsy mahay sy tsy nianatra i Petera. Mbola mifidy mpiandry ondry foana.

⁵⁸ Ireo mambram-piangonana an'ireo andro lasa ireo, sy mpisorona, ary ny fikambanana tsara hofana tamin'izany andro

izany dia ho tena tsy nahazo aina tao anatin'ny tranon'omby iray. Ankehitriny, tsy tena azoko antoka fa hoe maro aminareo no afaka hahazo (angamba, ianareo olon'ny tanàna) hoe mamofona toy ny inona ny tranon'ombin'i Jodia, mitovy amin'ny inona izany, tahaka an'ireo biby ao amin'io tranon'omby io, ary ho inona izany. Nahoana, ny sasany amin'ireo klasika an'izao andro izao dia ho tena tsy hahazo aina mihitsy ao, izy ireo—tsy hiditra amin'ilay varavarana akory aza izy ireo. Fa nahafaly an'Andriamanitra, tamin'ny alàlan'ny Fahendreny tsy manampetra, ny nanambara an'Izany amin'ireo izay afaka nandray Azy. Ireo mahay, sy olon-kendry an'izany andro izany dia tsy ho nandray an'Izany tokoa. Ho tena afa-baraka izy ireo raha tratra ao amin'ny toerana iray tahaka an'izany.

⁵⁹ Nahoana, voalohany, raha niverina tany amin'ny fiangonany izy ireo, ka njoro vavolombelona fa nanatrika favoriana iray tahaka an'izany, ary nino andiana mpiandry ondry iray tsy nianatra nitondra trangan-javatra iray tahaka an'izany, dia ho voaroaka hiala ao amin'ny fiangonany izy ireo. Ho voaroaka avy tao amin'ny fikambanan'i Betlehema izy ireo, raha tratra nihaino andian'olona tsy nianatra tahaka an'ireto mpiandry ondry ireto. Afa-baraka, ho izany tokoa izy ireo. Raha nikambana tamin'ny olona tsotra tahaka an'izany izy ireo, ary efa...nanaiky fitokoana tahaka an'izany toy ny hoe mino fa Andriamanitra dia nitondra Ny Hafany tany amin'ny andiana mpiandry ondry tsy nianatra, nefo efa nanana ny zavatra rehetra voaomana ho an'izany izy ireo. Ho nahavery ny firehany izy ireo, tsy maintsy nanolotra ny taratasiny izy ireo, ary tsy ho azo nekena teo anivon'ny fikambanan'ny vondron'izy ireo tamin'izany andro izany; satria nikambana tamin'ny zavatra iray tahaka an'izany izy ireo, fa tsy tamin'ny fisainana iray tsaratsara kokoa.

⁶⁰ “Ahoana no asahianao!” izany no holazain'ilay pretra. “Tonga ato amin’ity toera-masiko eto ity ianao miaraka amin’ny fitokoana iray tahaka an'izany, miaraka amin'ny fahadalana iray tahaka an'izany, ka lehilahy iray avy any anaty bozaka tsy nianatra tany izay tsy...tsy nandeha tany...nahavita ny ambaratonga voalohany. Dia mino hafatra iray tahaka an'izany ve, hoe, ‘Nidina ny Anjely iray ka niresa tamin'izy ireo?’”

⁶¹ Fa ahoana moa raha nilaza ilay lehilahy hoe, “Nahita ny Hafany voamarina aho”?

⁶² Hilaza izy hoe, “Avelao aho hanome ny taratasinao haingana mihitsy. Ary mivoaha avy amin’ity fikambanana ity!” Miova ny fotoana, fa ny olona tsy miova. Mety hitranga indray angamba izany amin'izao andro izao, ho voaroaka avy ao amin'ny fiangonany izy ireo.

⁶³ Fa ireo mpiandry ondry dia nahatsapa ho nahazo aina tanteraka tokoa tao amin'io toerana io niaraka tamin'ny

Zanak'ondrin'Andriamanitra. Ary ny mpiandry ondry tsara rehetra dia manao an'ilay zavatra iray ihany. Rehefa afaka mahita ny Tenin'Andriamanitra lasa mazava sy voamarina ny mpiandry ondry tsara iray eo amin'ny ondriny, ny amin'izay Nampanantenainy hatao, dia tena ao an-trano mihitsy io mpiandry ondry io. Tsy ahoako izay lazain'olon-kafa, eo no misy ny hoe "Andriamanitra no nampanantena an'Izany, ka Andriamanitra no nanao an'Izany."

⁶⁴ Hoy izy ireo hoe, "Efa lasa ireo andron'ny fahagagana. Tsy misy izany karazana Batisan'ny Fanahy izany. Tsy misy izany karazana Batisan'ny Fanahy Masina izany, ho an'ireo apostoly izany."

⁶⁵ Fa avelao ny mpiandry ondry marina iray an'ny Teny hitory an'Izany, amin'ny herin'ny fitsanganana, hoe Jesosy Kristy no tsy miova omaly, anio, ary mandrakizay! Hoy i Petera tamin'ny andron'ny Pentekosta hoe, "Ny teny fikasana dia ho anareo, sy ho an'ny zanakareo, ary ho an'ireo izay lavitra, arak'izay hantsoin'ny Tompo Andriamanitsika." Na aiza na aiza Iantsoany, dia marina ny teny fikasana sy ilay fitahiana iray ihany. Ary avelao ny mpiandry ondry iray tena izy mamahana ny Teny hahita an'izany voamarina, fa tsy afaka manaisotra an'Izany hanalavitra azy ireo teolojiana rehetra eto amin'izao tontolo izao; satria fantany fa Andriamanitra no niteny an'izany, ka mitranga izany. Izany ihany. Ilay izy dia ny Tenin'Andriamanitra fotsiny isan'andro. Tonga nofo Ny Teniny ka nonina teo anivon'izy ireo, nefafotsy fantatr'izy ireo Izany.

⁶⁶ Nampanantena an'ilay zavatra iray ihany Izay amin'izao andro izao. Manontany aho raha hahafantatra an'Izany isika? Ny mpirehareha sy ny hendry dia tsy nandray zavatra tahaka an'izany mihitsy. Ary nino izy ireo fa raha nisy ny karazanjavatra tahaka an'izany hoe eto an-tany ny Mesia, dia tsy maintsy ho tonga tokoa eo amin'ny anaram-pianganon'izy ireo Izany. Ho ny vondron'izy ireo no handray an'Izany, fa raha tsy izany dia "Tsy marina Izany." Ankehitriny, eritritereto mafy fotsiny mihitsy. Raha tsy ao amin'ny vondron'izy ireo ilay izy, amin'izay fotoana izay... Efa voamarikareo ve, arak'izany? Tsy nifidy ny iray tamin'ny vondron'izy ireo mihitsy Andriamanitra, fa nifidy an'izay tsy nifandray tamin'ny iray tamin'izany Izay. Satria hilaza ny vondrona anankiray hoe, "Hitanareo ve izay nataontsika?" Ary hanao an'ilay zavatra iray ihany izy ireo amin'izao andro izao. Fa mifidy an'ilay tsinontsinona Andriamanitra, izany no antony Nifidianany ny mpiandry ondry. Tany an-trano tanteraka mihitsy ireo mpiandry ondry niaraka tamin'ilay Andriamanitra-zanak'ondry teo afovoan'izy ireo, tonga nofo teo anivon'izy ireo Ny Teniny. Tsy nandray an'Izany mihitsy ny mpirehareha sy ny hendry, nandalo azy ireo.

⁶⁷ Ary afaka miresaka betsaka isika ho an'izao andro izao, na ao amin'ny taona rehetra. Ilay zavatra iray ihany izany tamin'ny

andron'i Martin Luther. Zavatra iray ihany tamin'ny andron'i John Wesley. Ilay zavatra iray ihany izany tamin'ny andron'ireo Pentekotista. Fa tsy mijanona nohon'ny rafi-pandaminan'olona Andriamanitra! Manohy manetsika Ny Fanahiny avy hatrany Izy mba hanamarina Ny Teniny! Izany dia tsy maintsy nisy ary tonga tao amin'ny kilasin'ny filan-kevitr'izy ireo manokana fa raha tsy izany dia tsy handray an'Izany izy ireo. Ary satria tena mafy loha izy ireo amin'izao andro izao, ireo fiangonana rehetra, ka izy ireo dia "hanao an'izao-sy-izao, ka hanakambana ny fiangonana rehetra hiaraka." Raha miandry iraka iray izy ireo ankehitriny, izay afaka hanakambana ny Protestantana rehetra, Katolika sy Ortodoksa, ny zavatra rehetra hiaraka, hanao fiangonana malaza anankiray.

⁶⁸ Ankehitriny, ry rahalahy, efa nanana tombontsoa nitory teny tamin'ny fivavahana an-jatony samihafa aho, ary misy olona tsara ao anatin'izy rehetra ireny. Saingy ankehitriny, tsarovinareo, maminany aho, "Ny rafi-pandaminana tsirairay dia tsy maintsy hanaiky an'izany, fa raha tsy izany dia tsy ho rafi-pandaminana iray. Manery anareo izany." Efa namaky ny gazetin'i Tucson androany ve ianareo izay misy an'ireo pretra Katolika manampy mba hanendry, ao amin'ilay gazety... manampy mba hanendry, any Missouri, mpitondra fivavahana Protestantana iray? Ary iza no nanaiky an'izany? Presbyterana, Batista, Loterana, ary ny Assemblées de Dieu. Ao amin'ny gazetin'i Tucson androany izany.

⁶⁹ Oh, manaitra izany! Tsy ilay olona ao anatiny ao ilay izy, ilay izy dia ireo sefon'ny mpitondra fivavahana, sy an'ny governemanta izay manodina an'ilay zavatra ao anatiny ao, ilay rafitra izay manipy anareo ao anatin'izany na tianareo na tsia. Tsy afaka ny ho rafi-pandaminana iray intsony ianareo ka ho afa-mandositra an'io fahatezerana izay ho avy eto ambonin'ny tany io, ary jereo raha tsy marina izany. Mety efa lasa aho rehefa mitranga izany, mitodiha indray amin'ny anankiray amin'ireto horonam-peo ireto. Ary amin'izay fotoana izay raha tsy izany ilay izy, dia vavolombelona sandoka iray aho. Raha izany ilay izy, dia niteny ny Fahamarinana aho.

⁷⁰ Izy ireo dia hiantso an'Izany ho "karazana asan'ny fanahy ratsy iray" manohitra ny fiheveran'izy ireo pozitifa. Mandre betsaka mikasika ny fiheverana pozitifa ianareo amin'izao andro izao hoe: apetraho ao an-tsainareo fotsiny ny zavatra rehetra, dia aoka hisaina pozitifa eo amin'izany. Afaka manao an'izany ny devoly! Zavatra anankiray ihany no manapaka ny rehetra, ary izany dia ny Tenin'Andriamanitra. Raha mihevitra mifanohitra amin'ny Teny ianareo, dia adinoy ny fisainanareo. Saino ny Teny.

⁷¹ "Mesia," nieritreritra izy ireo, "dia tsy ho hita ao amin'ny toerana iray tahaka an'izany, loto iray tahaka an'izany."

⁷² Azonareo eritreretina ve ny mpisoronabe tsara iray, malaza, na mpitondra fivavahana, tena mamiratra amin'ny teolojia, ho tonga ao amin'ny tranon'omby iray feno zezika? Ary hanaiky ny Hafatry ny mpiandry ondry iray mahanttra, manetry tena izay tsy nanana fianarana, ka ho tonga hanao hoe "Hitanareo, afaka manaporofo an'Izany aminareo aho, ity ilay Zazakely, ity ilay Iraka"?

⁷³ Ary fantatrareo ve izay ho lazain'ireo olona ireo? "Mahitsy fo ilay lehilahy, tena tso-po amin'izay lazainy Izzy, saingy tena diso tanteraka izy!"

⁷⁴ Efa nahita olona aho niaina fiainana tsara tahaka an'izany hany ireo olona ka tsy nino, tsy afaka nilaza na inona na inona mikasika azy ireo, fa hoy izy ireo hoe "Tena diso am-pahatsoram-po izy. Tsy fantany mihitsy izay resahany. Andriamanitra, tsy hanao zavatra iray tahaka an'izany Izzy."

⁷⁵ Saingy nanana an'ilay porofo izy ireo teo! Ary taorian'ilay porofo hoe, "Mandehana any an-tranon'omby ka jereo raha tsy mandry ao io Zazakely io."

⁷⁶ Ho nilaza izy ireo hoe, "Efa namosavian'ny fanahy ratsy iray ianareo, izay nanao anareo hilaza tahaka an'izany." Kanefa dia araka ny Tenin'Andriamanitra ilay izy! Ary tena jamba loatra izy ireo mba hahita an'Izany, satria ny teololian'izy ireo no nanajamba azy ireo. Zava-doza iray toy ny inona!

⁷⁷ "Tratra ao amin'ny toerana iray tahaka an'izany ve? Ao amin'ny loto iray tahaka an'io ve? Ao an-tranon'omby iray ve?" Nefy nanana toerana iray tsara tarehy mba Hahatongavany izy ireo, nanana ny zavatra rehetra vonona Hahatongavany izy ireo, ary avy eo ny mieritreritra fa hidina Izzy (ary handeha) nefy tsy hitondra ny Hafatra any amin'ny mpampianatr'izy ireo. "Ary hanome an'Izany ho an'ny andiana mpiandry ondry tsy nianatra? Ary avy eo dia mitondra Ny Zanany manokana, ka nanao Azy ho teraka tao amin'ny—ny tranon'omby iray? Tranon'omby miasa tsotra iray? Eny, tao anatin'ny—tao anatin'ny fihinanam-bilona iray? Nahoana, tsy mety ho tahaka an'izany ilay izy!" Tsy nino an'Izany izy ireo, satria tena nanetry tena Izany.

⁷⁸ Ary tena tsotra Izany, tahaka an'izany foana no tsy ahitan'ny hendry Azy. Tena tsotra Izany, mampisavorovoro azy ireo Izany. Niandry Andriamanitra iray lavitra izy ireo tany, nefy teo mihitsy Izzy. Hitanareo? Miandry zavatra any lavitra any izy ireo, nefy eto miaraka amin'izy ireo mihitsy ilay izy ankehitriny: Kristy, nitsangana tamin'ny maty, ilay tsy miova omaly, anio, ary mandrakizay.

⁷⁹ Voadingana ireo zavany malaza rehetra. Nefy azo antoka fa ny Fahamarinana ilay izy, hoe "teo ny Mesia." Fantatsika izany androany. Mino an'izany isika androany. Manaiky an'izany isika androany.

⁸⁰ Nefa avy eo raha nampanantena zavatra iray ho an'ity Krismasy ity Andriamanitra, nampanantena zavatra iray ho an'ity andro ity, ka manaporofo fa marina Izany, dia mbola hanalavitra an'Izany foana isika, ao amin'ilay kilasy iray ihany izay nisy azy ireo mihitsy isika (tany aoriana tany tamin'izany andro izany) izay nandingana an'Izany; satria Izany dia tsy—tsy tonga ao amin'ny tsiro ara-anaram-piagonantsika. Izany no antony mahatonga antsika ao anatin'ny loto iray tahaka an'izany amin'ity Krismasy ity.

⁸¹ Tsy maty Jesosy Kristy, velona Izy. Eto Izy androany! Hoy ny Baiboly hoe, "Izy no tsy miova omaly, anio, ary mandrakizay." Hoy Izy, ao amin'ny Masindahy Jaona 14:12 hoe, "Izay mino Ahy . . ." (tsy hoe izay mody-mino, izay *milaza* fa mino) "Izay mino Ahy, ireo asa izay Ataoko no hataony koa. Ary hanao mihoatra noho izany izy, satria mankany amin'ny Ray Aho." Ary efa nahita Azy aho, tao amin'ny fainako manokana, nanao an'ireo asa iray ihany (izay Nataony tamin'izany) betsaka noho izay voasoratra ao amin'ny pejin'ity Baiboly ity. Ary mandalo eo an-tampon'ilay sefo sy ilay hendry izany amin'izao andro izao, ka voambara amin'ireo zaza izay hianatra; araka ny nivavahan'i Jesosy. Marina izany, Izy dia nanao mihoatra noho izay Izy . . . Efa nahita aho tamin'ny androko, an'ireo telo amby telopolo taonan'ny asam-panompoako, efa nahita Azy aho nanao mihoatra noho izay efa novakiako ny amin'ny Nataony ao amin'ny Baiboly; betsaka amin'ilay zavatra iray ihany.

⁸² Fa tsy mampaninona izay Nataony tamin'izany, mihevitra ve ianareo fa nino Azy ny Synedriona? "Eny," hoy izy ireo, "voan'ny mosavy ianareo." Fa, jereo, ny nanaovan'izy ireo ny fahadisoany dia ny nahita . . . amin'ny hahitana, tsy izay nolazain'ny fanekem-pinoan'izy ireo, fa izay nolazain'ny Teny fa hataon'ny Mesia amin'ny andron'izy ireo. Ary eo no anaovantsika ny fahadisoana amin'izao andro izao, tsy mikaroka ny Soratra. Niteny tamin'izy ireo Jesosy hoe, "Zahao ny Soratra, ao amin'Izy ireo no heverinareo fa hanananareo Fainana Mandrakizay, ary Izy ireo no Hany manambara Ahy. Izy ireo no miteny aminareo hoe Iza Aho."

⁸³ Mariho, efa fantatr'Andriamanitra mialoha fa hanao an'izany izy ireo, izany mihitsy ilay *nahoana* no tsy maintsy Nitondrany an'Izany tany amin'ireo mpiandry ondry. Fantany fa tsy hanao an'izany izy ireo, tsy handray an'Izany izy ireo. Ankehitriny dia hitanareo ve hoe nahoana ilay izy no tsy maintsy mpiandry ondry? Nahoana no mpiandry ondry? Tsy handray an'Izany ireo teolojiana. Nahoana no mpiandry ondry indray? Ho tonga mifanohitra amin'Ny Teniny ve Izany? Tsia! MPIANDRY ondry izy ireo, nahafantatra ondry izy ireo; ary izany no Nahaterahany, ondry iray, zanak'ondry iray. Mariho, Izy no Zanak'ondry. Izy ireo no—izy ireo no karazana tokana izay hanaiky Azy. Ny mpiandry ondry iray no zavatra tokana hanaiky

Zanak'ondry iray. Fantatr'izy ireo hoe ahoana no hikarakarana Azy, ary toy izany koa ilay izy amin'izao andro izao rehefa mahazo ny Hafatry ny Zanak'ondry isika.

⁸⁴ Ankehitriny ilay manaitra! Ilay olona manetry tena indrindra, tsy nianatra no manompo an'Imanoela ao anatin'ny tranon'omby iray. Ilay tena... Ary nisy olona tany, tamin'ireo andro iray ireo ihany, nampianatra ny teolojijany. Vahoaka marobe, nanerana hatraiza hatraiza, avy tamin'ilay firenena rehetra, tonga teo amin'ireo fanatitra izy ireo izay nolazain'i Jehovah fa "fofo-maimbo eo amin'ny Vavorony." Ary teo ireo mpiandry ondry manetry tena, tao anatin'ny tranon'omby iray, nanompo an'i Imanoela; Andriamanitra Izzy tenany tonga nofo, ary nandry tao anatin'ny tranon'omby iray. Hitanareo, toy ny ahoana isika miaraka amin'ireo fianarantsika malaza, sy ny lohantsika mirona mankany aoriana toy ny hoe mahafantatra zavatra isika, nefä mandingana an'ilay zavatra manontolo Andriamanitra. Hitanareo? Manao an'izay Ampanantenainy fa hatao Izzy, ary manao an'izany foana Izzy. Fa eritrereto ireto mpiandry ondry ambany teo ireto ankehitriny manompo an'i Iman-... Imanoela ao anatin'ny tranon'omby iray. Manaitra indrindra izany. Azo antoka izany!

⁸⁵ Avy eo tany... Rehefa avy nanompo Azy izy ireo, ka nahalala fa ny Hafatra izay efa notorian'izy ireo dia voamarina, teo izy ireo... nidera an'Andriamanitra niaraka tamin'ny Hafatra tsy mampino indrindra avy tamin'ny Anjely iray. Ampitahao amin'izao andro izao izany ankehitriny. Mijanôna iray minitra fotsiny dia eritrereto. Olona manompo an'Andriamanitra, sy midera Azy ny amin'izay hitan'izy ireo, izay ren'izy ireo, izay fantany fa ny Fahamarinana, miaraka amin'ny Hafatra izay tsy mampino ho an'ilay fisainana mahay. Nifanohitra tamin'ny fieritreretan'izy ireo ara-pivavahana rehetra izany, kanefa dia izany no Fahamarinana! Izany no Fahamarinana! Nino an'Izany izy ireo. Ary ankehitriny, mety ho adala toy ny ahoana ny fahendren'ny olona! Avy eo dia nilaza fa antoko mpihiran'Anjely iray no nihira tamin'izy ireo ny noely voalohany. Azonareo eritreretina ve izany? Hoe mpiandry ondry iray izay tsy afaka nanoratra ny anarany, mamofona tahaka ny tranon'ondry, nandeha teny an-dàlambe, no nihorakoraka hoe, "Voninahitra ho an'Andriamanitra any amin'ny Avo indrindra! Fantatray fa eto an-tany Izzy!"

⁸⁶ Hoy ilay mpisorona hoe, "Any ivelan'ny sainy io lehilahy io. Tadiavo ao amin'ireo boky ka jereo raha mambra iray an'ny fiangonantsika izy. Manala baraka antsika amin'ny alàlan'ny fampianarany tsy ara-etika izy. Esory miala amintsika izy. Tsy ho afà-baraka eo anivon'ny olona isika."

⁸⁷ Eny, afaka ny ho afà-baraka eo anivon'ny olona ianareo fa omem-boninahitra eo imason'Andriamanitra; raha tsy izany dia ataovy ny safidinareo, satria, tsarovy, ilay tsiro ara-pivavahana

an'ilay andro dia tsy mety amin'ny Tenin'Andriamanitra. Tsy misy tsiro enina amby sivifolo amby sivinjato samihafa amin'Izany. Tsiro tokana izany, Teny tokana, Andriamanitra tokana. Izay ihany.

⁸⁸ Nilaza fa nihira ny noely voalohany ho azy ireo ny Anjely, ary nilaza koa fa izy ireo "dia nanana Hafatra iray avy tamin'ny Anjely iray." Niseho teo amin'izy ireo ny Anjely iray, nanome azy ireo Hafatra iray, ary nandeha izy ireo ka nahita fa Fahamarinana io Hafatra io. Ary nanao hoe, "Ankoatran'izany, dia nihira ny noely voalohany taminay ilay Anjely."

⁸⁹ "Azonareo eritreretina ve?" Hoy izy ireo hoe, "Io lehilahy mampalahelo io." Tsy nanana zavatra iray mihitsy tahaka an'izany nitranga teo anivony izy ireo, fantatrareo, noho izany dia karazana foto-pampianarana hafahafa amin'izy ireo izany. Ary izany no antony tsy nahafahan'izy ireo nahita an'Izany tao amin'ny Soratra, tsy ho azy ireo ny hahita an'Izany. Tsy mampino ho an'ilay hendry, tsy nisy fahatsapana tahaka an'izany mba nitranga tamin'izy ireo. Tsy azo ninoana, saingy mbola ny Fahamarinana foana Izany. Izany no Fahamarinana, fantatsika fa Izany no Fahamarinana. Eritrereto! Ireo niova fo voalohany an'i Kristy sy fiangonana voalohany dia mpiandry ondry, fa tsy mpitondra fivavahana; mpiandry ondry, mpiandry biby. Nahoana no mpiandry ondry?

⁹⁰ Mariho! Nidera sy nanome voninahitra an'Andriamanitra ny amin'izay efa hitan'izy ireo sy reny, nandre an'ireo Anjely nihira tamin'ny fotoany voalohany ho an'ny olombelona iray. Tsy nihira tamin'ny olombelona iray mihitsy ny Anjely tany aloha. Ary jereo ireo antoko mpihira, toy ny ahoana no nitsanganan'izy ireo sy nanofana ary nanofana an'ireo feo ireo, "nihira izy ireo tamin'ny fahaterahan'ny Mesia," nefo voadingana izy rehetra! Ary nidina ireo Anjely ka nihira ho an'ny mpiandry ondry tsotra, tsy nanao an'ireo akanjon'ny mpitondra fivavahana, fa nanao akanjon'ny mpiandry ondry. Dia jereo hoe iza no nahazo an'ilay Hafatra voalohany, tsy mampino izany.

⁹¹ Ary taiza ilay izy no nomena, tsy tao anatin'ireo katedraly, fa tany an-efitra, tany an-efitra izay nahatongavan'ilay Anjelin'ny Tompo. Tsy tao anatin'ny fiangonana, tany an-efitra. Tsy tongasoa akory aza Izy tao amin'ilay fiangonana. Nihevitra izy ireo fa izany Izy, ary nihevitra izy ireo fa nanana Azy, saingy noprofoin'Andriamanitra fa diso izany. "Mahay manangana zanaka ho an'i Abrahama avy amin'ireto vato ireto Izy." Marina izany.

⁹² Ireo Anjely voalohany izay hany nihira tamin'ny fankalazana iray, dia tany An-danitra izany. Raha hijery ao amin'ny Joba 38:7 ianareo, (satria mahita ny sasany aminareo mandray naoty aho), rehefa nikasa voalohany hanao ny Famoronany voalohany Andriamanitra, ny tany. Joba dia lehilahy iray malaza, manan-

tsaina, ary nanana ny karazana fahendrena rehetra izy. Hoy izy hoe, “Rehefa mandeha mankany an-tsena aho, ireo andriana tanora rehetra, dia miondrika eo anoloako izy rehetra, ary mila fotoana iray avy amin’ny fahendreko fotsiny.” Fa tsy nety azony hoe nahoana izy no tsy maintsy nentina tamin’ny fomba izay nitondrana azy.

⁹³ Ary noho izany dia nanontany azy Andriamanitra, nanao hoe, “Fehezo ny tenanao tahaka ny lehilahy iray, satria hidina Aho hiresaka amina.” Ary rehefa nidina tao anatin’ny tadio iray Andriamanitra, dia hoy Izy hoe, “Joba, taiza ianao talohan’ny Nametrahako ny fanorenan’ny tany? Rehefa niara-nihira ireo kintan’ny maraina, ka nihika fifaliana ireo zanak’Andriamanitra, taiza ianao tamin’izany, ry Joba?” Ary nifitsaka izy tamin’io fotoana io. “Taiza ianao?”

⁹⁴ Hitanareo, ny fotoana voalohany hany nihiran’ireo Anjely tamin’ny fankalazana iray, dia tany An-danitra. Fa ny fotoana voalohany hany nihiran’izy ireo teto an-tany, dia tamin’ireo mpiandry ondry tamin’ny fahaterahan’Andriamanitra, Imanoela teto an-tany; ireo olombelona voalohany hany nandre Anjely iray nihira, dia ireo mpiandry ondry manetry tena.

⁹⁵ Rehefa raisintsika ireo vehivavintsika miloko tarehy, mitapa-bolo, manao sorta, ary manamboatra karazana akanjom-piangonana iray manodidina azy ireo, ary mitsangana izy ireo ka mihira tahaka ny zavatra anankiray, ary amin’izay fotoana izay ve dia mihevitra isika fa tsy maintsy hihaino an’izany Andriamanitra? Manana Anjely Izy any izay afaka mamalifaly Azy hatramin’ny...talohan’ny hany Nanaovany olombelona iray. Ah-hah. Mivoaka ka miaina...ary manao fitafiana izay fahavetavetana iray amin’Andriamanitra, ka ahoana no anantenanareo an’izany ho avy amin’Andriamanitra? Hoy ianareo hoe, “Eny, izaho mikambana amin’ny...”

⁹⁶ “Taiza ianao fony Aho nametraka ny fanorenan’ny tany? Teneno Amiko hoe taiza no Nanaingenako azy ireo. Aiza ilay ivo izay ihodinan’izy ireo? Taiza ianao tamin’izany?” Mihevitra ianareo fa tsy maintsy hangataka amintsika ny sasany amin’ny fahadrentsika Andriamanitra. Ny fahadrentsika dia fahadalana fotsiny Aminy. Manao an’izay Lazainy fa Hataony Izy.

⁹⁷ Mariho ankehitriny, miomana ny hanao famoronana iray hafa Andriamanitra. Namorona tany mety maty Izy, fiainana mety maty. Mihira ireo Anjely any An-danitra. Fa eto Izy dia mamorona Fiainana iray vaovao, Fiainana Mandrakizay ho an’ny olona, ary mihira ho an’ny Olony Izy amin’ny alalan’ireo Anjely; eto an-tany, fa tsy any An-danitra. Nanana Fiainana Mandrakizay ny Lanitra. Hitanareo? Ary nihira Izy...nihira ho an’ny Lanitra izy ireo, rehefa niseho ny famoronana mety maty; ary eto dia eo am-pisehoana ny famoronana tsy mety maty, ary

ankehitriny dia mihira ho an'ny olon'ny tany izy ireo. Ny fotoana voalohany, ho an'ireo mpiandry ondry. Manaitra, sa tsy izany?

⁹⁸ Nanomboka famoronana iray vaovao Izy. Inona izany? Famoronana iray an'ny Tenany. Tonga nofo Andriamanitra ka nonina teo anivontsika. Izany dia... Hoy ny Baiboly hoe, “Tamin’ny fiandohan’ny famoronan’Andriamanitra.” Noforonica tao amin’ny endrika olombelona Andriamanitra; tao amin’i Jesosy Kristy, Ny Zanany, no nonina Andriamanitra. Nanorina ny Tabernakeliny Izy an'ny nofo sy taolana, ary nipetraka tao anatin’io tabernakely io; Andriamanitra, *Imanoela*, “Andriamanitra miaraka amintsika.” Nanorina trano iray ho an'ny Tenany Izy, mba hipetraka ao anatin’izany, mba Ahafahany hampitaratra Ny Teniny amin’ireo Olony amin’ny alàlan’izany. Fantatrareo hoe inona Andriamanitra, rehefa mahita an’i Kristy ianareo.

⁹⁹ Tsarovy, misy hira foana amin’ny fahaterahan’ny mpanjaka iray. Firy no nahafantatra an’izany? Mazava ho azy, nahafantatra ianareo. Eny, ankehitriny, mihevitra ve ianareo fa raha tsy maintsy ho teraka tany ity Mpanjaka ity, ka ho nisy vehivavy iray tonga nihazakazaka nankao amin’ilay katedraly tany ho any, ka nanao hoe, “Ataovy vonona haingana mihitsy ny fandriana iray, ary alaivo ireo dokotera, satria hitondra an’i Imanoela eto an-tany aho”? Raha vehivavy mahantra iray avy any Nazareta, ilay tanàna ambany indrindra, ilay... masiaka kokoa noho i Tucson na ny iray amin’ny sisa amin’izy ireo, kanefa raha tonga mihazakazaka eo ity vehivavy kely ity mankeo amin’ilay mpisoronabe malaza ka nanao hoe, “Izaho—vonona ny hiteraka an’i Imanoela aho.” Ho nanipy azy tao amponja izy ireo. Azo antoka fa hanipy izy ireo. Hanipy tokoa izy ireo. Ny amin’ny fitokoana iray tahaka an’izany ho entina eo anivon’ny olony, tsy hahatanty an’izany izy. Tsy hahatanty koa izy amin’izao andro izao. Fa mitranga izany na izany aza, na izany aza.

¹⁰⁰ Mariho, tsy maintsy nisy hira tany. Ireo mpanjaka dia... Tsy ho nohiraina Izy. Tsy ho nihira ho Azy ny olona, satria tsy nino Azy izy ireo. Ary izany no antony... Ity Izany, tsara aminareo ny mahazo Azy. Izany no antony mahatonga ny olona ho menatra midera an’Andriamanitra amin’izao andro izao, menatra an’i Kristy izy ireo! Tsy handray ny Batisan’ny Fanahy Masina ireo katedraly malaza, tena tafapetraka ao anatin’ny fanao arapivavahana izy ireo ka tsy handray an’Izany. Hitady olona iray izay Azony hahazoana fiderana Andriamanitra. “Mahay manangana zanaka ho an’i Abrahamava avy amin’ny vato Izy,” araka ny anononako an’i Jaona indray.

¹⁰¹ Mariho, tsy maintsy mihira ho Azy ireo Olony. Ary ireo Olony tamin’izany dia Ireo Anjeliny, ary nihira ho an'ny MPIANDRY ondriny izy ireo izay tsy maintsy hitondra Ny Hafany.

¹⁰² Iza no tokony handre an'Izany voalohany? Mazava ho azy, ireo Olony. Izany ireo tokony handre ny hiran'ilay Mpanjaka voalohany, tokony ho ireo Olony. Ary inona ireo Olony? Karazana manaitra, sa tsy izany, rahalahy? Tsy ireo Mpitondra fivavahany izany. Tsy ireo teolojiana izany. Marina izany. Tsy ireo olon'ny anaram-piagonana izany. Tsia, ireo mpiandry ondry izany. Nahoana? Nisy ondry iray teraka, izany ilay antony. Hitanareo? Ireo Olony no nandre an'Izany, izay efa fantatr'Andriamanitra fa hino. Nandefa Ny Hafany any amin'ireo izay hino an'Izany Andriamanitra. Izy no manana ny fahendrena rehetra; Fantany hoe aiza no andefasana Ny Hafany, iza no hino an'Izany. Ilay Avo indrindran'ny Lanitra no nandefa nankany amin'ilay olona ambany indrindra teto ambonin'ny tany.

¹⁰³ Hoy Jesosy, ao amin'ny Matio 5 hoe, "Sambatra ny malahelo am-panahy, fa azy ireo ny Fanjakan'ny Lanitra." Maria, ao... Raha mandray naoty an'ireo Soratra ianareo, izany dia Matio 5. Ary raha mandray naoty an'ireo Soratra ianareo... Izany no nosoratako eto, dia ireo Soratra.

¹⁰⁴ Nilaza i Maria, ao amin'ny Lioka 1:52, rehefa voahosotry ny Fanahy izy, teo aminy ny Fanahy Masina, hoy izy hoe, "Nanandratra an'ireo ambany kosa Izy." Maria no nilaza an'izany, ilay renin'i Jesosy, nanao hoe, "Nanandratra an'ireo ambany kosa Izy."

¹⁰⁵ Nilaza koa Lioka hoe, "Ny olona tsotra no nandre Azy am-pifaliana." Tsy ilay-ilay sangany, ireo—ireo teolojiana, ireo dokoteran'ny lalàna sy ny momba an'Andriamanitra; fa ireo olona tsotra no nandre Azy am-pifaliana, olona ambany.

¹⁰⁶ Manerana an'ireo Soratra masina rehetra, ireo Hafatry ny fanavotana dia nomen'ny mpiandry ondry ary tamin'ny alàlan'ny ondry.

¹⁰⁷ Ankehitriny dia tsy maintsy tonga eo amin'ny famaranana aho, satria tonga eo amin'ny fotoana hamaranana isika. Mandingana Soratra maro aho mba ahafahako mitondra anareo eo amin'ity fisainana ity.

¹⁰⁸ Manerana ny Soratra rehetra, ny fanavotana dia voaseho tamin'ny alàlan'ny mpiandry ondry sy ondry. Marina izany. Mifanaraka amin'izany isika rehetra. Nahoana? Tao amin'ny aloka sy tandindona izany. Ary ny zavatra rehetra... Raha tsy mbola nahita ny tànako mihitsy aho, ka njery teto ambany teto eo amin'ny aloky ny tànako, ary hitako fa nanana rantsan-tànana dimy aho, dia ho fantattro fa nitaratra izany; ilay negatifia nitaratra pozitifa iray. Ary izany no antony hoe ny Hafatra dia tonga foana tamin'ny... fanavotana tamin'ny alàlan'ny ondry, satria hatrany amin'ny voalohany mihitsy... Ary tamin'ny alàlan'ny ondry, sy tamin'ny alàlan'ny mpiandry

ondry, no Nanambarany ny Tenany. Ny rehetra dia aloka sy tandindona.

¹⁰⁹ Ankehitriny dia ndao jerentsika ny tany amin'ny voalohany. Adama sy Eva, nitsangana tany tao amin'ny fanatrehan'Andriamanitra mba hihaino Ny Hafany ho azy ireo, nitafy hoditr'ondry hatreо amin'ny valahany izy ireo. Ny Hafatra voalohany hany re, dia nomena teo an-tampon'ny hoditr'ondry maty iray, izay novonoin'Andriamanitra sy nandrakofany an'i Adama sy Eva tao anatin'izany. Rehefaavy nanandrana nanao ny fivavahany manokana avy tamin'ny ravin'aviavy izy ireo, dia tsy nety izany. Fanatitra ondry no natsangana ho fanaovam-panavotana hatramin'ny voalohany indrindra, fanatitra ondry.

¹¹⁰ Ankehitriny, hamarana an'ity isika ankehitriny, ary haneho aminareo hoe nahoana ilay izy no tsy maintsy mpiandry ondry; ary nahoana ilay izy no tsy maintsy, tsy maintsy ondry iray Izy.

¹¹¹ Ankehitriny, ireo mpaminanin'ny Testamenta Taloha dia nampitafy ny tenany tao anatin'ny hoditr'ondry (fantatsika izany, ah-hah), maneho ny finoan'izy ireo Ny Teniny ny amin'ny fihavian'ilay Zanak'ondry tanteraka. Izany no antony hoe ireo mpaminany.

¹¹² Ankehitriny, tsy tonga amin'ny teolojiana iray ny Tenin'Andriamanitra, tsy misy...izy-izy no anankiray izay manakorontana Azy tanteraka. Marina izany. Tsy misy izany karazan-javatra iray izay hany milaza...Hoy ianareo hoe, "Eny, teolojiana iray io zalahy io." Mampanalavitra azy kokoa amin'ny Teny noho ny zavatra rehetra izay fantatro fotsiny izany. Hitanareo? Ny Tenin'ny Tompo Andriamanitra, ilay Andriamanitra tsy miova, dia tsy miova mihitsy. Na aiza na aiza ao amin'ny Baiboly, dia tonga tamin'ireo mpaminany foana ny Tenin'Andriamanitra. Tsy tamin'ireo teolojiana na dokotera, tamin'ireo mpaminany! Ary izy ireo foana, isan'andro, no tsy nanaiky sy nandà.

¹¹³ Ireo mpaminany mazàna dia mpiandry ondry ihany koa. Nampitafy ny tenany tao anatin'ny hoditr'ondry ireo mpaminany, satria nitondra ny hoditr'ilay ondry izay nandrasany izy ireo. Ary ny hafatra voalohany, ho an'ny—ny—ny taranaka voaheloka iray, dia teo an-tampon'ny hoditr'ondry. Ireo mpaminany, lazaiko indray, dia nitondra an'ireo hoditr'ondry natafy nanodidina ny tenany, satria nijoro vavolombelona tamin'ny alàlan'izany izy ireo, hoe nino izy ireo fa ho avy ny Zanak'ondry tanteraka iray ho an'io fanatitra io. Ary tonga teo amin'izy ireo ny Tenin'ilay Andriamanitra teo an-tampon'ny hoditr'ondry. Ireo mpiandry ondry ireo...na ireo mpaminany ireo mazàna dia mpiandry ondry. Abrahama dia mpiandry ondry iray. Isaka dia mpiandry ondry iray. Jakoba dia mpiandry ondry iray. Mosesy dia mpiandry ondry iray. Davida

dia mpiandry ondry iray. Ireo solontenan'Andriamanitra rehetra mazàna dia mpiandry ondry.

¹¹⁴ Ankehitriny dia ho hitantsika hoe nahoana ilay izy no tonga tamin'ireo mpiandry ondry. Fantatr'izy ireo fa tsy afa-manoatra ny ondry raha tsy misy an'ilay mpiandry ondry hitari-dàlana azy ireo. Izy ireo...ny ondry iray dia tsy afa-manoatra tanteraka, tsy afaka mandeha irery izy. Izany no antony nampitovian'Andriamanitra an'ireo Zanany mino amin'ny ondry. Tsy maintsy tarihin-dàlana izy ireo. Fa mitandrema amin'izay mitari-dàlana anareo! Aza maka osy iray, hitarika anareo hankany amin'ny famonoam-biby izy. Tsy nanome antsika osy iray mihitsy Andriamanitra, nanome antsika Ny Zanany Izzy (ny Fanahy Masina) mba hitari-dàlana antsika. Izy no Mpitari-dàlantsika, tsy mpiandry ondry nataon'olona, fa mpiandry ondry nomen'Andriamanitra izay mamahana ny ondry amin'ny sakafon'ondry.

¹¹⁵ Ankehitriny, alaivo ny kisoa iray, dia lazao amin'io kisoa io hoe, "Hanao anao ho zanak'ondry iray aho." Ary sasao izy. Dia lokoy ny kitrony, sy—sy ny sisa. Ary omeo sakafio tahaka ny ondry iray izy, omeo karazana sa—sakafio mahazatra iray izy. Dia apetraho eo amin'ny gorodona izy na ao amin'ny...eo amin'izay—izay ihinan'an'ny ondry, ao amin'ny sahan'ny alfalfa na zavatra anankiray. Ary raha misy lava-potaka iray any ho any, dia handeha avy hatrany mihitsy eo amin'io lava-potaka io arak'izay azony andehanana io kisoa io. Hitanareo? Nahoana? Izany dia satria mbola kisoa iray foana ny natiorany.

¹¹⁶ Ary izany no antony hoe ireo mambraram-piangonana, amin'izao andro izao, dia mankafy an'ireo zavatr'izao tontolo izao, hitanareo, izany dia satria tsy niova ny natioran'izy ireo. Hihinana ny karazana rano maloto ara-pivavahana izy ireo, arateolojia rehetra, fa ny Tenin'Andriamanitra dia tsy zakan'izy ireo Izany. Handeha izy ireo ka hihaino ny Teny...

¹¹⁷ Fantatrareo, ny mpihatsaravelatsihy goavana indrindra eto amin'izao tontolo izao, dia goaika antitra iray. Ao amin'ny Baiboly, dia nisy anankiroa nalefa hivoaka ny sambofiara. Nivoaka ilay goaika antitra ary tsy niverina intsony, satria voltora iray izy, mpitsindroka iray. Nipetraka teo ambonin'ny vatan'ny fatin-javatra maty izy ary nameno ny kibony tamin'ny fatin-javatra maty. Fa rehefa navotsotra ilay voromailala, tsy nahatanty an'io fofo-maimbo io ilay voromailala, noho izany dia niverina nankao an-tranon'ny Ray sy Noa izy, ary nikapokapoka teo amin'ny varavarana mandra-pamelan'i Noa azy hiditra.

¹¹⁸ Ankehitriny, ny goaika iray dia afaka mipetraka eto ka mihinana soaavy maty iray, mandritry ny andro manontolo, ary manidina any amin'ny saha ka mihinana voan-javatra miaraka amin'ilay voromailala. Fa ny voromailala iray dia tsy afaka hanidina eo ka hihinana soaavy maty, ary avy eo hihinana voan-

javatra; hamono azy izany. Hitanareo, tsy manana afero mihitsy ny voromailala, ka tsy afaka mahalevona an'izany izy.

¹¹⁹ Ary rehefa ny voromailalan'Andriamanitra rehetra, ny voromailala mpihinana Teny rehetra na ondry, biby madio iray, rehefa mandeha ianareo manome azy ireo an'ireo zavatr'izao tontolo izao, dia fantatr'izy ireo fa ny Tompony dia nanao hoe, "Izay tia an'izao tontolo izao na ireo zavatr'izao tontolo izao, dia tsy ao aminy akory aza ny fitiavana an'Andriamanitra." Omeo azy ny zavatra mifanohitra amin'ity Tenin'Andriamanitra ity, tsy afaka mahatanty an'izany izy. Fa ny devoly dia afaka maka an'Ity sy izao tontolo izao ihany koa, ka miantso an'izany rehetra izany ho avy amin'Andriamanitra. Tsy afaka mampifangaro menaka sy rano ianareo, tsy hifangaro fotsiny izany.

¹²⁰ Izy ireo, ireo mpiandry ondry rehetra ireo, fantatr'izy ireo fa tsy afa-manoatra ny ondry raha tsy misy ny mpiandry ondry. Ary mpiandry ondry izy ireo, ka mahafantatra fa tsy maintsy tarihindàlana izy ireo.

¹²¹ Mampalahelo toy ny inona ny mahita, amin'izao andro izao, fa miezaka mamahana ondry izy ireo, amin'ny rano maloto. Fa tsy hihinana an'izany ny ondry iray. Tsia, tompoko! Hitanareo, niezaka izy ireo namahana ondry, tany aoriana tany, tamin'ny rano maloto. Ka rehefa tonga ny Teny, efa tena zatra rano maloto loatra izy ireo, ka tsy fantany ny Teny. Ary izany ilay izy amin'izao andro izao, rehefa voamarina sy voaporofa ilay zavatra iray ihany hoe hanao zavatra anankiray Andriamanitra. Noho izany dia efa tena zatra rano maloto loatra izy ireo, ary nofahanana rano maloto, hany ianareo ka... eny, tsy misy hiresahana amin'izy ireo, tsy hihaino an'Izany fotsiny izy ireo, izay ihany. Ny alika... Hoy ny Baiboly hoe, "Tahaka ny alika miverina amin'ny lòany, sy ny kisoa amin'ny fotany, dia tahaka an'izany koa izy ireo."

¹²² Mihaino ny Teny, dia miverina mankany amin'ilay fotaka tranainity iray ihany! Dia manao hoe, "Ah, fanatisma Izany. Aza mino karazan-javatra tahaka an'izany."

¹²³ Andriamanitra...manao tahaka an'izany ny ondry amin'izao andro izao, tsy maintsy matoky ny sakafo mahazatran'ny Teny izy ireo. Tsy handray sakafo mahazatra hafa izy ireo. Tsy afaka manome azy ireo sakafo mahazatra arapivavahana ianareo, ny tena ondry iray. Tsia! Tsia! Mandeha ianareo miteny amin'izy ireo hoe, "Jereo ankehitriny, hiaraka isika rehetra. Ankehitriny, nivavaka Jesosy hahatonga antsika rehetra ho 'iray.'" Vao avy nandre an'ilay zavatra iray ihany ianareo teto Tucson vao tsy ela akory izay, andro vitsy lasa izay, saingy lainga iray ilay izy! Tsy nivavaka mihitsy Jesosy... Ahoana no Nataony... Ahoana no ahafahanareo hanao ny Teny hanameloka ny Tenany, hanao lelan'afو hiverina amin'ny

Tenany? Noho izany dia tsy mihoatra ny olona hafa rehetra Andriamanitra.

¹²⁴ Hoy Jesosy hoe, “Ahoana no ahafahan’ny roa miaramandeha raha tsy efa nifanaiky izy ireo?” Ahoana no hakanareo Metodista, Batista, Presbyterana, ary Katolika, ka hanakambana azy rehetra sy ho iray? Mety ho anankiray eo ambanin’ny fahefan’olona ianareo, fa hoy Jesosy hoe, “Mba ho iray izy ireo dia tahaka—tahaka *Ahy* sy *Ianao* izay iray.” Ankehitriny, Tiany isika rehetra ho iray ao Aminy izay ny Teny! Amena! Izao ilay izy, “Iray miaraka amin’ny Ray.” Ary ny Ray dia ny Zanaka, izay iray ihany. Ary ilay Teny iray ihany izany, ny Teny voaseho, maneho ny Tenany amin’ity andro ity tahaka ny Nataony tamin’ny andro hafa rehetra, mba hahatonga anareo ho iray.

¹²⁵ Mariho, hoy Izy hoe, “Tahaka ny nanirahan’ny Ray Ahy, dia toy izany koa no Anirahako anareo.” Ilay Ray izay naniraka Azy, no niditra tao Aminy mba hanamarina ny Teny. Ary ilay Jesosy iray ihany izay maniraka ny Olony, no miditra ao amin’ny olona izay Irahiny; ka manao hoe, “Ireo asa izay Ataoko, no hataonareeo koa.” Azo antoka, nivavaka Izy mba hahatonga antsika ho iray; iray miaraka Aminy, fa tsy iray miaraka amin’ny rafipandaminana anankiray. Tsy anankiray miaraka amin’ny rafitra iray, fa iray miaraka amin’Andriamanitra. Satria Andriamanitra ao amin’Ny Teniny dia Iray, ary Jesosy sy Andriamanitra dia Iray, dia tsy maintsy ho iray izaho sy ianareo ary ny Teny. Marina izany. Tsy maintsy iray mifanaraka amin’ny Teny isika. Tsy izay lazain’olon-kafa, tsy misy fandikana manokana ity. Raiso Izany, izay Lazainy, ary inoy Izany; dia Andriamanitra no hanamarina an’Izany, sy hanaporofo fa marina Izany. Mihevitra ianareo fa ho an’ireo mpianatra fotsiny ihany Izany, raiso Ny Teniny ho an’izany, mandehana andramo indray mandeha izany ka jereo. Hahita ianareo fa hiasa ho anareo araka ny Nampanantenainy mihitsy izany. Eny, tompoko!

¹²⁶ Tsy hihinana eo amin’ny rano maloto izy ireo, tsy maintsy mahazo sakafon’ondry mahazatra izy ireo. Manambara ny Masindahy Jaona 10 hoe, “Ny Ondriko mahalala Ny Feoko.” Ary raha Izy no Teny, amin’izay fotoana izay dia karazana Feo inona no Ananany? “Ny Ondriko mahalala Ny Feoko, tsy hanaraka vahiny izy ireo.” Hitanareo? Hoy Jesosy hoe, “Tsy hanaraka feo hafahafa iray izy ireo.” Noho izany, tsy manaraka feom-bahiny iray ny Ondriny. Tsy hanaraka azy ireny izy ireo.

¹²⁷ Ireo mpaminany, mpiandry ondry, ary ondry, ny rehetra dia manambara ny fihaviana.

¹²⁸ Ankehitriny dia jereo ilay Andriamanitra tsy miova ao amin’ny Drafiny tsy miova an’Ny Teniny amin’izao andro izao. Etrirereto minitra vitsy fotsiny ankehitriny: ny Teny tsy miova.

¹²⁹ Jereo ankehitriny! Raha—raha tonga niaraka tamin'ny hafatr'i Noa i Mosesy, dia tsy ho nety izany. Raha tonga niaraka tamin'ny hafatr'i Mosesy i Jaona Mpanao-batisa dia tsy ho nety izany. Raha tonga niaraka tamin'ny hafatr'i Luther i Wesley, dia tsy ho nety izany. Raha tonga niaraka tamin'ny hafatra Wesleyana ny Pentekosta, dia tsy ho nety izany; nandre fotsiny an'io fanambarana io isika. Ankehitriny, manohy mandroso fotsiny Andriamanitra. Diniho fotsiny ny Teny, dia jereo hoe aiza no misy antsika.

¹³⁰ Noho izany dia nahoana no tsy ny fanambarana voalohany an'ireo mpiandry ondry... Raha ireo mpaminany rehetra ireo, ireo lehilahy malaza rehetra ireo no mpiandry ondry, amin'izay fotoana izay dia nahoana Andriamanitra no tokony (ilay Anankiray tsy miova) hanova ny Fombany eto mihitsy, ka hitondra an'Izany eo amin'ireo teolojiana? Ireo mpiandry ondry ilay izy. Ny fahatongavan'ilay Zanak'ondry tanteraka, ilay fanatitra nohon'ny ota, dia tsy maintsy tonga tamin'ny mpiandry ondry.

¹³¹ Ny mpiandry ondry no mahafantatra tsaratsara kokoa ny ondriny noho ny olon-kafa. Tsy misy anankiray mahafantatra ondry iray tahaka ny mpiandry ondry, nofanina ho an'izany izy. Nahafantatra ihany koa hoe karazana sakafo inona no hohanin'izy ireo. Izy ireo... fantany izay hohanin'ny ondry, ary fantany ny ondriny amin'ny alàlan'izay hanin'izy ireo. Ny... hahita ondry iray hivoaka hankeo amin'ny toerana misy rano maloto iray ianareo ka manomboka mihinana rano maloto, hilaza ianareo hoe, "Roahy any io mpitsindroka io." Hitanareo? Toy izany koa no nahafantararan'Andriamanitra hoe aiza no andefasana azy ireo.

¹³² Ankehitriny dia ndao isika hiantso anankiray amin'ireo mpaminany mpiandry ondry lehibe an'i Jehovah, mba hanamarina fa tao anatin'ireo mpaminany teo ambanin'ny hoditr'ondry ireo Andriamanitra. Diniho ankehitriny. Hiantso isika, voalohany, Mosesy. Ndao isika hijery azy. Ny asam-panompoany no haneho amintsika an'i Jehovah tao anatin'ny Mpaminaniny mpiandry ondry. Ankehitriny, haka anankiray fotsiny angamba isika, raha manana fotoana, mandritry ny folo minitra manaraka eo. Haka anankiroa amin'izy ireo isika, fa ity anankiray ity angamba no ho mety tsara.

¹³³ Mosesy; maneho ny Tenany eto Jehovah, ao amin'ity mpaminany mpiandry ondry ity. Nomena fanomezam-pahasoavana telo izy mba hanamarina ny asam-panompoany sy ny antsony teo amin'ireo loholon'i Isiraely, ary teo amin'ny Farao. Mariho ity mpaminany mpiandry ondry ity, ankehitriny. Izy dia manome, isan'andro, an'ireo Mpaminaniny, an'ilay famantarana ivelan'ny voajanahary, mba hanamarina fa izany no Andriamanitra tao anatin'izy ireo; satria tsy mety misy

ny fanatrehan'Andriamanitra raha tsy misy zavatra ivelan'ny voajanahary mitranga. Tsy mba niseho tsy nisy ivelan'ny voajanahary nanaraka Azy mihitsy Jehovah. Tsy maintsy izany ilay izy. Noho izany dia nanamarina ny Tenany foana Izzy hoe niaraka tamin'ireo mpaminany ireo Izzy, tamin'ny alàlan'ny fanamarinana an'izay naminanian'izy ireo, raha araka Ny Teniny ilay izy.

¹³⁴ Ankehitriny, ny voalohany—ny famantarana voalohany Nomeny ny...an'ity mpaminany mpiandry ondry ity (jereo), namadika ny tehiny ho menarana iray.

¹³⁵ Faharoa, nivadika boka ny tànany.

¹³⁶ Fahatelo, naka rano avy tao amin'ny Renirano Neily tao Egypta, ka namadika an'izany ho rà.

¹³⁷ Ankehitriny, Nomeny famantarana telo izy mba hanamarina teo amin'i Egypta, ary teo amin'ny Isiraely ihany koa, fa izy no Tenin'Andriamanitra voambara.

¹³⁸ Ankehitriny, tsarovy, nantsoina ho amin'ny famoronana i Mosesy! Marina izany. Naka fasika ka nanipy azy teny amin'ny habakabaka, ary nanao hoe, "Aoka ho tonga ny parasy," dia tonga ny parasy. Nanao hoe, "Aoka ho tonga ny lalitra," dia tonga ny lalitra. "Aoka ho tonga ny sahona," dia tonga ny sahona. Nitondra famoronana izy! Ankehitriny, tsy afaka mamorona ny olona, fa tsy olona ilay izy eo am-panombohana. Ilay izy dia Jehovah tao anatin'ny Mpaminaniny mpiandry ondry! Amena!

¹³⁹ Diniho! Ny famantarana fahatelo Nomeny azy dia tsy nisy nifandraisany tamin'ny asany, sady tsy nisy nifandraisany tamin'ny tenany koa; ny famantarany fahatelo. Mariho, ireo famantarana roa voalohany dia nisy nifandraisany taminy, ny tenany sy ny asany. Ary izy ireo irery ihany no famantarana roa izay lazain'ny Baiboly fa "nanana feo iray." Ilay famantarana hafa dia tsy nanana feo iray. Fa ireo famantarana roa izay nomena avy tamin'ny tenany manokana, sy ho an'ny olony, dia nanana feo. Fa ilay famantarana fahatelo, mariho ankehitriny, izany dia nomena...ilay famantarana, ilay famantarana fahatelo, dia ny famantaran'ny fahafatesana: rano nivadika ho rà. Raha ny—raha ny—raha nivadika ho rano ny rànareo, amin'izay fotoana izay dia ho faty ianareo. Ary eo amin'izay misy rà, rà nalatsaka, dia famantaran'ny fahafatesana iray; tahaka an'izany koa ilay izy ho an'i Farao. Ilay fahatelo dia ny hamadika ny ranon'i Neily ho rà, dia ny haneho—ny haneho ny Hafany tamin'i Farao fa ny Andriamanitsika no Andriamanitra teo ambonin'i Neily, teo ambonin'ny andriamanitri'i Neily. Andriamanitra ambonin'ny zavatra rehetra Izzy, ary hitondra fahafatesana teo amin'io firenena io Izzy. Ary izany no famantaran'ny rà. Oh, oadray! Famantaran'ny fahafatesana mivantana: rà!

¹⁴⁰ Fa ireo roa hafa dia nanana an'ireo feon'ny faminaniana. (Izaho—izaho—manantena aho fa mamaky ianareo ankehitriny, eo anelanelan'ny andalana, an'izay lazaiko.) Fa ireo famantarana roa hafa dia nanana an'ireo feon'ny faminaniana ho an'i Isiraely mikasika ny ho avin'izy ireo. (Ankehitriny ho anareo izay teny an-tendrombohitra vao tsy ela akory izay, rehefa natsipy ilay vato.)

¹⁴¹ Ankehitriny, ary handeha... hanova ny natiora izy, mba hanao an'izany hiasa ho azy ireo. Diniho ilay hazo lava, diniho ilay menarana, diniho ilay Ranomasina Mena, ary na inona na inona Nataony, ankehitriny. Jereo ilay fanindronan'ny mpiandry ondry manao lâlana mba handehanan'izy ireo. Ilay tsorakazo izay teny an-tânán'ny mpiandry ondry, nandingana ny teolojia kely rehetra sy ireo zavatra rehetra izay nolazain'ireo mpisorona, ary ilay tehin'ny mpiandry ondry izay nitarika azy ireo avy hatrany nandalo teo amin'ny zavatra tsy azo atao rehetra (ho an'ny olona). Rehefa niezaka i Farao ny hihevitra fa "ireo katarakta no nipoaka teny an-tendrombohitra ka nanipy ny rano, avy eo dia nanao azy hivadika ho râ," tamin'izay fotoana izay dia nandatsaka afo avy tany an-danitra Andriamanitra. Ary nandatsaka havandra avy tany an-danitra Izy, ary Izy—ary nandatsaka hao teto ambonin'ny tany Izy, sy ny zavatra rehetra.

¹⁴² Inona no Nataony? Tamin'ny alàlan'io tehin'ny mpiandry ondry io, tsy—tsy boky iray, tsy hevity ny teolojiana iray, fa tehin'ny mpiandry ondry iray! Ho tonga eo amin'izany isika afaka iray minitra; ny tehin'ny mpiandry ondry, no Nanaovany an'izany. Tsy—tsy bokim-bavaky ny anaram-piagonana, fa tehin'ny mpiandry ondry iray. Ny tehin'ny mpiandry ondry no mitari-dàlana ny ondriny, manao ny lâlana hazava raha nandeha nankany amin'ny Teny nampanantenaina tao amin'ilay tany izy ireo. Zavatra iray tsara tarehy toy ny inona izany androany ny amin'ilay Tehin'ny Mpiandry ondry, androany, mitari-dàlana ny Ondriny mankany amin'ilay Tany Nampanantenaina; mandingana ny teolojia rehetra sy ny zavatra hafa rehetra an'ity izao tontolo izao ity, sy ireo zavatr'izao tontolo izao, ary ireo anaram-piagonana, ny zavatra rehetra; manokatra ny lâlana, ary manaporofo Ny Teniny ho ny Fahamarinana; mandroso ilay Tehin'ny Mpiandry ondry.

¹⁴³ Ary mariho, io tehin'ny mpiandry ondry iray io ihany izay nitari-dàlana ny ondry... Mino an'izany ve ianareo? Nitari-dàlana ny ondry tokoa izy, nanafaka azy ireo hivoaka an'i Egypta niaraka tamin'io tehina teny an-tânany io. Afaka milaza betsaka mihitsy mikasika an'izany isika. Fa mba hikasihana an'ilay zava-dehibe, dia nitari-dàlana ny ondry izy ary nandefa fitsarana teo amin'izay nandà an'Izany! Ilay tehina iray ihany izay lasa fitahiana ho an'ny anankiray, no lasa ozona ho an'ireo hafa. Ireo rano iray ihany (an'ny toritenin'i Noa) izay namonjy azy, no nanameloka an'izao tontolo izao. Ilay

tehina iray ihany izay nitarika ny Isiraelly nankany amin'ilay tany nampanantenaina, no nanameloka an'ireo izay nandà tsy hanaraka an'ilay mpaminany mpiandry ondry. Marina izany, lasa tsorakazon'ny fitsarana iray.

Ny natiora; mariho hoe ahoana no itenenan'Andriamanitra ao anatin'ny Natiorany. Raha nanana fotoana fotsiny mantsy isika. Nanoratra naoty iray aho eto: Andriamanitra miteny ao anatin'ny Natiorany. Tsy manana fotoana hanaporofoina an'izany isika.

¹⁴⁴ Fa noporofoina taty aoriana, tamin'ny alàlan'ny menarana varahina teo amin'ilay fanindronan'ondry an'ny mpiandry ondry (izay namonosany an'io bibilava io nanodidina, tany an-efitra), izany dia miresaka ny amin'ny fanaovam-panavotana marina izay ho avy ho an'ny aretina sy ny fahotana.

¹⁴⁵ Io tehina io ihany no nivadika ho menarana iray teo anatrehan'i Farao, ary ilay Farao iray ihany no nanandrana haka tahaka tamin'ny alàlan'ireo mpanao majia. Ary tahaka an'izany koa no ataon'ireo Farao moderina an'izao andro izao, sy ireo mody-mpino, mpaka tahaka ara-nofo an'ny Hafatra, manandrana ny haka tahaka an'ilay zavatra iray ihany nefo tsy mahafantatra hoe avy taiza ilay izy; ary mampiditra an'Izany ao amin'ny zavatra ara-anaram-piagonana iray, nefo dia afaka amin'izany Izy tahaka ny rivotra tsy azo akatona. Azo antoka! Fa manandrana maka tahaka, manao fakan-tahaka iray.

¹⁴⁶ Fa, mariho, io tehin'ny mpiandry ondry iray io ihany no nihinana an'ireo bibilava hafa. Taiza no nisy an'ireo bibilava ireo? Tehina teo amin'ny gorodona izy ireo, fa tehina anankiray ihany no noraofina teo. "Ny lanitra sy ny tany ho levona," hoy Jesosy, "fa Ny Teniko tsy ho levona." Miresaka ny amin'ny fanaovam-panavotana ho avy ho an'ny fahotana.

¹⁴⁷ Izao koa, ny ho avin'i Isiraelly dia nanolotra... ary teo no niresahoko ny amin'i Isiraelly, ankehitriny amin'ny ho avy... Teo no nanolorana azy ireo ny fahafahana amin'ny fanandevozan'ny fahafatesana tamin'ny alàlan'ny mpaminany mpiandry ondry iray. Navoaka avy tamin'ny fanandevozana izy ireo tamin'ny alàlan'ny mpaminany mpiandry ondry iray niaraka tamin'ny tehina iray. Hitanareo? Niresaka ny amin'ny Mpanafaka an'i Isiraelly ho avy izany, avy tamin'ny fahafatesana sy ny helo, tamin'ny alàlan'ny Mpaminany MPIANDRY ondry iray izay ho resahantsika.

¹⁴⁸ Ankehitriny, ho an'ny rehetra izay... araka ny fantatsika rehetra fa Isiraelly, dia tsy nandray ny Tenin'ilay mpaminany mpiandry ondry, ny Isiraelly rehetra dia tsy nandray an'Izany. Ankehitriny, mariho, nitaraina izy ireo. "Oh," rehefa nanao an'ireo fahagagana izy, "lehilahy malaza iray izy," fa rehefa tonga teo amin'ny Hafany ilay izy, "hafa izany." Ireo famantarana lehibe rehetra dia manaraka hafatra iray vaovao

ho avy. Fantatsika izany. Nitaraina izy ireo tany an-efitra, tany an-efitra, ary an'arivony no maty. Am-pahatsorana, dia roa tamin'ireo izay hany niampita ihany no voavonjy avy tamin'ny iray tapitrisa sy sasany, roa tamin'ny roa tapitrisa sy sasany.

¹⁴⁹ Hoy ianareo hoe, “Izany . . . Inona no nitranga tamin’izy ireo?” Maty Mandrakizay izy ireo.

¹⁵⁰ “Izy rehetra ireo ve, Rahalahy Branham?” Jesosy no niteny an’izany.

¹⁵¹ Hoy izy ireo hoe, “Ny razanay nihinana ny Mana tany an-efitra, ary nisotro avy tamin’ilay Vatolampy.”

¹⁵² Ary Izy . . . Hoy Jesosy hoe, “Fa izy ireo dia, ny tsirairay avy, maty,” tafasaraka Mandrakizay, hitanareo, ny tsirairay avy.

¹⁵³ Mariho fa nitaraina mikasika ny lalana nomanin’Andriamanitra izy ireo, izany no antony nahafatesan’izy ireo. (Ankehitriny, tsara mihitsy, aza diso an’ireto fanamarihana vitsy farany ireto.) Nitaraina izy ireo! Ny nanao azy ireo ho faty tany an-efitra, dia nitaraina mikasika ny lalana nomanin’Andriamanitra izy ireo: tamin’ny alàlan’ny Hafatry ny lehilahy anankiray, mpaminany iray, fitarihan’olona anankiray. Teneno amiko hoe oviana Andriamanitra no mba nampiasa vondrona iray hitarika. Tsy hahita an’izany ianareo ao amin’ny Baiboly. Lehilahy anankiray, izy ireo . . . Tonga tamin’i Mosesy ny Teny!

¹⁵⁴ Kora; isika rehetra dia mahafantatra fa izy—nanangona niaraka ho an’ny tenany izy ary nitaraina mikasika an’Andriamanitra hoe tsy marina, manao zavatra iray tahaka an’izany, manao lehilahy iray miaraka amin’ny Hafatra. Hoy izy hoe, “Masina isika rehetra. Nahoana isika no tsy afaka manana anaram-piangonana iray? Ary nahoana isika no tsy afaka manana . . . mametrakta an’ity, sy manao an’ity, ary manao an’itsy?”

¹⁵⁵ Niteny tamin’i Mosesy Andriamanitra hoe, “Saraho aminy ny tenanao, leo an’izany Aho.” Ary tsarovy, miresaka an’ilay zavatra iray ihany i Joda, amin’ny andro farany. Marina izany, “Levona tamin’ny fihodinan’i Kora izy ireo.” Fantatsika koa izay nitranga tamin’i Kora sy ny—sy ny sisa izay nisalasala tamin’ny Tenin’Andriamanitra sy ny fahendren’Andriamanitra mikasika ny fitarihan’ny lehilahy anankiray: levona ny tsirairay avy tamin’izy ireo.

¹⁵⁶ Ankehitriny, hahamarika an’Andriamanitra ao amin’ny mpaminany mpiandry ondry isika, maneho an’ireo Drafiny ho avy ao amin’ilay feon’ny famantarana manaraka. Ankehitriny, diniho. Hitantsika izany *teto*, ankehitriny dia ndao dinihintsika izany ao amin’ilay famantarana manaraka.

¹⁵⁷ Ankehitriny, mariho, nirahina nankany amin’ireo rahalahiny tao amin’ny fahandevozana izy, teo ambanin’ny fanandevozana,

niaraka tamin'ny Hafatry ny fanafahana iray, niaraka tamin'ny famantaranana iray nomen'Andriamanitra mba hanaporofo ny Filazany. Nanaiky ny Hafany i Isiraelly, nino an'Izany izy ireo, ny tsirairay avy tamin'izy ireo, saingy tamin'ny andro hariva... Nanaiky an'ireo fahagagany izy ireo, saingy tamin'ny andro hariva rehefa izy ireo...nanome ny Hafany izy, "Hafa Izany." Ny rehetra izay tsy nino an'io Hafatra io, dia maty. Marina izany. Inona ilay Hafatra? Ilay Hafatra dia ny amin'ny fitsarana ho avy. Tamin'ny hariva, tamin'ny andro hariva, dia nitety ny tobin'i Isiraelly Andriamanitra mba hahita raha nino ny Hafatry ny Mpaminaniny mpiandry ondry ny olona; ka ny rehetra tsy nino an'Izany, dia levona.

¹⁵⁸ Mariho ankehitriny, ho entintsika eo amin'ilay Mpiandry ondry Lehibe izany afaka fotoana fohy fotsiny. Hitanareo? Mariho ny asam-panompoan'ilay Mpaminany Mpiandry ondry Lehibe. Ny amin'ireo Fahagagany, dia nisokatra ny fiangonana tsirairay ka nandray Azy. Nila ny mararinny ho sitrana izy ireo. Nila nanao zavatra lehibe izy ireo. Lehibe ny Lazany. Fa rehefa tonga ny andro hariva, indray andro rehefa avy namadika ny rano ho divay Izy, sy namahana an'arivony, mofo, ary nanao fahagagana, dia nanomboka nipetraka Izy ary niresaka tamin'izy ireo. Dia hoy Izy tamin'izy ireo hoe, "Izaho sy Ny Raiko dia iray. Nahoana ianao no milaza hoe, 'Asehoy anay ny Ray'?"

¹⁵⁹ "Oh, rahalahy! Manao ny tenany mitovy amin'Andriamanitra ve io lehilahy io?" Tafahoatra izany ho an'ny fisainana ara-pivavahan'izy ireo. Saingy izany no Fahamarinana, izany Izy! Hitanareo? Fa rehefa nanao an'izany izy ireo, dia maro no tsy nanaraka Azy.

¹⁶⁰ Avy eo dia nitodika Izy ka nanao hoe, "Raha tsy mihinana ny Nofon'ny Zanak'olona ianareo, sy misotro Ny Ràny, dia tsy manana Fiainana ianareo ao anatinareo."

¹⁶¹ Ankehitriny, inona no heverinareo ho noeritreretin'ny olona manan-tsaina iray, mahay? Heveriko fa ireo mpisorona izay nanana Azy tao an-tempoly dia tena—dia tena menatra ny—ny amin'ny nananan'izy ireo Azy tao. "Ny mieritreritra fa lehilahy iray no nitsangana ka nilaza zavatra iray tahaka an'izany hoe, 'Raha tsy mihinana Ny Nofoko ianareo olona, ary misotro Ny Ràko.'" Hoy izy ireo, "Olombelona vampira io, hitanareo, 'Mihinana Ny Nofoko sy misotro...' Nahoana, mpihinan'olona iray izy. Ianareo olona misaina tsara dia...hanalavitra adala iray tahaka an'izany ianareo."

¹⁶² Tsy nanazava an'Izany mihitsy Izy, Nolazainy fotsiny Izany! Nataony izany mba hahatafintohina azy ireo, hampisarahana ny Ondriny sy ireo osy. Nataony izany mba hampanalavitra azy ireo. Ary tamin'izay fotoana izay dia tsy nisy olona te-hiara-hiasa Taminy. Tsy nanana fiaraha-miasa izy ireo hatramin'io. Hitanareo?

¹⁶³ Mariho, tamin'ny andro hariva, nitety an'ireo toby Andriamanitra ka nahita hoe iza no nino. Ary nanao an'ilay zavatra iray ihany Izy tamin'ny andron'ilay Mpaminany MPIANDRY ondry Lehibe. Mariho ny asam-panompoan'ilay Mpaminany MPIANDRY ondry Lehibe, fa mariho ity, ho an'ireo mpinon'Ny Hafany, fa tsy . . . Io Hafatry ny hariva io, tsy hino an'Izany izy ireo. Tsy hino izy ireo fa Andriamanitra Izy. Te-hanao Azy ho lehilahy tsara iray izy ireo. Te-hanao Azy ho mpaminany iray izy ireo. Lehilahy tsara iray Izy, ary Mpaminany iray Izy, saingy mihoatra noho izany Izy. Izany ilay fampianarana iraisana amin'izao andro izao, hoe "Lehilahy tsara iray izy, mpaminany iray izy." Izy no Imanoela tsy latsaka tsy mihoatra! Izy no Andriamanitra voaseho tao amin'i Jesosy Kristy Ny Zanany, manao Azy sy ny Ray ho iray. Izay ihany no mety haha-izy Azy.

¹⁶⁴ Zakaria 14:7, mety hilaza an'ity aho, miresaka ny amin'ireo Hazavan'ny hariva sy ny Hafatra indray amin'ny andro farany. Efa voamarikareo ve izany? Ireo rehetra izay nanaraka an'i Mosesy, dia nahita an'ilay Andry Afo izay nanondro azy teo amin'ny Tendrombohitra Sinay. Nijoro vavolombelona izy, ary niresaka ny amin'io Andry Afo tao anatin'ny kirihitra iray io ka niteny taminy an'io Hafatra io, maro tamin'izy ireo no tsy nino an'Izany. Fa ireo rehetra izay nanaraka azy tany ivelan'i Egypta (nivoaka avy tao amin'izao tontolo izao ka niampita an'ilay ranomasin'ny fampisarahana, ary niditra tao an-efitra), dia nahita an'ilay Andry Afo iray ihany (izay noresahany) nanamarina an'io mpaminany mpiandry ondry io ho mpiandry ondrin'ny ondry. Nahita an'Izany izy ireo, ary maro tamin'izy ireo no mbola tsy nino an'Izany foana rehefa avy nahita an'Izany.

¹⁶⁵ Mariho hoe ahoana, indray, no nitondran'ilay Andriamanitra tsy miova mihitsy, ilay Mpaminany MPIANDRY ondry Lehibe, an'ireo izay nijanona teo Aminy sy niaraka tamin'ny Asam-panompoany teo amin'ny Tendrombohitra Oliva; ilay Mpaminany MPIANDRY ondry Lehibe, ilay Anankiray izay resahantsika, Jesosy. [Elanelana tsy voarakipeo—Mpand.] . . . ? . . . ary nandre ny Ray (ilay Andry Afo iray ihany) nanamarina Azy, izay nanamarina an'i Mosesy.

¹⁶⁶ Ilay Andriamanitra iray ihany izay noresahan'i Mosesy, no tonga teo ambonin'i Mosesy ka nanaporofo tamin'ny alàlan'ny Andry Afo iray fa Izy no Jehovah izay nitarika an'i Mosesy. Tao amin'ny Mpaminany mpiandry ondrin'y Andriamanitra.

¹⁶⁷ Eto Izy dia mitondra an'ilay Mpaminany MPIANDRY ondry hafa, ilay Mpaminany Lehibe, ilay Tena Ondry, Jesosy, ary misafidy lehilahy telo, sy mitondra azy ireo eny an-tampon'ny Tendrombohitra Oliva, ary nanamarina an'i Jesosy. Ary dia nanasaraka ny Tenany tamin'ireo olona hafa rehetra, nanao hoe, "Ity no Zanako Malalako, Izy no henoy!" Ary rehefa niandranda izy ireo, dia tsy nahita olona afa-tsy Jesosy irery

ihany. Marina izany. Izy ilay Anankiray. Ankehitriny, milamina hatreо izany, raha ny amiko. Hitanareo?

¹⁶⁸ [Elanelana tsy voaraki-peo—Mpand.] . . . ? . . . [Elanelana tsy voaraki-peo.] . . . ? . . . tarehiny. Tao amin'ny fanatrehan'i Shekinah i Mosesy teo amin'ny Tendrombohitra Sinay. Nanova ny tarehiny izany. Rehefa nidina izy, dia tsy maintsy—tsy maintsy nametraka voaly iray teo amin'ny tarehiny, ilay Mosesy mpaminany mpiandry ondry; izay nisy an'i Jehovah tao anatiny, tao anatin'ny ampahany iray, ampahany iray fotsiny, ny tarehiny. Nanana ny Teny tao am-bavany izy.

¹⁶⁹ Fa mariho rehefa tao amin'ny fanatrehan'i Shekinah ilay Mpiaンドry ondry Lehibe. Inona no nataon'izany? Nanova ny Endriny manontolo izany. Tsy ampanahany Andriamanitra fotsiny Izzy, Izzy no Andriamanitra amin'ny rehetra! Izzy no Imanoela.

Nahoana ilay izy no tsy maintsy mpiandry ondry?

¹⁷⁰ Jereo! Hitanareo, ankehitriny, Andriamanitra Tsitoha misafo . . . manondro ny Tenany, raha ny marina, ao amin'i Mosesy ilay mpaminany mpiandry ondry. Diniho hoe toy ny ahoana no nampahafantar'an'Andriamanitra ny Tenany. (Ity no fanamarihako farany.) Jereo izy, mitsangana voahosotra tao amin'ny fanatrehan'ilay Andry Afo! Tsy nisy olona mihitsy teo an-tendrombohitra afa-tsy Mosesy sy Jehovah. Amena! Amena dia midika hoe "ho tanteraka anie izany."

¹⁷¹ Diniho! "Apetraho ao an-tratranao ny tànanao!" Fa, diniho ilay famantarana faharoa ankehitriny miaraka amin'ny feo iray. "Apetraho ao an-tratranao ny tànanao." Tsy manana antony isika mba hino fa kavia i Mosesy, noho izany dia tsy maintsy nametraka ny tànany ankavanana tao an-tratrany izy, satria ny ankamaraoan'ny olona dia kavanana. Nametraka ny tànany ankavanana izy . . . Diniho ankehitriny! Sary iray toy ny inona no hitantsika eto, ny amin'i Jehovah tao amin'ny Mosesy ilay mpaminany mpiandry ondry! Mosesy nisolo tena an'Andriamanitra, satria tao amin'i Mosesy Andriamanitra. Diniho izy nametraka ny . . . "Tànana ao an-tratranao." Famantarana iray toy ny inona!

¹⁷² Ankehitriny, mitsangana eo izy, mihazona ny tànany ankavanana eo ambonin'ny fony (mitsangana tahaka an'izao) izay niafenan'ireo tsiambaratelon'ny fanavotana hatramin'ny fanorenana an'izao tontolo izao. Ity ilay hoe nahoana no mpiandry ondry. Jesosy no tànana ankavanana Andriamanitra, mahafantatra isika rehetra. Eo i Mosesy maneho Azy marina tokoa. Nihazona an'ireo tsiambaratelon'ny Ray Izzy, ary naneho azy ireo tamintsika. Mariho, diniho izy misintona avy ao an-tratrany ny tànany ankavanana tratry ny habokana mahafaty. Naneho hoe inona no hataon'Andriamanitra amin'Ny Tânany Ankavanana. Mariho, tsy misy fanafody ny habokana. Mariho, indray, tsy habokana tsotra fotsiny ilay izy, tao amin'ny dingany

farany izany, fotsy tahaka ny oram-panala; trathy ny zavatra iray mahatsiravina ny tànany. Toy ny ahoana no tsy maintsy tsapan'i Mosesy rehefa nisintona ny tànany ankavanana avy teo amin'ny fony izy, avy teo an-tratrany, ka trathy ny habokana ny tànany! Manao mari-pamantarana ny fahotana ny habokana, tsy azo sitranina, ary indrindra ao amin'ny dingany farany.

¹⁷³ Ary, rahalahy, teo no nisy an'izao tontolo izao rehefa nisintona Ny Tànany Ankavanana avy tao an-Tratrany Andriamanitra! Trathy ny habokana mahafaty izao tontolo izao, ary tsy nisy fanafody mihitsy ho an'izany. Tahaka an'izany koa ilay izy izao hariva izao, satria tsy handray an'ilay fanafody izy ireo. Ilay fanafody dia natao teo Kalvary, fa te-haka taratasim-panafody iray nataon'olona ny olona eo amin'ny toeran'ny taratasim-panafodin'Andriamanitra ho an'ny fahotana.

¹⁷⁴ Mariho fa tsy tonga tsikelikely mihitsy ilay izy, tahaka ny ataon'ny fizotran'ny habokana, fa tena tampoka! Rehefa nisintona ny tànany izy, dia tratra izany, feno habokana. Mariho izay nolazain'Andriamanitra hoe, "Ankehitriny, tsy hiditra tsikelikely ao anatin'ny fahotana ianareo; fa amin'ny andro izay ihinananareo an'izany, dia ho faty ianareo amin'izany andro izany." Ary marina izany, "Amin'ny andro ihinananareo an'izany."

¹⁷⁵ Mariho, ilay mpaminany mpiandry ondry no namely ny tenany. Nalainy, araka ny baikon'Andriamanitra, ary napetrany tao an-tratrany ny tànany manokana, ka nosintoniny nivoaka izany trathy ny habokana. Ilay mpaminany mpiandry ondry samirery no nanao an'ilay izy. Ary ilay Mpaminany Mpiandry ondry Lehibe, Jesosy, Samirery no nanao an'ilay izy hoe, "Manolotra ny Aiko Aho, tsy misy olona manaisotra azy Amiko." Izy no Mpiandry ondry Lehibe, ilay Mpaminany Mpiandry ondry Lehibe, "Tsy misy olona manaisotra azy Amiko, Izaho no manao azy Samirery." Mariho fa tsy tonga tsikelikely ilay izy, tonga tao anatin'ny iray minitra izany. Ilay Mpiandry ondry Lehibe, Izy tenany, no nitondra ny fahamelohantsika ka namely ny Tenany, nitondra ny fahotantsika ka nametraka an'izany teo amin'ny Tenany. Tsy mahagaga raha nanoratra ilay poetry hoe:

Teo afovoan'ireo vatolampy nitresaka sy ireo
lanitra niha-maizina,
No nanondrika ny Lohany ny Mpamonjiko ary
maty;
Ny fanokafana ny voaly no nanambara ny lâlana
Mankany amin'ny fifalian'ny Lanitra sy andro tsy
manam-pahataperana.

¹⁷⁶ Io tsiambaratelo io dia efa tao an-tratran'Andriamanitra nandritr'ireo taona rehetra ireo, norakofan'ny Tànany ankavanana, Jesosy. Nentin'ilay Mpiandry ondry Lehibe teo amin'ny Tenany ny fahamelohantsika. Isaia 53:6, nanao hoe,

"Izy dia voalefona nohon'ny fahotantsika. Izy dia notorotoroina nohon'ny helotsika. Ny famaizana ho an'ny fiadanantsika dia teo Aminy. Ary tamin'ireo Dian-kapony no nahasiranana antsika." Ny tsiambaratelon'ny fanasiranana'Andriamanitra dia nипetraka tao an-tratran'i Jesosy Kristy, na Andriamanitra, Izzy no teo an-tànana ankavanana'Andriamanitra, izany ilay Ondry tokana izay nihazona ny tsiambaratelo tao an-Tratrany. Izany no antony hoe ireo aloka mialoha an'Izany dia tsy maintsy ondry iray foana! Ny voalohany dia ondry iray, ny farany dia Ondry iray. Izany no antony tsy maintsy nahatongavan'Izany tamin'ny mpiandry ondry iray, mba hahafantarana hoe ahoana no hikarakarana ny Ondriny. Azonareo ve Izany? Mariho, "Izy dia voalefona nohon'ny fahotantsika, notorotoroina nohon'ny helotsika, ny famaizana ho an'ny fiadanantsika teo Aminy."

¹⁷⁷ Mariho, tonga haingana ilay izy; ary niala haingana, tsy ela taorian'ny nanesorana fanindroany ilay tànana ankavanana avy tao an-tratra. Lasa ilay aretina nahafaty, rehefa nosintoniny fanindroany ilay izy. Ary rehefa ilay Mpiandry ondry Lehibe, ilay Mpaminany Ondry, rehefa nilaza Izzy... Teo amin'ny hazo fijalian'i Kalvary, rehefa nandoa ny sazin'ny fahotana ho antsika rehetra Izzy, dia hoy Izzy hoe, "Vita ilay izy." Tapitra ny fahotana, voaloa ilay sazy, voalamina ireo trosa! Tsy nila taona iray ilay izy, tonga tamin'ny andron'ny mpanavao anankiray hafa tamin'ny farany na zavatra iray, vita teo no ho eo izany!

¹⁷⁸ Niditra vetivety ny fahotana, tamin'ny alàlan'ny fandikàna ny Làlan'Andriamanitra, tamin'ny alàlan'ny fanimbàna Teny anankiray. Izao hariva izao, ry rahalahiko, eo amin'ny rojo iray eo ambonin'ny helo ny fanahinareo. Ary io rojo io dia tsy fampianarana teolojikan'ny seminera iray, io rojo io dia tsy anaram-pianganana iray na fanekem-pinoana iray izay iainanareo, io rojo io dia ny Tenin'Andriamanitra! Nanome Ny Teninay ho an'ny taranak'olombelona Jesosy mba hiainana, ary nanapaka fitohizana kely anankiray an'Izany fotsiny i Eva. Ary ny...ny rojo rehetra dia tsy matanjaka kokoa noho ny fitohizany malemy indrindra. Rehefa manaisotra Teny anankiray ianareo... Izany no voalohan'ilay Boky.

Tonga tao afovoan'ny Boky Jesosy, ka nanao hoe, "Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra." Izany no afovoan'ny Boky.

Ny faran'ilay Boky, dia hoy Izzy hoe, "Na iza na iza hanaisotra Teny anankiray (mandika Teny diso anankiray), manaisotra Teny anankiray avy Eto, dia hanaisotra ny anjarany ao amin'ny Bokin'ny Fiainana Aho." Mandalo eo ambonin'ny helo ianareo, mihantona eo amin'ny Tenin'Andriamanitra. Aza mamela olona hanatsofoka ao aminareo an'izay tsy HOY NY TOMPO HOE!

¹⁷⁹ Oh, hitako...Eny, hoy izy ireo hoe, "Azo antoka, nanao isika rehetra. Nanao isika rehetra!" Izany angamba no

noeritreretin'ireo mpisorona sy izy ireo tamin'ny andron'ilay Mpiaンドry ondry Lehibe. Izany no noeritreretin'i Eva. Izany no notenenin'i Satana taminy hoe, "Azo antoka fa tsy hanao Andriamanitra." Fa nanao Izy, satria Izy no nilaza fa hanao Izy. Ary izany no antony Hanaovany an'ilay izy indray amin'izao andro izao.

¹⁸⁰ Tsy mahagaga, raha hoy Izy hoe, "Tahaka ny tamin'ny andron'i Noa, izay nisy fanahy valo voavonjy, tamin'ny rano, dia ho toy izany koa amin'ny fihavian'ny Zanak'olona." Hitanareo, tena vitsy, "Satria èty ny vavahady, ary tery ny lèlana izay mitondra mankany amin'ny Fiainana, ka vitsy no hahita Azy." Marina izany. "Satria malalaka ny lèlana izay mitondra mankany amin'ny faharavàna, ka maro no hiditra ao."

¹⁸¹ Rehefa nokapohina ilay Mpiaンドry ondry Lehibe, ilay Mpaminany Ondry Lehibe, rehefa nokapohina Izy tany, dia hoy Izy hoe, "Vita ilay izy!" Ary tamin'io minitra io, vantany vao nokapohina io Mpiaンドry ondry io, dia tapitra ilay izy. Voalamina ny fahotana, tsy nisy fahotana intsony. Nadio izy ireo, voaloa ilay sazy. Ireo mpino izay nanana ny anarany voasoratra tao anatin'ny Bokin'ny Fiainana, voafidy mialoha hatramin'ny fanorenana an'izao tontolo izao, dia vita ilay izy tamin'io minitra izay nilazan'i Jesosy fa nahavitany io mihitsy. Izy, io Mpiaندry ondry Lehibe io, dia tonga ho an'ny Ondriny. Vita ilay izy, voasintona avy tao an-Tratrany ny tènana ankavanan'Andriamanitra, nokapohina. Avy eo tamin'ny Paska dia Naveriny izany (amena), natsangany indray nankao an-Tratrany izany, ka nitariny nankaty amiko sy ianareo, tamin'ny endriky Ny Teniny, mba hanavotra antsika hiverina hankany amin'ilay saha tany am-boalohany izay nandroahan'ny fahotana antsika. Voambara tamin'ny alàlan'ny Mpaminany Mpiaندry ondry iray ny tsiambaratelon'ny Fony lehibe. Voambara tamin'ny alàlan'ny Mpiaندry ondry izany, Mpaminany Mpiaندry ondry.

¹⁸² Tsy mahagaga raha nitsambikina sy nihiakiaka ireo tendrombohitra tamin'io andro io. Tsy mahagaga raha nanafina ny tavany ny masoandro ka nihorakoram-pifaliana. Tsy mahagaga raha nitroatra ny natiora rehetra; nanozongozona an'ireo hazo ny rivotra hany izy ireo ka nihozongozona sy nihozongozona, ary nifaly, sy nitsambikina. Hitan'izy ireo ilay Mpaminany Mpiaندry ondry, teo an-tendrombohitra, nanavotra ny anarana tsirairay teo amin'ilay Bokin'ny Fiainana. Ary hitan'izy ireo fa voaavotra ny natioran'izy ireo manokana! Nihorakoraka izy ireo, ary nitsambikina. Ary niditra tao anatin'ny horohorontany iray izao tontolo izao. Ary nitresaka ireo tendrombohitra, ka nianjera ireo vatolampy. Ary nilentika ny masoandro. Ary—ary niseho ny zavatra rehetra. Tahaka ny fivoriana rehetra, rehefa ilay Mpiaندry ondry no manambara aminareo fa "vita ilay izy!" Eo...

¹⁸³ Efa nahita an'ireo fotoam-pitsambikinana aho, sy ireo fotoam-pifaliana, fa tsy nisy olona naratra. Nirohondrohona ireo tendrombohitra, ary izy ireo... nilentika ny masoandro, ary niseho ny zavatra rehetra, saingy tsy nisy olona naratra. Ary efa nahita fivoriana aho izay nahavoambara ny herin'Andriamanitra tamin'ny olona hoe izy ireo "dia afaka tamin'izao tontolo izao sy ireo zavatr'izao tontolo izao," ka nameno ny fiangonana ny fifalian'ny Tompo. Nitsangana izy ireo ary nihorakoraka, sy niantsoantso, ary nihiakiaka tamin'ny tampon'ny feony, ho an'ny voninahitr'Andriamanitra. Tsy nahita zavatra nikorontana mihitsy aho, tao amin'ny lamina foana mihitsy izy ireo; satria nahafantatra izy ireo fa, ny anarany dia efa voasoratra teo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao. Ilay Mpaminany MPIANDRY ondry lehibe no nitondra ny Hafatra tamin'izy ireo, ka afaka izy ireo, ilay Mpaminany MPIANDRY ondry. Tsy mampaninona izay nolazain'ireo sehatra ara-pivavahana hafa mikasika an'Izany, fantatr'izy ireo izay nitranga. Tahaka ny nataon'ireo mpiandry ondry tany aoriania tany mihitsy, dia fantatr'izy ireo izay niseho.

¹⁸⁴ Tsy misy olona manana zò hiditra ao amin'ny polipitra masina history ny Teny raha tsy nanao tahaka ny nataon'i Mosesy izy, nihaona tamin'Andriamanitra, ny tenany, teo amin'ireo tany izay tsy nisy teolojiana afaka hanazava an'Izany mba hiala. Tany i Mosesy! Tsy mampaninona izay nolazain'ireo irak'i Isirael y hoe, "oh, fahadalana izany, nihevitra fotsiny ianao fa nahita an'io; fahadalana izany," tsy afaka hanaisotra an'Izany hiala aminy ianareo, nahafantatra izy! Tany izy! Izy no anankiray nitrangan'izany! Ary tsy misy olona amin'ny alàlan'ny—ny diploma ara-teolojia na diploma'an'ny dokotera iray manana zò ho ao ambadiky ny polipitra, hanambara ny Hafatr'i Jesosy Kristy, raha tsy nihaona tamin'Andriamanitra nifanatrika tao anatin'ny Andry Afo izy aloha. Tsy manana zò hiantso ny tenany ho iraka iray izy, satria tsy afaka hanazava an'Izany hiala aminareo ireo teolojiana rehetra eto amin'izao tontolo izao. Nitranga taminareo ilay izy! Tany ianareo, fantatrareo ny mikasika an'Izany. Tsy ahoanareo izay lazain'olon-kafa, na impiry no ahafahan'izy ireo milaza hoe, "efa lasa ireo andro, tsy izany ilay izy," ianareo... nitranga taminareo ilay izy, ary araka ny Teny izany.

¹⁸⁵ Eny, izany no antony nahafantarana'i Mosesy fa io Feo izay niresaka taminy io, dia Feon'ny Teny. Fantany fa Andriamanitra no niteny tamin'i Abrahama hoe, "Ny taranakao dia hivahiny mandritry ny efajato taona, fa Izaho no hanafaka azy ireo." Ary fantany fa tapitra ireo efajato taona ary izy no voaantsosanaao an'ilay izy.

¹⁸⁶ Ry lehilahy sy vehivavy, Andriamanitra no nampanantena fa amin'izao andro farany izao dia handatsaka Ny Fanahiny amin'ny nofo rehetra Izy. Nampanantena Izy fa handefana ny

Batisan'ny Fanahy Masina Izy, ka hiantso Ampakarina iray tsy misy pentina na fikentronana Izy. Nampanantena hanao an'izany Izy, dia Hataony izany. Aza mihaino an'ireo mpiandry ondry mpikarama an'ady ireo, hitarika anareo ho very lâlana izy ireo. Ny Fanahy Masina no MPIANDRY ondry hamahaha anareo ny sakafon'ondry avy amin'ity Teny ity. Tonga amin'ny alàlan'ny MPIANDRY ondry foana izany. Izy no MPIANDRY ondrintsika. Henoy Izy, ianareo no ondrin'ny Valany; raha izany ianareo, dia handre Ny Feony. Tsy izay lazain'olon-kafa, handre an'izay Lazainy ianareo. Ny feo hafahafa iray, tsy mahafantatra na inona na inona mikasika an'izany ianareo.

¹⁸⁷ Oh, oadray, henoy indray ilay mpaminany mpiandry ondry mahery, mandika sy mampiditra amin'izy ireo, Jaona (rehefa nitsangana tao anatin'ny reniranon'i Jordana izy), jereo izay nolazainy (nitsangana teo, nitory teny), hoy izy hoe, “Tonga ny ora . . .”

¹⁸⁸ Mariho, zanaka mpisorona iray i Jaona. Izy ireo dia nanaraka foana an'ilay—ilay lâlan'ny rain'izy ireo, tahaka an'izany no nahazoantsika ny anarantsika. Tamin'ny alàlan'izay nataon'izy ireo, no niantsoany azy ireo an'izany. Ary tokony ho mpisorona iray tahaka ny rainy i Jaona.

¹⁸⁹ Ary, fantatrareo, ny reniny, rehefa nitoe-jaza izy, rehefa avy nihaona tamin'i Zakaria rainy ilay Anjelin'ny Tompo, ka nandeha nody nankany amin'i Elizabeta, ary efa enim-bolana izy no tao . . . ho reny. Fa tsy mbola nanana fiainana izy, natahotra izy satria tsy nihetsika ilay zazakely. Tsy mahazatra izany.

¹⁹⁰ Ary ny Fanahy Masina, ilay Anjelin'ny Tompo dia niseho tamin'i Maria, ka niteny taminy fa izy dia “hahazo zazakely iray, tsy mahalala lahy,” ary niteny taminy mikasika ny toeran'i Elizabeta.

¹⁹¹ Niakatra an'ireo havoanan'i Jodia izy, mba hiteny tamin'i Elizabeta. Ary rehefa nihaona tamin'i Elizabeta izy, dia niteny taminy izy fa izy “dia ho reny iray.” Ary tsy nety azony ilay izy, “tsy nahalala lahy.” Fa hoy izy hoe, “Nanaloka ahy ny Fanahy Masina, ka nilaza fa io zavatra Masina izay ho teraka avy amiko io dia hantsoina hoe ny ‘Zanak'Andriamanitra,’ ary izaho hiantso Ny Anarany hoe ‘Jesosy.’” Ary tamin'ny fotoana voalohany hany nitenenana ny anarana hoe Jesosy teo amin'ny molotr'olombelona, dia nisy zazakely maty iray, tao an-kibon'ny reniny, nitsambikim-pifaliana sy nihiaikiaka; ary nitsambikina tao anatin'ny kibon'ny reny iray, ary tsy mbola nandray fiainana mihitsy izy.

¹⁹² Niteny fiainana tamin'ny zazakely maty iray ny Anaran'i Jesosy Kristy. Inona no tokony hataon'izany ao amin'ny fianganana iray izay manambara fa nateraka indray?

¹⁹³ Ary isika dia mipetraka marikivy tahaka ny vongana eo ambonin'ny rano misy vinaingitra, ka mamela an'ireo

zavatra tahaka an'izany hitohy. Ary matahotra ny hitsangana sy hanambara ny faharesen-dahatsika, ka manameloka an'io hadalana rehetra io, manao an'i Jesosy Kristy tsy miova omaly, anio, ary mandrakizay. Fotoan'ny Krismasy izao, avoahy ireo Santa Claus sy ny karazany ireo, esory miaraka amin'io hadalan'ny ara-barotra io. Mba taiza no nandrenesanareo an'i Santa Claus ao amin'ny Baiboly? Angano Romana iray izany, tsy misy na inona na inona mihitsy amin'izany, tsy misy izany karazan-javatra izany. Aza mampianatra fahadalana tahaka an'izany an'ireo zanakareo. Indray andro any rehefa tsy maintsy hiteny aminy ianareo fa tantara lainga iray tanteraka izany, amin'izay fotoana izay dia nandainga tamin'ny zanakareo ianareo. Ary hanimba ny filazanareo mikasika an'i Jesosy Kristy izany, hilaza izy hoe, "Ilay zavatra iray ihany angamba Izany." Avereno ao amin'ny Krismasy izay misy Azy Jesosy Kristy ilay mpaminany Mpiaendry ondry Lehibe.

¹⁹⁴ Mariho, henoy ity mpaminany ity, Jaona, raha mitsangana eo izy. Isika rehetra dia mahafantatra fa mpaminany mpiandry ondry lehibe iray izy. Ankehitriny, nanana hafatra iray izy, fantatr'ilay Anjely fa izy no hampahafantatra an'i Jesosy.

¹⁹⁵ Ankehitriny, tsy afaka nandeha tany amin'ny seminera iray izy. Ho nilaza izy ireo hoe, "Ankehitriny, fantatrao fa Dokotera *Ranona-sy-ranona* no lehilahy marina haka an'ilay toerana ankehitriny. Ianao no tokony hampahafantatra azy. Ary fantatrao fa izao fotsiny..." Hitanareo, tsy afaka nifangaro tamin'ny olona izy.

¹⁹⁶ Tamin'ny faha-sivy taonany, dia nilaza isika, fa nandeha nankany an-efitra izy mba hiomana eo anatrehan'Andriamanitra. Avy teo no nahatongavan'ireo mpiandry ondry. Mariho fa ny hafany dia tsy tahaka ny an'ny teolojiana iray, niaraka tamin'ireo teny malaza sasany, goavana mibontsimbontsina avy amin'ny diplaoma iray. Hoy izy hoe, "Oh, ianareo taranaky ny bibilava." Miteny an'ireo olona mpivavaka hoe, "Ianareo andiana bibilava." Izany no hitany tany an-efitra, nahita bibilava izy. Ny zavatra ambany indrindra nety hitany dia bibilava iray, ary niantso an'ireo mpisorona sy mpitondra fivavahana ary teolojian'izany andro izany izy hoe, "Andiana bibilava!" Hoy izy, "Iza no nampitandrina anareo ny fahatezerana ho avy? Aza manomboka milaza hoe, 'Izahay mikambana amin'ity, ary izahay mikambana amin'itsy,' fa lazaiko aminareo fa Andriamanitra dia mahay manangana zanaka ho an'i Abrahama avy amin'ireto vato ireto." Vato, izany no hitany tany an-efitra. "Izao koa, mipetraka eo amin'ny fototry ny hazo ny famaky." Izany no efa hitany: bibilava, hazo, an-efitra. Ary, hitanareo, izany no hafany. Tsy fantany ireo teny lehibe mibontsimbontsina an'ny dokotera malaza momba an'Andriamanitra iray (afaka nanazava an'Izany rehetra izany), nitory ny lalan'ny natiora fotsiny marina tokoa izy.

¹⁹⁷ Izany no asehontsika eto: ny tehin'ny mpiandry ondry, ny mpiandry ondry, ny ondry, ny lâlan'ny natiora.

¹⁹⁸ Inona no nataony? Nanana zavatra lehibe iray hatao izy, izy no anankiray izay hahafantatra ny Mesia. Hoy izy hoe, "Lazaiko, 'Mitsangana eo anivonareo Izy ankehitriny. Ary tsy mahafantatra Azy ianareo, satria ny teololianareo no nanao anareo ho tena voafatotra, tsy fantatrareo izay misy anareo.'"

¹⁹⁹ Indray andro dia nanatona Jesosy, hoy izy hoe, "Indro, tonga ny Zanak'ondrin'Andriamanitra izay manaisotra ny fahotan'izao tontolo izao." Ny Zanak'ondry! Haleloia! Ilay tena Fanaovam-panavotana! Indro tonga izay nataon'ny ondry tsirairay aloka hatrany amin'ny sahan'i Edena, Lehilahy tsotra iray nandroso nankeo amin'ny renirano.

²⁰⁰ Hoy izy ireo hoe, "Jaona, ahoana no nahafantaranao an'Izany? Tsy mahita zavatra anankiray hafa aho."

²⁰¹ "Fa manambara aho, nahita ny Fanahin'Andriamanitra nidina tahaka ny voromailala iray aho, sy Feo iray nanao hoe, 'Ity Ny Zanako Malalako Izay Sitrako honenana.'"

²⁰² Diniho ilay Voromailala sy ilay Zanak'ondry. Hitanareo? Hia. Ahoana moa ilay izy raha ny... ahoana moa ilay izy raha zavatra iray... Ahoana moa raha amboadia iray no nitsangana teo? Eny, io Zanak'ondry io dia tsy ho nandeha teo ambonin'ny... na io Voromailala io... nanao mari-pamantarana ny Tenany tamin'ny voromailala iray Andriamanitra, ilay mora fanahy indrindra amin'ny vorona rehetra eny an-danitra; Ny Zanany tamin'ny ondry iray, ilay mora fanahy indrindra amin'ny biby rehetra ety an-tany. Hitanareo, ilay biby madio an'ny lanitra, tsy goaika iray; tsy voltora iray, fa voromailala iray. Tsy kisoa iray, fa zanak'ondry iray. Tsy hiaraka hifangaro ny natiora hafa rehetra.

²⁰³ Ary mariho rehefa tonga teo ambonin'ilay Zanak'ondry ilay Voromailala, Izy no nitarika Azy. Tsy izay Nitiavany azy, fa izay nitiavan'ny Ray hitarihana Azy. Tahaka an'izany ny tena zanak'ondry amin'izao andro izao. O ry ondrin'ny andro Krismasy, tsy fantatrareo ve fa Andriamanitra irery ihany no mitarika amin'ny alàlan'Ny Teniny? Izany no Tehiny.

²⁰⁴ Mariho fa tsy nisy na inona na inona niseho, saingy hoy i Jaona hoe, "Ny sisa tamin'izy ireo dia tsy nahita an'Izany, fa izaho dia manambara hoe, 'Nahita an'Izany aho.'" Nampahafantatra: "Indro, ny Zanak'ondrin'Andriamanitra izay manaisotra ny fahotan'izao tontolo izao."

²⁰⁵ Afaka mampahafantatra ny Hafatry ny Krismasiko aho, ary raha mamarana aho ankehitriny: "Jesosy Kristy, ilay tsy miova omaly, anio, ary mandrakizay." Io Zanak'ondry iray io ihany izany. Mbola ilay Zanak'ondry mihitsy tahaka ny naha-izy Azy tamin'izany foana Izy. Mbola eto mihitsy tahaka ny naha-tany Azy tamin'izany foana Izy, satria tsy miova Ny Teniny. "Na aiza na aiza ivorian'ny roa na telo amin'Ny Anarako, dia

eo afovoan'izy ireo Aho." Izany marina tokoa no Nolazainy. Tsy miova mihitsy Izy, Izy no Andriamanitra ilay Teny. Tsy miova mihitsy Izy; mbola manome ho an'ny Ondriny foana, ka mamahana azy ireo amin'ny alàlan'ny Mpaminany MPIANDRY ondriny, ny sakafon'ny Ondriny aloha. Tsy ho an'ireo teolojiana; ho an'ny Ondriny.

²⁰⁶ Izy ireo tsy . . . Ahoana no ahafahan'ireo hafa ireo hihinana an'Izany. Fa ny hendry . . . Mariho ity! Fa ny hendry sy ny mahay, tsara hofana avy amin'izao tontolo izao, dia mbola maniry foana hilaza fa misy Santa Claus iray. Ary misy ireo karazana tantara foronina rehetra sy ny karazan-javatra izay tompon'izy ireo, satria tsy hanaiky Azy izy ireo, ny Teny; satria ao amin'ny anaram-piangonan'izy ireo, dia tsy mety amin'ny tsiron'izy ireo Izany, ireo mpiandry ondry mpikarama an'ady an'ilay andro. Ireo mpikarama an'ady avy amin'ny fanekem-pinoana, izay te-hampiray anareo eo ambanin'ny osy iray, aza mino an'izany ianareo! Hitarika anareo any amin'ny toeram-pamonoam-biby izy ireo. Henoy ilay MPIANDRY ondry Lehibe izay teraka sivinjato sy arivo taona lasa izay, amin'ity volana ity. Indray andro tany lavitra tany, tao amin'Ny Hafany, dia tonga ireo mpiandry ondry marina izay nahafantatra hoe ahoana no hikarakarana ny ondry.

²⁰⁷ Mariho, mbola maniry an'izany foana izy ireo. Tsy hanaiky an'Izany izy ireo androany, tahaka ny tsy naneken'izy ireo tamin'izany, satria tsy mety amin'ny tsiro ara-pivavahan'izy ireo izany. Avadik'izy ireo ity Teny ity ka ataon'izy ireo mifanaraka amin'ny rafi-pandaminan'izy ireo izany, ary tsy hitory ny Teny izy ireo. Tsy hitory izy ireo! Hoy izy ireo hoe, "Eny, ho an'ny andron'ireo apostoly izany. Izany tsy midika an'ity." Izany dia midika marina tokoa an'izay Lazainy, Izany tsy mila olona mba. handika Azy ho azy ireo.

²⁰⁸ Ankehitriny dia ndao isika amin'ity ora ity hanondrika ny lohantsika sy ny fontsika mankany amin'ny vovoky ny tany, ka handeha haingana mihitsy hankeo amin'ny fihinanam-bilona iray, mba hahita sy handray ny Hazavana izay entin'ity Teny ity amin'ny alàlan'ilay MPIANDRY ondry: ilay Mpaminany MPIANDRY ondry Lehibe, Jesosy Kristy ilay Zanak'Andriamanitra. Niresaka ela taminareo aho. Mety tsy voalamiko tsara ireo teniko tahaka ny hataon'ny mpitondra fivavahana iray, tsy miezaka ny hanao an'izany aho. Miezaka miteny Azy araka ny Anomezany Azy ahy fotsiny aho.

²⁰⁹ Fa, hitanareo ve hoe nahoana ilay izy no tsy maintsy ireo MPIANDRY ondry? Ireo hafa dia tena voahofana tao amin'ny fisainana hafa iray hany ka tsy nandray an'Izany izy ireo. Ary amin'izao andro izao dia manana ny karazana mpanaramaso ambony rehetra isika, lehilahin'ny distrika, eveka, pretra, kardinaly, papa, ny zavatra rehetra ao amin'izao tontolo izao, mba hiezaka hitarika antsika. Fa Andriamanitra manome

antsika MPIANDRY ondry iray, ary io MPIANDRY ondry io dia ny Fanahy Masina.

²¹⁰ Henoy aho ankehitriny. “Rehefa Izy . . .” (tsy fisainana iray, *Izy* dia mpisolo anarana iray) “Rehefa Izy ilay Fanahy Masina no tonga (ilay Fanahin’ny Fahamarinana), dia Izy no hanambara aminareo an’ireo zavatra izay Nolazaiko taminareo, ary haneho aminareo an’ireo zavatra ho avy.” Izany ilay MPIANDRY ondry Lehibe, Izany ilay MPIANDRY ondry izay navelan’i Jesosy. Ary ny Fanahy Masina no nanoratra ny Baiboly, ny Baiboly no niteny an’izany hoe, “Ireo olona fahiny, netsehan’ny Fanahy Masina, no nanoratra ny Teny.” Ankehitriny, afaka hanosika anareo hankany amin’ny fanekem-pinoana iray ve ny Fanahy Masina? Afaka ve Izany hanosika—hanosika anareo hankany amin’ny zavatra iray izay tsy lazain’ity Teny ity? Nahoana, tena tsy ho azo atao tanteraka izany. Ho mpandainga iray ny Fanahy Masina raha nilaza Izy hoe “*Ity* no tokony hataonareo,” nefo avy eo dia hihodina ka hilaza hoe, “Tsia, fahadisoana iray Izany, fa ataovy izay lazain’ny fiangonana hatao.”

²¹¹ Ankehitriny, raha efa nihaino zavatra iray ianareo, iray hafa izay nanosika anareo hanalavitra an’ilay tena MPIANDRY ondry, marina izay hitarika anareo hankeo amin’ny Teny, ny Fanahy Masina, ary tsy manana fahatsapana ianareo, sy tsy manana vavolombelon’ny Fanahy Masina ao amin’ny fiainanareo, izay raha tsy misy . . .

²¹² Tokana Andriamanitra. Andriamanitra irety ihany no anankiray izay manana Fiainana Mandrakizay, ary Izy no Fiainana Mandrakizay. Ary ny zavatra rehetra izay nanana fiandohana iray dia manana fiafarana iray. Ary raha mambram-piangonana iray fotsiny ianareo, dia nanana fiandohana izany. Fa ny Tenin’Andriamanitra dia tsy manana fiandohana, Andriamanitra dia tsy manana . . . Ary raha naterak’Andriamanitra ianareo, dia nateraky ny Teny, amin’izay fotoana izay dia lasa zanak’Andriamanitra iray ianareo, ka ny anaranareo dia napetraka teo amin’ny Bokin’ny Fiainan’ny Zanak’ondry talohan’ny fanorenana an’izao tontolo izao. Ary ianareo, ny lokon’ny volo izay anananareo, ny lokon’ny maso izay anananareo, ny tsanganana izay misy anareo, Andriamanitra dia efa nahita anareo talohan’ny fanorenana an’izao tontolo izao. Ary efa nahita anareo Izy, olombelona iray, tahaka anareo izao. Ary na dia mbola hisy arivo taona iray aza ho avy, dia tsy misy na inona na inona afaka hisakana anareo tsy hiverina amin’io endrika tanteraka izay notendren’Andriamanitra ho anareo tany amin’ny voalohany io hoe, “Ny Ondriko mandre Ny Feoko, tsy hanaraka vahiny iray izy ireo.”

²¹³ Ary raha tsy nanaiky an’io Fiainana Mandrakizay io ianareo, izao hariva izao, ka mijery ny—ny—ny tantara foronina iray an’ny zaza kely iray mandry ao anatin’ny—ny—ny fihinanam-bilona iray, ary andiana olon-kendry iray manodidina eo, dia aza mino

karazan-javatra tahaka an'izany. Ary miezaka ny mieritreritra hoe, "Eny, ho tsara aho. Ary izaho hanao an'ity. Ary hikambana amin'ny fiangonana aho. Ary izay ihany no ilaike hatao." Very ianareo. Raha tsy manana Fiainana Mandrakizay ianareo, dia ahoana no mba hiainanareeo mandrakizay?

²¹⁴ Afaka maka voan-katsaka iray ianareo, tsy ahoako na toa tanteraka tahaka ny ahoana aza izy, ianareo tsy afaka man.... Afaka manamboatra anankiray ny siansa, ka afaka mandidy azy hisokatra ianareo: manana an'ilay hamandoana iray ihany izy, ilay karazana fo iray ihany, ireo fitaovana iray ihany izay ananan'ilay voan-javatra izay maniry eny amin'ny saha, ilay zavatra iray ihany. Afaka mametraka azy ireo ao amin'ny trano fandinihana ianareo, ary tsy afaka hanavaka ny iray amin'ilay iray hafa hoe: ny anankiray hanao mofo katsaka tsara mihitsy tahaka an'ilay hafa, ny anankiray hanao an'ilay karazana katsaka manify iray ihany. Fa ny fomba tokana azonareo tenenina amin'izy ireo, dia aleveno izy ireo. Ilay anankiray izay nataon'olona, dia mijanona eo, lò izy ary tsy haniry mihitsy. Fa ilay anankiray izay nataon'Andriamanitra, dia manana tsimok'aina iray, velona indray izy.

²¹⁵ Afaka maka tahaka Kristiana iray ianareo, afaka mandeha any amin'ny fiangonana iray tahaka ny Kristiana iray ianareo, afaka mametraka ny anaranareo eo amin'ny boky tahaka ny Kristiana iray ianareo, afaka mikambana amin'ny anaram-piagonana tahaka ny Kristiana iray ianareo; ho mety tsara izany, saingy raha tsy ao anatinareo io Fiainana Mandrakizay izay nanomezan'io MPIANDRY ondry Tsara Ny Fiainany io, mba hanasaraka.... Rehefa nidina Andriamanitra tamin'ny Pentekosta, dia nidina tao anatin'ny vongan'afio iray Izzy tahaka ny Nataony teo amin'ny Tendrombohitra Sinay, tahaka ny Nataony tamin'ilay mpiandry ondry voalohany, Mosesy. Ary rehefa nidina Izzy, dia hanasaraka ny Tenany tao anatin'ny lela afo nipetraka teo ambonin'ny tsirairay avy tamin'izy ireo Izzy, Andriamanitra hanasaraka ny Tenany tao anatin'ny Olony. Ary raha tsy nandray an'izany.... Nilaza i Petera hoe "Izany dia ho anareo, sy ho an'ny zanakareo, ho an'ireo lavitra."

²¹⁶ Ry sakaiza, aza mihaino angano ara-teolojia iray, aoka hateraka indray ianareo. Ary rehefa nateraka ianareo, ny Fanahy izay ao anatinareo dia ampanhan'Andriamanitra, ary manambara fa ny Tenin'Andriamanitra rehetra dia "Ny Fahamarinana." Raha tsy manana an'izany fahatsapana izany ianareo, dia ndao isika handeha haingana ankehitriny hankeo amin'ny fihinanam-bilona, ny Teny. Ndaoo isika handeha haingana hankeo amin'ny Baiboly, hanalavitra an'ireo fiangonana voaravaka fiteny ara-teolojia ireo, hankeo amin'ny tena fihinanam-bilona iray, hankeo amin'ny Tenin'Andriamanitra izay nampahafantarana ny Mesia.

Miaraka amin'ny lohantsika miondrika, ndao isika hivavaka.

²¹⁷ Andriamanitra Malala, izay ihany no fantattro lazaina amin'ity fotoana ity. Manatona ny Krismasy izahay, hipoka lehilahy sy vehivavy ireo lâlambe, zazalahy sy zazavavy, mifanosika, mifanety, miezaka mba hividy fanomezana iray haverina any amin'ny olona iray izay hanome azy ireo ny tahaka an'izany. Olona maro izay miantso ny tenany ho Kristiana no eny an-dâlambe mividy sigara, toaka, ho an'ny fanomezana Krismasy. Andriamanitra, toy ny hoe manipy an'izany avy hatrany eo amin'ny Tavanao izy ireo, mampianatra tantara foronina iray an'ireo zanany, teolojia Romana, mpanompo sampy ny amin'ny Masindahy Nicolas iray, angano iray izay mora eken'izao tontolo izao, ka mandà an'ilay tena Kristin'ny Krismasy, ilay tena Zanak'ondry.

²¹⁸ Andriamanitra, mivavaka aho, izao hariva izao, raha manondrika ny lohanay mankany amin'ny vovoka izay Nangalanao anay izahay,... Niteny tamin'i Abrahama Ianao indray mandeha, ilay mpaminany mpiandry ondry lehibe hoe, "Mivoaha, ry Abrahama, ka isao ireo fasika izay eo amoron-dransomasina."

²¹⁹ Dia naveriny ilay teny hoe, "Tsy voaisa izy ireo, tsy afaka manisa azy ireo aho."

²²⁰ Avy eo dia hoy Ianao hoe, "Miandrà mankany amin'ny lanitra, ka isao ny kintana." Ary fantany fa tsy azo natao izany. Dia hoy Ianao taminy hoe, "Ho tahaka an'izany ny taranakao." Mijery an'io hafatra ho an'io mpaminany mpiandry ondry io izahay hoe, "avy amin'ny vovoky ny tany, mankany amin'ireo kintan'ny lanitra," hoe na dia misy fahafatesana aza ao anatin'ny vatanay mety maty mba hitondra anay mankany amin'ny vovoka, dia misy Fiainana iray izay afaka mampakatra anay mankany amin'ireo kintana.

²²¹ Tahaka ny Nolazainao tamin'i Daniela Mpaminaninao lehibe hoe, "Ary ireo izay mahalala ny Andriamaniny, amin'ny andro farany, dia hanao zava-dehibe. Ary ireo izay mamerina ny maro mankany amin'ny fahamarinana dia hamiratra tahaka ny kintana mandrakizay sy mandrakizay."

²²² Tompo Andriamanitra, Mpamorona Lehibe, Izay tena nanaiky ny ho tonga teto an-tany tao amin'ny endrik'i Jesosy, mba hamela ny olona hahafantatra hoe inona Andriamanitra. Ary Ianao irery no Anankiray izay afaka nandray an'ilay sazin'ny fahafatesana, tsy Anjely, tsy mpisolo no afaka nanao an'izany. Ianao no Anankiray izay nametraka an'ilay sazy, ary Ianao irery no afaka nanaisotra an'izany marina tokoa. Ary satria Fanahy, dia tsy afaka ho faty Ianao. Fa tonga nofo Ianao mba Ahafahanao ho faty; ary lasa Zanak'ondry iray mba Ahafahanao hanaisotra ny fahotan'Ny Navotanao, ka tsy

maintsy nanavotra azy ireo Ianao tamin'ny alàlan'Ny Rànao Manokana.

²²³ Oh, tena malaza ilay tantara, Tompo, mandalo eo ambonin'ny lohan'ny maro izany. Ny mieritreritra hoe: "Jehovah kely, nandry tao anatin'ny fihinanam-bilona, tsy maintsy niaina tahaka ny zazakely iray Izy. Jehovah kely, teraka tao antranon'omby iray. Jehovah kely, nilalao niaraka tamin'ireo ankizy teny an-dàlambe. Jehovah kely, ilay adulantsento. Jehovah kely, ilay zazalahy mpianatra. Nefa Jehovah, ilay Mahery." Naka ny toerana rehetra Ianao. "Ary avy eo, Jehovah, ilay Zanak'ondry. Jehovah, ilay Mpaminany." Ary lasa izany rehetra izany Ianao mba Ahafahanao miaritra an'ilay sazin'ny fahotana, sy manome anay Fiainana Mandrakizay.

²²⁴ Mamelà anay, O Andriamanitra, izahay, mahantra, zava-boahary tsy mendrika an'ity izao tontolo izao ity. Menatra izahay izao hariva izao, Tompo, rehefa mamaky an'izay Nataonao ho anay, nefo tena kely no nataonay ho valiny. Ahoana fa tonga tamin'ny andron'ireo mpitarika ara-pivavahana malaza Ianao! Ahoana fa Sitrakao ny nitsangana sy nampitaratra ny Tenin'ny Ray! Ahoana fa tsy nanao marimaritra iraisana teo amin'ny foto-kevitri'zy ireo Ianao! Nefa ilay izy amin'izao andro izao dia toy ny hoe tsy misy anankiray izay te-hitsangana ka hiantso ny Teny hoe mbola "Ny Teny," ary tsy manao marimaritra iraisana. Mivavaka izahay, Andriamanitra, mba Hamelanao anay ny amin'ireo zavatra izay tena nataonay tsirambina. Ary omeo anay izao hariva izao, ao am-ponay, izay atolotray Anao toy ny fihinanam-bilona iray. Ary fantatray fa isaky ny ekena ilay Kristy Voahombo, dia misy fahaterahana iray vaovao, misy ondry iray vao nateraka, misy hiran'ireo Anjely any An-danitra. Eo amin'ny mpanota anankiray izay mibebaka, dia mihira indray ireo Anjely.

²²⁵ Mivavaka izahay, Andriamanitra, raha misy anankiray eto izao hariva izao izay tsy mahafantatra Anao ho ilay tena Fanomezan'Andriamanitra, ho Mpamonjy manokana iray, tsy amin'ny alàlan'ny fiheverana ara-tsaina iray fotsiny, fa amin'ny alàlan'ny fahateraham-baovao (ny hoe nateraky Ny Fanahinao), dia enga anie izy ireo handray an'Izany izao ankehitriny izao, Tompo, miaraka amin'ny lohanay miondrika. Ary raha hisy anankiray, Tompo, izay tsy nanao an'izany, dia enga anie handray fifaliana ny fon'izy ireo ankehitriny, ka hahita tahaka an'ireo mpiandry ondry fahiny, ao amin'ny fihinanam-bilon'ny fon'izy ireo, ny Teny, ilay Mesia; izay ho voamarina amin'izy ireo ho ny Fanahy Masina, ilay Mpiandry ondry Lehibe an'ny andro. Mangataka an'izany amin'ny Anaran'i Jesosy izahay.

²²⁶ Raha mbola manondrika ny lohantsika isika, ary matoky aho fa miondrika ny fontsika, ianareo ve—ianareo ve, ry rahalahy malalako, na dia mambram-piangonana aza ianareo... Ary manantena aho fa tsy nandratra anareo aho tamin'ny nilazana

an'izay nolazaiko. Izaho . . . Mety tsara ny mikambana amin'ny fiangonana, tokony hataotsika izany, saingy, O ry rahalahy, aza manaiky an'izany fotsiny, tsy maintsy hateraka indray ianareo. Izany no nolazain'ilay Mpaminany MPIANDRY ondry Lehibe hoe, "Tsy maintsy hateraka indray ianareo." Niteny an'izany tamin'ny teolojiana iray Izy hoe, "Tsy maintsy hateraka indray ianao."

²²⁷ Ary rehefa nateraka indray ianareo, izany dia tsy hoe satria mino fotsiny ianareo. Hoy izy ireo hoe, "Nateraka ianareo rehefa mino."

²²⁸ Saingy hoy ny Baiboly hoe, "Ny devoly dia mino, ihany koa." Ankehitriny, mariho, tsy izany ilay izy, fahatsapana iray ilay izy.

²²⁹ Hoy ianareo hoe, "Eny, efa niaina fiainana tsara iray aho."

²³⁰ Tahaka an'izany koa ireo apostoly, saingy tsy nateraka indray izy ireo raha tsy nandray ny Fanahy Masina. Tsy niova fo akory aza izy ireo raha tsy efa nandray ny Fanahy Masina. Tsaroanareo ve ilay alina talohan'ny famadihana . . . na teo amin'ilay famadihana, talohan'ny nisehoan'ilay famadihana mihitsy? Hoy Jesosy tamin'i Simona Petera hoe, "Rehefa miova fo ianao, amin'izay fotoana izay dia ampaherezo ny rahalahinao." Ary Petera dia nanaraka Azy nandritry ny telo taona sy tapany, sy nandroaka devoly, ary nanasitrana ny marary, nitory ny Filazantsara, nefo dia mbola (araka ny Teny) tsy niova fo akory aza.

²³¹ Ankehitriny, hila an'io karazana—Iraka iray io ao amponareo ve ianareo izao hariva izao? Raha—raha mila an'Izany marina tokoa ianareo . . . Tsy manao fahasamihafana amin'izay lazain'olon-kafa Izany, marina Izany, rahalahy, ranabavy. Fantatro fa marina izany. Ianareo ve, raha mbola miondrika ny loha tsirairay ary mikimpy ny maso tsirairay, tsy mankaty amiko, olona iray fotsiny aho, rahalahinareo, fa mankany amin'i Kristy no hanangananareo ny tànanareo, manao hoe, "Mino an'Izany aho. Ary mila marina tokoa an'i Kristy ho ato am-poko aho, ilay tena Kristin'ny Krismasy"? Hanangana ny tànanareo ve ianareo ankehitriny? Andriamanitra hitahy anao. Tsara izany. Andriamanitra hitahy anao, ihany koa. Andriamanitra hitahy anao. Oadray, ireo tànana hatraiza hatraiza.

²³² Enga anie hitranga izany, rahalahy; enga anie hitranga izany, ranabavy; enga anie hitranga izany, ry sakaizako; aoka ho feno ny Fanahin'Andriamanitra. Inona no fahasamihafana ataon'izany amin'izay lazain'olon-kafa? Tsarovy, ny fiainanareo izany. Mety tsy ho eto an-tany eto akory aza isika amin'ny maraina, isika tsy manana—tsy manana antoka ho an'ny aina amboniny noho izay ananantsika fofon'aina ao amin'ny favorontsika ankehitriny isika. Mety tsy hahasintona fofon'aina hafa iray intsony isika, ny fahasoavan'Andriamanitra fotsiny. Ary inona no soa ataon'izany, tsy mampaninona na tsara toy ny

ahoana aza no iainanareo ary inona...? Hoy Jesosy hoe, “Raha tsy hateraka indray ny olona, dia tsy hiditra mihitsy izy.”

²³³ Ankehitriny, fantattro ireo *voambolana* mikasika ny hoe inona ny ateraka indray, fa ndao isika handinika fotsiny an’izay nitranga ao amin’ny Baiboly rehefa nateraka indray izy ireo. Mpino iray i Petera, mpino ireo apostoly, saingy tsy nateraka indray izy ireo raha tsy taorian’ny milatsahan’ny Fanahy Masina teo amin’izy ireo tamin’ny Pentekosta. Ankehitriny, nanontany an’izay nitranga izy ireo, dia nilaza i Petera, niaraka tamin’ny sisa tamin’izy ireo hoe, “Ianareo lehilahin’i Israely, aoka ho fantatratrareo izao; Jesosy avy any Nazareta, lehilahy iray izay nasehon’Andriamanitra teo anivonareo tamin’ny famantaranara sy fahagagana ary zava-mahagaga, izay nataon’Andriamanitra tamin’ny Alàlany; Izay izay efa fantatra mialoha, tamin’ny saina niniana izay nalainareo tamin’ny tànana ratsy fanahy ka nohomboanareo, Izay natsangan’Andriamanitra ary izahay no Vavolombelony. Izay no nanatanteraka an’izao mba hahitanareo sy handrenesanareo ankehitriny, ary araka ny Soratra izany.”

²³⁴ Ary tamin’izay fotoana izay, rehefa ren’izy ireo izany, dia voatsindrona tao am-pony izy ireo, ka nanao hoe, “Ry lehilahy sy rahalahy, inona no azonay hatao mba ho vonjena?”

²³⁵ Hoy i Petera tamin’izy ireo hoe, “Mibebaha!”

²³⁶ Ankehitriny, ry sakaizako Katolika mipetraka eto, satria fantattro fa efatra na dimy aminareo no mipetraka eto. Nifanakalo hevitra tamin’ny pretranareo aho, angamba tsy pretranareo, fa anankiray amin’ireo pretra Katolika, hoy izy hoe, “Nomen’i Jesosy fahefana hamela heloka ny fiangonana hoe, ‘Na fahotan’iza na iza avelanareo, dia havela amin’izy ireo izany; na fahotan’iza na iza no azoninareo, dia hazonina amin’izy ireo izany.’” Marina izany. Saingy ndao isika handinika hoe ahoana no nanaovany an’izany, ahoana no nanarahan’ireo apostoly ny Baikony, tsy araka ny fanao izay—izay ataon’ilay pretra amin’izao andro izao.

²³⁷ Fa inona no nataon’ilay pretra voalohany, raha tianareo ny hiantso azy an’izany, Petera, izay nanana an’ireo fanalahidin’ny Fanjakana, ahoana no nilazany hanaovana an’izany? Hoy izy hoe, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho famelàna ny fahotana, ary ianareo handray ny fanomezan’ny Fanahy Masina. Fa ny teny fikasana dia ho anareo, sy ho an’ny zanakareo, ary ho an’ireo izay lavitra, na iza na iza hantsoin’ny Tompo Andriamanintsika.” Ary raha mbola miantsio foana Andriamanitra, dia ho anareo ilay fahatsapana iray ihany raha hanaraka an’ilay taratasimpanafody iray ihany ianareo. Raha mino an’Izany ity fiangonana ity, miaraka amin’ny lohanareo miondraka, dia manaova hoe, “Amena.” [Hoy ny fiangonana hoe, “Amena.”—Mpand.] Noho

izany, ny zavatra rehetra ankoatran’Izany dia mifanohitra amin’ny Teny, ary tsy araka an’ilay Mpiandry ondry.

²³⁸ Tompo Jesosy, eo an-Tànanao izy ireo ankehitriny. Mivavaka aho mba ny fo tsirairay misokatra izao hariva izao izay tsy manana an’i Kristy, Mesia (ary Kristy no Teny, ilay Teny voahosotra tonga voaseho), ka raha misy fo iray misokatra eto izao hariva izao izay tsy manana an’io Mesia io, ilay tena Fanomezan’ny Krismasy, ilay tena Fanomezan’ny Krismasy tokana izay misy, izay nomen’Andriamanitra ho an’izao tontolo izao, ka nanambara an’Izany tamin’izao tontolo izao tamin’ny alàlan’ireo mpiandry ondry, ny amin’Ny Zanak’ondriny, ilay Fanaovam-panavotana ho an’ny fahotana, ka raha misokatra izany fo izany izao hariva izao, dia apetraho ao anatin’izany, Tompo, ilay Teny Mesia an’izao andro izao. Mamestraka azy ireo eo Aminao izahay amin’ny Anaran’i Jesosy Kristy, Ilay Zanakao. Amena.

²³⁹ Tianareo ve Izzy? Mino Azy ve ianareo? “Katsaho aloha ny Fanjakan’Andriamanitra, sy ny Fahamarinany, dia hanampy ho anareo ny zavatra hafa rehetra.”

²⁴⁰ Ry sakaiza, alohan’ny hiravantsika, dia tiako ny hilaza an’ity. Matetika, tena tsy azo tsara aho. Manana Hafatra iray avy amin’Andriamanitra aho, ka tsy maintsy manambara an’izany Hafatra izany na ahoana na ahoana. Fantatro fa tsy azo tsara Izany. Raha tsy izany ilay Izzy, amin’izay fotoana izay dia tsy ho ny Hafatr’Andriamanitra Izany; tsy mety Izany. Be loatra ny korontana amin’izao andro izao mba hahatonga Azy tsy ho azo tsara. Mino aho fa manana lehilahy Andriamanitra any amin’ny anaram-piangonana tsirairay sy rafi-pandaminan’izao tontolo izao, ary ilay izy tsy hoe manohitra an’ireo rahalahiko aho. Tonga teto Tucson aho, telo taona lasa izay, ary nanao favoriana niaraka taminareo mpitoriteny tany amin-dry Rahalahy Gilmore, ary nanontaniana ilay izy hoe, izaho ve “tonga eto mba hanomboka fiangonana iray?”

²⁴¹ Hoy aho hoe, “Tsia, tompoko. Tonga eto aho hanampy anareo.” Fa tsy mbola nasaina aho, tao anatin’ny telo taona. Saingy na izany aza, dia eto aho hanampy anareo. Eto aho hifandray tånana aminareo, tsy hikambana amin’ny rafi-pandaminana hiaraka aminareo, fa hifandray tånana sy fo aminareo eo amin’ny Tenin’Andriamanitra, mba hiezaka hitory ny Filazantsara amin’ny fanahy very tsirairay sy ny olona manana ilaina tsirairay izay takatry ny feonay.

²⁴² Manolotra ny tenako ho an’Andriamanitra aho, izao hariva izao, amin’ny foko rehetra, amin’izay rehetra ato amiko. Tsy manana betsaka homena aho; tsy afaka mitondra zava-manitra, miora, ary volamena aho, satria tsy manana aho na iray aza. Fa izay rehetra ao anatin’ny tenako izay nomen’Andriamanitra ahy, ity aina ity, dia atokako ho Azy indray izany izao hariva

izao, eo ambonin'ny fihinanam-bilon'Ny Teniny ao am-poko; ary mampanantena Azy, fa hitsangana miaraka amin'ity Teny ity, raha hamela ahy ho velona taona hafa iray Izy, mahatoky arak'izay azoko itsanganana fotsiny; mitory ny kely tsirairayavy amin'Izany, ary mino ny kely tsirairayavy amin'Izany; noho izany, ampio aho, Andriamanitra. Hanao tahaka an'izany miaraka amiko ve ianareeo?

²⁴³ Raiso izahay, Tompo. Mandray Ny Fanomezan'ny Krismasinao izahay, ilay Mesia, ilay Teny voahosotra izay manamarina Ny Fanatrehao miaraka aminay, Tompo, tsy mampaninona izay fanekem-pinoana na anaram-piangonana. Hitanay, amin'ny tenanay amin'izao andro izao, fa rava izao tontolo izao, ary mitsangana eto ilay Mesia lehibe miaraka amin'ny Tànanay mitsotra: Jesosy Kristy ilay tsy miova omaly, anio, ary mandrakizay, izay nanao an'ireo teny fikasana, hoe amin'izao andro farany izao, dia ho tena voarafitra ny fiangonana hany ka hiditra ao amin'i Laodikia izy. Ary hitanay izany amin'izao andro izao, Tompo.

²⁴⁴ Inona no azonay hatao, Andriamanitra malala? Inona no azoko hatao? Ampio aho sy ireo mpiandry ondry hafa ireo, Tompo, manodidina an'izao tontolo izao, ireo mpiandry ondrin'ny Teny, mba hanambara Azy, Tompo, amin'ity taona manaraka ity. Ampio izahay, Tompo, mivavaka izahay. Omeo anay Ny Fitiavao sy Ny Fanahinao ary Ny Hazavano. Manokana ny tenanay izahay izao hariva izao ho an'Ny Teniniao sy ny Antsonao. Amin'ny Anaran'i Jesosy Kristy, no andraisanay Ny Fanomezan'ny Krismasinao: ny Tenin'Andriamanitra tonga nofo ato anatinay. Amena.

²⁴⁵ Tiako ireo hiran'ny fiangonana. Nilaza i Paoly, ao anatin'ny Baiboly hoe, "Rehefa nihira aho, dia nihira tao amin'ny Fanahy. Mitory teny aho, mitory teny ao amin'ny Fanahy. Rehefa izaho...na inona na inona ataoko, dia ataoko amin'ny Anaran'i Jesosy Kristy izany rehetra izany." Ankehitriny, satria efa navesatra taminareo Ity...Ary izaho—mankasitraka anareo aho. Tonga niaraka tamin'ity Hafatra ity aho. Indraindray ilay izy dia toy ny halako fotsiny ny milaza Azy, kanefa izaho dia—voatery aho, rahalahy. Raha tsy manao an'ilay izy aho, dia mpihatsaravelatsihy iray. Raha tsy manao an'ilay izy aho, dia mpamadika ny fieritreretako manokana, sy ny finoako manokana—manokana ny Tenin'Andriamanitra. Tsy maintsy ataoko ilay izy, tsy hoe te-ho hafa, fa ho mahatoky amin'ny antsoko. Ary te-hanampy anareo rehetra aho, te-hanao ny zavatra rehetra izay vitako aho.

²⁴⁶ Ankehitriny dia ndao isika hihira ny anankiray amin'ireo hira fiderana lehibe an'ny fotoana rehetra, tiako loatra izany, *Tiako Izy*. Fantatrareo, mino aho fa raha tia Azy fotsiny isika rehetra, dia hanao an'izay Nangatahany hataontsika isika. "Ahoana no iantsoanareo Ahy hoe, 'Tompo,' nef a tsy manao

an'ireo zavatra izay Andidiako anareo mba hatao? Ahoana no iantsoanareo Ahy hoe, ‘Tompo,’ nefä avy eo tsy manao an’izay Noteneniko aminareo mba hatao?”

²⁴⁷ Aleonareo ve hihaino mpiandry ondry mpikarama an’ady iray izay hilaza hoe “apetraho eo amin’ny boky ny anaranareo, ka mikambàna; raiso ity kominio ity, lazao *ity*, dia mety ny zavatra rehetra,” nefä ilay MPIANDRY ondry Lehibe Izzy tenamy no nilaza hoe “raha tsy ateraka indray ny olona dia tsy mahazo mahita akory ny Fanjakan’ny Lanitra aza izy”?

²⁴⁸ Ary jereo ireo teolojiana niofana an’izany andro izany, niofana! Masina? Fiainana madio? Tsy manana na inona na inona hampitahaina amin’izany isika amin’izao andro izao, ny fomba niainan’izy ireo. Nefä inona no niantsoan’ilay MPIANDRY ondry Lehibe azy ireo? Hoy Izzy, “Ianareo dia avy amin’ny devoly rainareo,” satria izy ireo tsy nanao... Nahafantatra ny Teny izy ireo, saingy ny Tenin’ny andro hafa iray, fa tsy ny Tenin’io andro io.

²⁴⁹ Raha nahafantatra ny andron’i Noa izy ireo, dia mety tsara, andron’i Noa izany; saingy tsy hety amin’ny andron’i Mosesy izany. Ary ny andron’i Mosesy dia tsy hety tamin’ny andron’i Kristy. Hitanareo? Ny andron’i Luther tsy hety amin’ny andron’i Wesley. Ny andron’i Wesley tsy hety amin’ny andron’ny Pentekotista. Ary ny Pentekosta dia nanao an’ilay zavatra iray ihany izay nataon’ny sisa tamin’izy ireo. Ankehitriny, iza no namonjy ahy tamin’ireo andro lasa? Nanontany anareo aho.

²⁵⁰ Rehefa maniry ny ravin’ahitra iray, dia inona izany? Inona... rehefa maniry ny ravim-bary iray. Hoy Jesosy hoe, “Raha tsy milatsaka amin’ny tany ny voam-bary iray.” Inona no mitranga rehefa ny voam-bary iray... na milatsaka amin’ny tany ny vary iray? Ny zavatra voalohany izay maniry dia ravina kely iray. Izany dia—tsy mitovy amin’ilay voa izay nidina. Diniho ny natiora. Tsy mitovy amin’ilay voa izay nidina izany, fa izy no mpitondra ny Ain’ilay voa. Inona no tonga...

²⁵¹ Ilay tsy mahatoky izay nanoratra an’ilay boky malaza hoe, *Ilay Andriamanitra Mangina*, izao no nolazainy hoe, “Ahoana no mety hisian’ny Andriamanitra iray izay afaka nanokatra ny Ranomasina Mena, ary mitsangana nandrity ny arivo taona an’ny taona maizina ka mahita an’ireo ankizy kely nohanin’ny liona, ary ny olona nihantona teo amin’ny hazo fijaliana, ary novonoina tao amin’ireo kianja sy ny sisa, nefä tsy nanokatra ny Vavany mihitsy akory aza?” Hitanareo, fanambarana iray ny Teny.

²⁵² Io vary io, rehefa nanomboka io tena vary io tany amin’ny voalohany, dia tsy nety tamin’Andriamanitra izy. Ary farany dia tonga ny Vary iray, tena mpampitaratra an’Andriamanitra iray, izay nampitaratra Ny Teniny manontolo hany ka Izzy no Teny. Avy eo dia nomen’Andriamanitra Ampakarina iray Izzy tamin’ny

Pentekosta; fa nilatsaka tao anatin'ny tany io Ampakarina io nandritr'ireo taona maizina, tahaka ny nataon'ilay tena vary mihitsy, nilatsaka Izy. Ary nahoana izy no tsy afaka nihetsika? Satria nafenina tao ambanin'ny tany izy, tsy maintsy lò izy alohan'ny ahafahany hamokatra fiainana.

²⁵³ Fa tonga ny pretra kely iray indray mandeha, tamin'ny anarana hoe Martin Luther, ary nanapoitra ny Tenin'ny Fahamarinana anankiray izy hoe: "Ny marina ho velona amin'ny finoana," tonga ny ravina iray; avy eo dia nanaraka azy ny ravina iray hafa, Zwingli, ary avy eo dia tonga i Calvin sy Knox ary nitohy nidina.

²⁵⁴ Ny zavatra voalohany fantatrareo, nanova ny raviny izany, lasa nankao amin'ny salohy iray izany. Ankehitriny, nitovy kely kokoa taminy izany, saingy tsy mbola ilay tena zavatra izay nandeha nankao amin'ny tany izany, indro tonga i Wesley. Avy tao amin'i Wesley no tonga ny fiangonana Metodista, avy tamin'ny fiangonana Metodista no tonga ny Nazareana, Mpirahalahy Miray, sy ny sisa. Inona no nataon'izany? Nianjera indray izany ka namokatra, tahaka ny tena voam-bary iray ankehitriny, Pentekosta.

²⁵⁵ Ankehitriny, diniho Jesosy, ao amin'ny Matio 24:24, "Amin'ny andro farany, dia tena hiara-hifanakaiky ireo fanahy roa hany ka hamitaka an'ilay tena Voafidy izany, raha azo natao." Ankehitriny, rehefa mitsiry io voam-bary io, ny mpamboly vary rehetra dia mahafantatra fa toy ny hoe mitovy tanteraka izany, ilay voam-bary. Fa mipetraha ianareo ka raiso ao anatin'ny tananareo izy, sokafy izy. Tsy misy vary ao anatiny, akofa iray izany. Fa any aoriana indrindra, eo ambanin'ny mikroskôpy dia afaka mahita tsimoka kely bitika iray ianareo, eo no tonga ilay voa. Ary avy eo dia inona no tsy maintsy hataon'io akofa io? Hiarovana an'ilay voa izany, hamono azy ny masoandro mahamay, miaro an'ilay voa izy mandra-pahamasak'ilay voa. Ary avy eo rehefa lasa masaka ilay voa, dia miendaka aminy ilay akofa. Fa, efa voamarikareo ve, io voa izay mitsiry io arak'izany, dia tsy maintsy ho ilay karazana iray ihany an'ilay voa izay nandeha tao ambanin'ny tany.

²⁵⁶ Taorian'ny fifohazan'i Luther, dia tonga ny rafi-pandaminana iray. Taorian'ny fifohazan'i Wesley, dia tonga ny rafi-pandaminana iray. Taorian'i Alexander Smith, John... Alexander Campbell, John Smith, ny sisa rehetra tamin'izy ireo, dia tonga ny rafi-pandaminana iray. Taorian'ny Pentekosta, tena tahaka an'ilay tena zavatra mihitsy, saingy tonga ny rafi-pandaminana iray. Inona no nataon'izany? Nanalavitra.

²⁵⁷ Efa nanana fifohazana dimy ambin'ny folo taona isika, tsy fantatra mihitsy izany tao amin'ny tantara rehetra. Ary diniho, tao anatin'io fifohazana dimy ambin'ny folo taona io, dia nitety an'izao tontolo izao Izany, nefo tsy nisy rafi-pandaminana

anankiray naorina avy tao amin'Izany. Taiza Izany? (Izany no nanomboka ny fara-orana, izany dia maty tao amin'ny... teo no ho eo, maty izany.) Tsy nisy rafi-pandaminana nanaraka an'Ity. Nahoana? Izany dia ilay voa Izy tenany, tsy mety hisy intsony. Ary eo am-piendahana ilay akofa ankehitriny, tsy misy fiarahamiasa, tsy misy olona mila anareo. Nahoana izany? Tsy maintsy Izany ilay izy.

²⁵⁸ Nahoana no tafapetraka tany ilay fiangonana? Mba hanohana Azy. Taiza... Iza no te-hiara hiasa? Batista iza, na Presbyterana, na Loterana no hanohana asa-panasitranana avy amin' Andriamanitra iray? Ankehitriny rehefa miseho ny Fahamarinana, dia inona no mitranga? Tsy ilay akofa; fa ilay Aina no mivoaka avy hatrany avy ao amin'ilay akofa, mankao amin'ilay voa avy hatrany, ilay tena Aina marina. Mitsangana eo ny rafi-pandaminana, maty, tahaka ny nataony tao amin'ny taona tsirairay mihitsy, manao an'ilay zavatra iray ihany izy. Nivoaka avy tamin'izany ianareo, dimampolo taona lasa izay, nefo niverina avy hatrany nankao amin'izany indray! Fa ilay tena Aina dia manaraka an'ilay voa, eo amin'ny andro farany isika izao, ry rahalahy.

²⁵⁹ Ho an'ny inona no niendahany? Mba hitondrany an'ilay voa eo amin'ny fanatrehan'ilay Zanaka, mba hanamasaka an'ilay voa ho amin'ny fijinjana volamena ho an'ilay Tompo. Nahoana izy no niendaka? Noho izany, izany no miteraka aretim-po, ranomaso, hoe tsy mipetraka eo anatrehan'ilay m-a-s-o-a-n-d-r-o, [Amin'ny teny Anglisy dia s-u-n,—Mpand.] izy ireo, fa ilay Z-a-n-a-k-a, [S-o-n,] mba ho masaka ho an'ny Filazantsara feno marina, mba haneho ny zavatra rehetra izay nampanantenain'i Jesosy Kristy ao amin'ny Baiboly. Misy fananganana Vatana iray amin'izao andro izao eo anivon'ny olona. Ary tsy hisy rafi-pandaminana intsony, mandeha avy hatrany ao amin'i Laodikia manan-karena izany. Nambinina tamin'ny inona ny rafi-pandaminana? Dolara an-tapitrisany, sy fanahy an-tapitrisany.

²⁶⁰ Ary ho an'ny inona no nahatongavan'ilay Mpiandry ondry? Mba hanafaka an'ireo Rahalahiny amin'ny fanandevozana. Izaho—tsy fantattro; Andriamanitra, mombà anay, ampio izahay. Ianaro ny Teny! Zahao ny Soratra! Ao amin'Izy ireo no heverintsika fa ananantsika Fiainana Mandrakizay, ary Izy ireo no Hany manambara ny Fahamarinana. Hitareo, nitsinjara Ny Teniny ho an'ny taona tsirairay Andriamanitra. Ity taona ity isan'andro...

²⁶¹ Inona no nolazain'i Jesosy rehefa tonga Izy? Hoy Izy tamin'ireo olona ireo hoe, "Ianareo mpihatsaravelatsihy! Mandoko fotsy ny rindrina ianareo, ary manorina ny fasana ho an'ireo mpaminany, nefo ny rainareo no nanao azy ireo tao. Ary ianareo dia zanaky ny rainareo. Ary ny asa izay nataon'izy

ireo, no hataonareo koa.” Mbola mijanona ho tahaka an’izany hatrany ilay izy, ry rahalahiko.

²⁶² Fa rehefa tonga Jesosy indray andro any, ilay Mpiañdry ondry Lehibe an’ny ondry nanomboka tamin’ny Pentekosta hatrany amin’i Luther nanerana an’ireo taona rehetra, izay nanaiky an’ilay Hazavana rehefa nandalo an’ireo mpitondra Izany (tsy nanaiky an’ilay mpitondra, nanaiky an’ilay Hazavana; hitanareo, nivoaka), dia ho tonga mba hanavotra Izy. Tena faly aho fa fantatro fa ho avy indray Izy. Oh, ho tianareo ve ny ho voaisa miaraka amin’ny Vondrony? Ho tianareo ve ny ho voaisa? Fomba tokana ihany no hanaovana an’izany, tsy amin’ny alàlan’ny fikambanana amin’ny fiangonana iray, fa amin’ny alàlan’ny nateraka tao Aminy. “Ary izay rehetra nomen’ny Ray Ahy, no hanatona Ahy, ary tsy misy olona mahay manatona raha tsy Ny Raiko no miantso azy.” Hitanareo, izay ihany ny amin’izany, ekeo Izany. Izy... Izany ihany no Fanomezana Krismasy izay fantattro, dia ny fanomezan’Andriamanitra izay Nomeny an’izao tontolo izao, Ny Zananilahy tokana. Ary Izy no tsy miova, omaly, anio, ary mandrakizay, ny Teny. Hitanareo? Minoa Azy amin’ity andro ity, ny fahafenoan’ny Baiboly.

²⁶³ Rehefa ireo zava-miafina fito... Nandritr’ireo Taom-Piangonana Fito, dia nisy zava-miafina fito nafenina. Manoratra boky iray mikasika an’Izany aho. Ary teolojiana malaza iray no nilaza tamiko vao tsy ela akory izay, nanao hoe, “Rahalahy Branham...” Hitanareo ve hoe ahoana no hiezahan’i Satana hanosika anareo hiala amin’ilay lâlana? Hoy izy hoe, “Rahalahy Branham, mba fantatrao moa? Mino aho fa ny Tompo dia hanambara aminoao an’izay tokony hataontsika amin’ny manaraka. Izany dia mba... ho tsiambaratelo lehibe iray izany izay miafina ao ambanin’ireo Tombokase Fito ireo.”

²⁶⁴ Hoy aho hoe, “Tsia, tsy izany ilay izy, rahalahy.”

²⁶⁵ Hoy izy hoe, “Ho zavatra iray izay tsy voasoratra ao anatin’ny Teny akory aza izany.”

²⁶⁶ Hoy aho hoe, “Tsia! Tsia! Adinonao hoe, ‘Na iza na iza hanampy teny anankiray, na hanaisotra Teny anankiray.’” Hitanareo, efa ao anatin’ny ao Izany, fa ireo mpanavao no diso tamin’ny fahitana an’Izany, tsy velona ela loatra izy ireo mba hahita an’Izany.

²⁶⁷ Ary tapitra ireo taona ankehitriny, ao amin’ny Laodikia mihitsy isika eto. Ary tsarovy, ilay taonan’i Laodikia, tany ivelan’ny fiangonana Izy, nandondôna, miezaka mba hiverina hiditra: Eva no nandroaka an’i Adamany. Andriamanitra, ampio izahay. Ndaeo isika handeha any ivelan’ny toby mba hahita Azy. Ndaeo isika hiaritra any ivelan’ny vavahady miaraka Aminy. Ndaeo isika handeha hankeo Aminy ao amin’ny Fahafatesany, ao amin’ny Fandevenany, ary ao amin’ny Fitsanganany; satria Izy no tsy miova omaly, anio, ary mandrakizay.

²⁶⁸ Ndao isika hihira hira fiderana anankiray alohan'ny iyalantsika. Sitrakareo ve? *Tiako Izzy*. Hanome anay ny naoty ve ianao, ranabavy? Firy no mahafantatra an'ilay hira fiderana fahiny? Izaho... Raha efa mba tao amin'ireo favoriana ianareo, tiako izany.

²⁶⁹ Ankehitriny ndao isika hanakimpy ny masontsika, hieritreritra an'i Jehovah. Tsy nisy anankiray mendrika, tsy nisy anankiray afaka nanao an'izany afa-tsy Izzy. Ary nidina Izzy, ka lasa zaza kely iray. Tonga Izzy,adolantsento iray. Lasa mpandrafitra iray Izzy, lehilahy miasa iray. Lasa Zanak'ondry iray Izzy, lasa fanatitra iray Izzy. Nitsangana tamim-pandresena Izzy, Jehovah. Ary nanatsoaka ny tànany avy tao an-tratrany avy teo ambonin'ny fony i Mosesy, nanatsoaka ny Tànany avy tao an-Tratrany Andriamanitra (ny Tsiambaratelony) Ny Zanany izay nokapohina tamin'ny aretim-pahotana, tsy azo sitranina; ary naveriny nankao anatin'ilay tratra indray Izany, ary nosintoniny Izany ka natsotrany nankany amiko sy ianareo Izany hoe: "Jesosy Kristy no tsy miova omaly, anio, ary mandrakizay."

²⁷⁰ Jereo Izzy ankehitriny.

Tiako Izzy, tiako Izzy
Satria nitia ahy mialoha Izzy
Ka nividy ny famonjeko
Teo amin'ny hazon'i Kalvary.

²⁷¹ Firy no mahafantatra hoe nahoana ilay izy no tsy maintsy mpiandry ondry iray, manaova "Amena." [Hoy ny fiangonana hoe, "Amena."—Mpand.] Tsy maintsy! Nahoana no mpiandry ondry iray? Tsy maintsy izany ilay izy. Ankehitriny raha mbola mihira an'ity andininny iray ihany ity indray isika, dia atsory miampita an'ilay latabatra ny tànanareo. Misy Metodista eo, Batista, Loterana, Presbyterana, Katolika, sy ny rehetra, mipetraka ato izao hariva izao. Mandraisa tànana, manaova hoe, "Ry namana mpivahiny, tena faly aho ny tonga eto miaraka aminao, izao hariva izao." Milazà zavatra iray amin'izy ireo. Manaova hoe, "Andriamanitra hitahy anao," raha mifandray tànana isika ankehitriny. Raha mihira an'izany indray isika ankehitriny.

Izaho...
[Elanelana tsy voaraki-peo—Mpand.]
...ny famonjeko
Teo amin'ny hazon'i Kalvary.

²⁷² Ankehitriny dia ndao isika hanakimpy ny masontsika ka hanangana ny tànantsika, ary hihira ho Azy.

Tiako Ianao, tiako Ianao
Satria nitia ahy mialoha Izzy
Ka nividy ny famonjeko
Teo amin'ny hazon'i Kalvary.

²⁷³ Ary ankehitriny, tsy manana endrika Andriamanitra. Noho izany, ndao isika hanondrika ny lohantsika ka hisamonomonona an'izany ankehitriny, tahaka ny ankizy kely, zanak'Andriamanitra ianareo. Aza mijery an'izay mety neverin'izao tontolo izao, manompo ianareo ankehitriny, manompo an'i Kristy. Aondreho fotsiny ny lohanareo ka samonomonony izany. [Misamonomonona ny *Tiako Izzy Rahalahy Branham* sy ny fiangonana—Mpand.]

²⁷⁴ Tsy mahatsapa ho tahaka ny voakosoka tanteraka ve ianareo? Karazany fotsiny...nisy zavatra nikosoka fotsiny ny fisalasalana rehetra sy izao tontolo izao niala taminareo? Mahatsapa tahaka an'izany ve ianareo? Atsangano ny tānanareo, “Mahatsapa ho voakosoka tanteraka aho. Mahatsapa ho hafa aho. Mahatsapa toy ny hoeefa nihinana avy teo amin’ny Tānany aho. Izaho dia...” Tahaka an'ilay rahalahy nijoro vavolombelona teto hoe, “Sakafo, sakafon’ny Mpiandry ondry, sakafon’ondry.” Izany dia ny Teny.

²⁷⁵ Mihinana eo amin’Ny Sakafony ny ondrin’Andriamanitra, “Tsy ny mofo ihany no hiveloman’ny olona, fa ny Teny rehetra izay aloako ny vavan’Andriamanitra.” Ary ity Izany, ny Baiboly. Mihinana ny Teny tsirairay isika, tsy sasantsasany amin’ny Teny fotsiny, fa ny Teny rehetra izay miloaka. Oh, tsy manao anareo ho tia Azy ve izany? Ny mieritreritra fa manana Fiainana Mandrakizay isika ankehitriny! Tsy hoe isika dia ho, *ankehitriny* dia zanak'Andriamanitra isika. Tsy hoe isika dia ho, ankehitriny! Ary izany dia miara-mipetraka ao amin’ireo toeran-danitra *ao* amin’i Kristy Jesosy. Ary ilay televiziona lehibe, izay manambara fa misy onja ether iray izay manao ny olona (ilay olona izay mandeha manodidina ny tany) ho fantatra amin’ny alàlan’ilay—amin’ny alàlan’ilay fitaratra fijerena an’ny televiziona. Ilay Tenin’Andriamanitra lehibe, sy ny Fanahin’Andriamanitra mandray ny Tenin’Andriamanitra, dia mampitaratra an’i Jesosy Kristy ny Ondriny ao amin’ireo toeran-danitra, hoe Izy no tsy miova omaly, anio, ary mandrakizay. Tsy mahafinaritra ve Izy? Mahafinaritra! Andriamanitra hitahy anareo.

²⁷⁶ Ankehitriny dia ndao isika hitsangana vetivety fotsiny. Manana olona iray ho an’ny tso-drano ve ianareo? Ankehitriny, tsarovy, mandritry ny Krismasy, manompoa ny Tompo Jesosy. Manompoa Azy ao amin’ny Herin’ny Fitsanganany. Ary raha afaka ny mba ho fanampiana ho anareo aho (ianareo, ny pasiteranareo, ny fiangonanareo, na inona na inona), tsy maizina loatra mihitsy ny alina, tsy milatsaka mafy loatra mihitsy ny ranonorana.

²⁷⁷ Indray hariva (misy ramatoa iray mitsangana manatrika eto) tena sahirana aho, nandray ny marary sy ny karazany hany ka... Nisy vehivavy iray valopolo taona mahery izay nahavery ny sainy, ary izy dia nanana... nihevitra izy fa nanana zazakely

iray na zavatra iray, tany ivelan'ny sainy izy. Ary Billy, avy tany amin'ny birao, dia niantso ahy, nanao hoe, “Dada, afaka ve ianao?”

²⁷⁸ Hoy aho hoe, “Tsy afaka aho izao ankehitriny izao. Misy olona . . . Tsy afaka manao an’ilay izy fotsiny aho.”

²⁷⁹ Hoy izy hoe, “Dada, afaka mandeha mivavaka ve ianao? Hoteneniko amin’izy ireo fa mivavaka ianao.”

²⁸⁰ Hoy aho hoe, “Eny.” Ary tamin’io fotoana io mihitsy dia niverina nahatsiaro tena izy. Natory izy, nifoha tao amin’ny toerany ara-dalàna; nihinana akoho iray manontolo, sakafô hariva, tao amin’ny saina ara-dalàna. Nitsangana teto ilay olona njoro vavolombelona an’izany fotoana vitsy lasa izay.

²⁸¹ Rahalahy Mack, nahita azy aho teto vao teo, tany ho any ato amin’ny fiangonana. Eto izy, iray amin’ireo pasitera, pasitera eto an-toerana. Tena rahalahy malala iray mihitsy, ary efa tia an-dRahalahy Mack foana aho hatramin’ny nanombohako voalohany tao amin’ny asam-panompoana. Ary avy eo dia nihaona taminy aho . . .

²⁸² Ary tany British Columbia aho; ary mba haneho aminareo fotsiny hoe ahoana fa hanao ny zavatra rehetra hiasa tsara Andriamanitra. Efa niakatra teo ambonin’ny soavalý iray aho, ary nandeha niverina nankany an-efitra izay nitarihako vondrona Indiana iray manontolo nankeo amin’Andriamanitra; ary niova fo izy rehetra, ka nandray an’i Jesosy.

²⁸³ Ary tamin’ny alàlan’ilay faminaniana izay niteny tamin’ilay zazalahy Indiana izay nahavery ny soavalý keliny, roa taona lasa izay, niteny taminy hoe aiza no ahafahany hahita azy, hatraiza no hisy azy, ary aiza no hitsanganan’ilay soavalý kely. Teo am-pahafatesana niaraka tamin’ny aretim-po ny reniny. Sitrana izy ary voavonjy. Ary ity zazalahy ity, nandalo fotsiny ary nahita an’izany, ka nahafantatra fa izy . . . ny soavaliny dia hita marina tokoa arak’izay notenenina taminy, sy ny sisa.

²⁸⁴ Tsy nisy Teny anankiray izay hany notenenin’ny Tompo . . . Hanontany anareo rehetra aho hoe, “Izy ve . . . efa nandre Azy nilaza zavatra iray ve ianareo, izay hany Notenenin’ny tamiko mba ho tenenina aminareo, ka tsy niseho marina tokoa?” Raha marina izany, dia manaova hoe “Amena.” [Hoy ny fiangonana hoe, “Amena.”—Mpand.] Hitanareo? Hitanareo? Marina tokoa, tsy diso mihitsy Izany na indray mandeha aza.

²⁸⁵ Ary nandry teo amin’ny toeram-pahafatesana Rahalahy Mack, ary sendra niantso an’i Billy ny vadiny . . . ny vadiny’ny zanakolahy, ka niteny . . . nanontany izay nisy ahy; io ramatoa kely maha-te-ho tia io ary . . . ny vadiny. Ary izy . . . Ary hoy ny vinantovaviko hoe, “Any British Columbia avaratra izy manao dia fihazana.”

²⁸⁶ Ary tamin'io maraina io, na ahoana na ahoana, izaho—izaho—tsy afaka nitaingina an'io soavaly io hivoaka fotsiny aho. Ary avy eo dia hoy i Billy hoe, “Hino aho fa hiantso any an-trano indray mandeha indray aho.” Dia nandeha nankany amin’ny paositra izy mba hiantso. Ary indro fa niverina izy ireo, rehefa nitsangana teo ilay Indiana kely, ilay kely . . . izay nanana an'ilay soavaly kely, ka nanao hoe, “Mandry eo amin’ny toeram-pahafatesana i Rahalahy Mack, ary miantsao anao.”

²⁸⁷ Dia niaingga aho, nandeha nankao anaty ala ka nandohalika. Hoy aho hoe, “Ray Malala, any lavitra any, telo arivo maily any am-pitan’ny firenena, ao amin’ny fanjakana misy masoandro be an'i Arizona, any Tucson, no misy ny rahalahiko, ary mandry eo amin’ny toeram-pahafatesana izy. Hanampy azy ve ianao?”

²⁸⁸ Nisy Zavatra iray fotsiny niteny tamiko hoe, “Tsara ny rehetra.”

²⁸⁹ Ary rehefa nanatona an-dRahalahy Mack aho indray andro, mba hiresaka aminy, ka nanontany azy hoe, “Tamin’ny firy no nitrangan'ilay izy?” ilay izy dia tamin'ilay ora iray ihany izay nandehananay nivavaka.

²⁹⁰ Oh, Izzy . . . Tsy mahafinaritra ve Izzy! Izzy no tsy miova omaly, anio, ary mandrakizay. Tena faly aho ny mahafantatra fa velona ao amin’ny Fanatrehan’ilay Mpanjaka aho.

²⁹¹ Ndao isika hanondrika ny lohantsika ankehitriny, ary eto ny rahalahy kely sarobidy iray, rahalahy misionera iray, sakaizako, mambra iray an'ny Assemblées de Dieu, rahalahy kely sarobidy eto. Izaho dia miantsao azy hoe, “Creechy.” Miresaka zavatra tena mahafinaritra izy. Rahalahy Creech, izany no iantsoako anao. Tsy fantatro izay ho lazaina, rahalahiko ianao ary sakaiza mpanompo ao amin'ireo fahorian'i Jesosy Kristy amin'izao andro farany izao. Hitahy anareo anie Andriamanitra. Ary neveriko fa Rahalahy Tony no nilaza fa ianao no hampirava ny mpanatrika amin'izao fotoana izao, raha manondrika ny lohantsika isika. Eny àry, avia.



NAHOANA ILAY IZY NO TSY MAINTSY MPIANDRY ONDRY MAG64-1221
(Why It Had To Be Shepherd)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alatsinainy hariva, 21 Desambra, 1964, ho an'ny fanasan'ny Full Gospel Business Men's Fellowship International tao Ramada Inn ao Tucson, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org